

YALIOMO

Sala zitumikazo mara kwa mara	3
Juma la kwanza	7
Juma la pili	50
Juma la tatu	97
Juma la nne	141
Shere za Bwana	187
Jumapili za Mwaka	195

SALA ZITUMIKAZO MARA KWA MARA

UTANGULIZI KWA VIPINDI VYA LITURJIA

MWALIKO

K. Ee Bwana, uifungue midomo yetu.

W. Nasi tutalisifu jina lako.

Ant. ya Kipindi cha Majilio I (hadi Des. 16):

Tumwabudu Bwana, mfalme atakayekuja.

Ant. ya Kipindi cha Majilio II (Des. 17-23):

Bwana yu karibu, njooni, tumwabudu.

Ant. ya Kipindi cha Noeli I (kabla ya Tokeo la Bwana):

Kristo amezaliwa kwa ajili yetu: njooni, tumwabudu.

Ant. ya Kipindi cha Noeli II (baada ya Tokeo la Bwana):

Kristo ametutokea: njooni tumwabudu.

Ant. ya Kipindi cha Kwaresima I (pamoja na Juma Kuu):

Kristo Bwana alishawishiwa na akateswa kwa ajili yetu. Njooni tumwabudu.

Ant. ya Kipindi cha Kwaresima II (isipokuwa kwa Juma Kuu):

Aheri kama mngesikia sauti yake leo: msiwe na mioyo migumu.

Ant. ya Kipindi cha Pasaka I (hadi Kupaa):

Bwana amefufuka kweli, aleluya.

Ant. ya Kipindi cha Pasaka II (Kupaa hadi Pentekoste):

Kristo Bwana ametuahidia Roho Mtakatifu: njooni tumwabudu, aleluya.

Ant. ya Kawaida ya Majuma 1 na 3:

Jumapili: Njooni, tumwimbie Bwana; tumfanyie shangwe Mungu anayetuokoa, aleluya.

Jumatatu: Tuje mbele ya Bwana kwa shukrani.

Jumanne: Bwana ni mfalme mkuu; njooni, tumwabudu.

Jumatano: Na tumwabudu Bwana, kwani ndiye aliyetuumba.

Alhamisi: Njooi, tumwabudu Bwana, kwani yeye ni Mungu wetu.

Ijumaa: Mshukuruni Bwana, kwa kuwa pendo lake kuu ni la milele.

Jumamosi: Dunia na vyote viijazavyo, ni mali ya Bwana: njooi tumwabudu.

Ant. ya Kawaida ya Majuma 2 na 4:

Jumapili: Sisi ni watu wake Bwana, kundi linaloongozwa kwa mkono wake: njooi, tumwabudu, aleluya.

Jumatatu: Na tufurahi katika Bwana; na tumsifu kwa nyimbo.

Jumanne: Bwana ni Mungu Mwenyezi: njooi, tumwabudu.

Jumatano: Mfanyieni Mungu shangwe, dunia yote: mtumikieni Bwana kwa furaha.

Alhamisi: Njooi mbele ya Bwana, mkiimba kwa furaha.

Ijumaa: Jinsi Bwana alivyo mwema! Litukuzeni jina lake takatifu.

Jumamosi: Tuisikilize sauti ya Bwana, tukaingie katika amani yake.

Zab. 95

Utenzi wa kumsifu Mungu

Maadam hiyo “Leo” inayosemwa katika Maandiko bado inatuhusu sisi, mnapaswa kasaidiana daima (Ebr. 3:13)

Njoni tumwimbie Mungu;
tumshangilie mwamba wa wokovu wetu!
Tuingie kwake na nyimbo za shukrani;
tumshangilie kwa nyimbo za sifa. *(W. Ant.)*

Maana Mungu, ni Mungu Mkuu.
Mfalme mkuu juu ya miungu yote.
Dunia yote imo mikononi mwake,
mabonde, na vilele vya milima.
Bahari ni yake, ndiye aliyeifanya:
nchi kavu kadhalika, yeye aliiumba. *(W. Ant.)*

Njoni tusujudu na kumwabudu;
tumpigie magoti Mungu, Mwumba wetu!
Maana yeye ni Mungu wetu!
Nasi ni watu anaowalinda,
ni kondoo wake anaowachunga. *(W. Ant.)*

Laiti leo mngelisikiliza anachosema:
“Msiwe na mioyo migumu kama wazee wenu kule Meriba,
kama walivyokuwa siku ile, kule Masa jangwani!
Huko wazee wenu walinijaribu na kunipima,
ingawa waliyaona mambo niliyowatendea. *(W. Ant.)*

Kwa miaka arobaini nilichukizwa nao,
nikasema: ‘Kweli hawa ni watu waliopotoka!
Hawajali kabisa mwongozo wangu!’
Basi, nilikasirika nikaapa:
‘Hawataingia kwangu wapumzike!’ *(W. Ant.)*

Atukuzwe Baba na Mwana na Roho Mtakatifu,
kama mwanzo, na sasa, na siku zote na milele. *(W. Ant.)*

WIMBO WA ZAKARIA

Lk. 1:68-79

Asifiwe Bwana Mungu wa Israeli, /
kwani amekuja kuwasaidia *
na kuwakomboa watu wake.

Ametupatia Mwokozi shujaa, *
mzao wa Daudi, mtumishi wake.

Aliahidi hapo kale *
kwa njia ya manabii wake watakatifu,
Kwamba atatuokoa kutoka maadui wetu *
na kutoka mikono ya wote wanaotuchukia.

Alisema kwamba atawaonea huruma wazee wetu, *
na kukumbuka agano lake takatifu.

Kwa kiapo alichomwapia mzee wetu Abrahamu /
aliahidi kutukomboa kutoka maadui wetu *
na kutujalia tumtumikie bila hofu,

ili tuwe watakatifu na waadilifu mbele yake *
siku zote za maisha yetu.

Nawe, mwanangu, utuitwa: *
nabii wa Mungu Aliye Juu,

utamtangulia Bwana *
kumtayarishia njia yake;

kuwatangazia wtukwamba watakaokolewa
kwa kuondolewa dhambi zao.

Mungu wetu ni mpole na mwenye huruma, /
atasababisha pambazuko angavu la ukombozi *
litujie kutoka juu,

na kuwaangazia wote wanaokaa /
katika giza kuu la kifo, *
aongoza hatua zetu katika njia ya amani.

Atukuzwe Baba na Mwana *
na Roho Mtakatifu,

kama mwanzo na sasa, na siku zote, *
na milele. Amina.

HATIMA YA VIPINDI VYA LITURUJIA

K. Bwana awe nanyi.

W. Na awe rohoni mwako.

K. Awabariki Mungu mwenyezi, Bwana na Mwana, na Roho Mtakatifu.

W. Amina.

AU

K. Bwana atubariki, atukinge na movu yote, na atufikishe kwenye uzima wa milele.

W. Amina.

JUMA I

JUMAPILI

MASIFU YA ASUBUHI

UTENZI wa Kawaida — AU:

Mungu usiye mipaka
Ndanimu Wewe twaishi,
E Ufufuo na Mwanga,
Utenzi wa asubuhi
Wewe tunakuimbia,
Unyamavu wa usiku
Sasa tunaumaliza.

Jogoo yule wa kwanza
Anapoanza kuwika,
Na vyote viamkapo
Kutoka usingizini,
Ndipo huchipua upya
Uzima na tumaini,
Na rangi huonekana.

Mwumba wa vyote vilivyo,
Kipimo cha vitu vyote
Na mwisho wa vyote hivyo,
E Mungu msamehevu
Sahau makosa yetu,
Na sikia zetu sala
Kabla hatujakwomba.

Sifa iwe kwako Baba,
Mwana, Roho Mtakatifu,
E Utatu Mtakatifu,
Chemchemi ya neema,
Unayetuita sisi

‘Toka utovu wa vyote
Tuje kwako tutulie.

AU

Kristo ni mwokozi wa dunia,
Awapendaye walio safi,
Kisima cha hekima ya mbingu,
Thibitisho la imani yetu
Hifadhi ya tumaini letu,
Silaha za askari wake,
Bwana wa dunia na wa mbingu,
Afya yetu tunapoishi,
Uzima wetu tutapokufa.

Chini katika kiza kinene,
Alilala kafungwa mfungwa,
Ilipowadia yake saa,
Alifufuka taji kavaa.
Na sasa, mbinguni kisha paa,
Kiti cha enzi amekalia,
Ambacho kamwe hakukiacha;
Hicho ni mali ya Baba yake,
Hicho ni mali yake mwenyewe.

Utukufu wote kwake Baba,
Ambaye peke hakuzaliwa;
Heshima yote iwe kwa Yesu,
Pekee aliye Mwana wake;
Pia kwa Roho Mtakatifu,
Utatu ulo Mkamilifu.
Vitu vyote haya na vijibu,
Haya jibuni bin-Adamu:
Amin - iwe hivyo - Amina.

ANT. I

Ant. ya Kawaida:

Nitakutafuta mapema asubuhi, Ee Mungu, ili nione nguvu zako, aleluya.

Ant. ya Majilio:

Siku hiyo milima itafurika divai tamu; vilima vitatiririka maziwa na asali.

Ant. ya Kwaresima:

Jumapili 1

Nitatukuza maisha yangu yote, Ee Bwana; kwa jina lako nitainua mikono yangu.

Ant. ya Kwaresima:

Jumapili 5

Wewe, Mungu wangu, umekuwa msaada wangu.

Ant. ya Kipindi cha Pasaka:

Anayeona kiu, aje anywe maji ya uzima, aleluya.

Zab. 63:1-8

Hamu ya kuwa pamoja na Mungu

*Mtu aliyeacha matendo ya giza,
na amtafute Mungu*

Ee Mungu, wewe ni Mungu wangu; *
nakutafuta kwa moyo.

Roho yangu inakutamani kama mtu mwenye kiu, *
nina kiu nawe kama nchi kavu isiyo na maji,

Nina hamu ya kukuona patakatifuni pako, *
ili nione enzi yako na utukufu wako.

Upendo wako mkuu ni bora kuliko maisha, *
kwa hiyo nitakusifu.

Nitakushukuru maisha yangu yote; *
katika sala nitainua mikono yangu.

Roho yangu itafanya karamu na kushiba vinono; *
kwa shangwe nitaimba sifa zako.

Niwapo kitandani ninakukumbuka, *
usiku kucha ninakufikiria;

maana wewe umenisaidia daima. *
Kivulini mwa mabawa yako nitashangilia.

Roho yangu inaambatana nawe kabisa, *
mkono wako wa kuume wanitegemeza.

Ant ya Kawaida:

Nitakutafuta mapema asubuhi, Ee Mungu, ili nizione nguvu zako, aleluya.

Ant. ya Majilio:

Siku hiyo milima itafurika divai tamu, vilima vitatiririka maziwa na asali.

Ant. ya Kwaresima:

Jumapili 1

Nitakutukuza maisha yangu yote, Ee Bwana; kwa jina lako nitainua mikono yangu.

Ant. ya Kwaresina:

Jumapili 5

Wewe, Mungu wangu, umekuwa msaada wangu.

Ant. ya Kipindi cha Pasaka:

Anayeona kiu, aje anywe maji ya uzima, aleluya.

ANT. II

Ant. ya Kawaida:

Katikati ya moto, wale watatu waliimba kwa sauti moja: Atukuzwe Mungu, aleluya.

Ant. ya Majilio:

Milima na vilima vitamwambia Mungu sifa, miti ya shamba itapiga makofi, kwani Bwana yu aja, naye atatawala milele, aleluya.

Ant. ya Kwaresima:

Jumapili 1

Imbeni na msifuni Mungu hata milele.

Ant. ya Kipindi cha Kwaresima:

Jumapili 5

Utuopoe kwa matendo yako ya ajabu; utuokoe na nguvu za mauti.

Ant. ya Kipindi cha Pasaka:

Mwabaduni Bwana aliyeumba mbingu na nchi, enyi bahari na kila chemchemi ya maji, aleluya.

WIMBO: Dan. 3:57-88,56

Kila kiumbe kimsifu Bwana

Msifuni Mungu, enyi watumishi wake wote (Ufu. 19:5)

Enyi viumbe vyote vya Bwana, mhimidini Bwana: *

Msifuni na kumwadhimisha milele.

Malaika za Bwana, mhimidini Bwana; *
Enyi mbingu, mhimidini Bwana.

Maji yote yaliyo juu angani, mhimidini Bwana; *
Mawezo yote ya Bwana, mhimidini Bwana.

Jua na mwezi, mhimidini Bwana; *
Nyota za mbinguni, mhimidini Bwana.

Manyunyu yote na ukungu, mhimidini Bwana; *
Pepo zote, mhimidini Bwana.

Moto na hari, mhimidini Bwana; *
Kipupwe na musimu, mhimidini Bwana.

Umande na sakitu, mhimidini Bwana; *
Jalidi na baridi, mhimidini Bwana.

Barafu na theluji, mhimidini Bwana; *
Usiku na mchana, mhimidini Bwana.

Dunia na imhimidi Bwana; *
imsifu na kumwadhimisha milele.

Milima na vilima, mhimidini Bwana; *
Mimea yote ya nchi, mhimidini Bwana.

Chemchemi, mhimidini Bwana: *
Bahari na mito, mhimidini Bwana.

Nyangumi na vyote viendavyo majini, mhimidini Bwana: *
Ndege zote za angani, mhimidini Bwana.

Hayawani na wanyama wafugwao, mhimidini Bwana: *
Msituni na kumwadhimisha milele.

Wanadamu, mhimidini Bwana; *
Bani Israeli, mhimidini Bwana.

Makuhani wa Bwana, mhimidini Bwana; *
Watumishi wa Bwana, mhimidini Bwana.

Roho na nafsi zao wenye haki, mhimidini Bwana; *
Watakatifu na wanyenyekevu moyoni, mhimidini Bwana.

Enyi Anania, Azaria, na Misaeli, mhimidini Bwana; *
Msifuni na kumwadhimisha milele.

Tumtukuze Baba, Mwana, na Roho Mtakatifu; *
Wastahili kusifiwa na kutukuzwa milele.

Umehimidiwa katika anga la mbinguni, *
Wastahili kusifiwa na kutukuzwa milele.

*AV: Atukuzwe Baba **haisemwi mwisho wa Wimbo huu.***

Ant. va Kawaida va Mwaliko:

Katikati ya moto, wale watatu waliimba kwa sauti moja: Atukuzwe Mungu, aleluya.

Ant. va Majilio:

Milima na vilima vitamwambia Mungu sifa, miti ya shamba itapiga makofi, kwani Bwana yu aja, naye atatawala milele, aleluya.

Ant. va Kwaresima:

Jumapili 1

Imbeni na msifuni Mungu hata milele.

Ant. va Kwaresima:

Jumapili 5

Utuopoe kwa matendo yako ya ajabu; utuokoe na nguvu za mauti.

Ant. ya Kipindi cha Pasaka:

Mwabuduni Bwana aliyeumba mbingu na nchi, enyi bahari na kila chemchemi ya maji, aleluya.

ANT. III

Ant. ya Kawaida:

Wana wa Sion wamshangilie mfalme wao, aleluya.

Ant. ya Majilio:

Tazameni, nabii mkuu atakuja, naye ataifanya upya Yerusalemu, aleluya.

Ant. ya Kwaresima:

Jumapili 1

Bwana awaridhia watu wake, huwapamba wenye upole kwa wokovu.

Ant. ya Kwaresima:

Jumapili 5

Saa ya kutukuzwa Mwana wa Mtu sasa imewadia

Ant. ya Kipindi cha Pasaka:

Watakatifu na washamgilie katika utukufu, aleluya.

*Wana wa Kanisa, taifa jipya la Mungu, watashangilia
katika Kristo, mfalme wao. (Hesychius)*

Mwimbieni Mungu wimbo mpya, *
Msifuni kati ya jamii ya watu wake waaminifu!
Furahi, Ee Israeli, kwa sababu ya Mwumba wako, /
enyi wakazi wa Sion, *
shangilieni kwa sababiu ya mfalme wenu.
Lisifuni jina lako kwa michezo, *
mwimbieni kwa ngoma na kinubi.
Mungu amependezwa na watu wake; *
yeye huwapa wanyonge ushindi.
Watu waaminifu wafurahi kwa fahari; *
washangilie hata usiku kucha.
Watangaze daima sifa kuu za Mungu, *
wakiwa na panga zenye makalikuwili mikononi mwao,
ili wawalipe kisani watu wa mataifa, *
wawaadhibu watu wasiomjua Mungu;
wawafunge wafalme wao kwa minyororo, *
na viongozi wao kwa pingu za chuma
kusudi watekeleze adhabu iliyoamriwa! *
Hiyo ndiyo fahariya waaminifu wa Mungu.

Ant. ya Kawaida:

Wana wa Sion wamshangilie mfalme wao, aleluya.

Ant. ya Majilio:

Tazameni, nabii mkuu atakuja, naye ataifanya upya Yerusalemu, aleluya.

Ant. ya Kwaresima:

Jumapili 1

Bwana awaridhia watu wake, huwapamba wenye upole kwa wokovu.

Ant. ya Kwaresima:

Jumapili 5

Saa ya kutukuzwa Mwana wa Mtu sasa imewadia.

Ant. ya Kipindi cha Pasaka:

Watakatifu na washangilie katika utukufu, aleluya.

SOMO la Kawaida

Ufu. 7:10,12

Ukombozi wetu watoka kwa Mungu wetu aketiye juu ya kiti cha enzi, na kutoka kwa Mwana-kondoo! Amina! Sifa, utukufu, hekima, shukrani, heshima, uwezo na nguvu viwe kwa Mungu wetu, milele na milele! Amina!

KIITIKIZANO

K. Wewe ndiwe Kristo, Mwana wa Mungu aliye hai. Utuhurumie. (*W. warudie*)

K. Umeketi mkono wa kuume wa Baba.

W. Utuhurumie.

K. Atukuzwe Baba na Mwana na Roho Mtakatifu.

W. Wewe...

Ant. ya Wimbo wa Zakaria, taz. Kipindi cha Mwaka, au Jumapili za Mwaka uk. 195 nk.

MAOMBI

Tumwombe Kristo Bwana, jua linalowaangazia watu wote daima:

W. Bwana Mwokozi wetu, utupatie uzima!

Bwana wa jua na nyota, tunakushukuru kwa kutupatia siku mpya:

— nasi tunaadhimisha siku ya ufufuko wako. (*W.*)

Kwa njia ya Roho wako, utuongoze tutekeleze matakwa yako;

— kwa hekima yako utuelekeze na kutulinda. (*W.*)

Utujalie tushiriki kwa furaha adhimisho la ekaristi Jumapili ya leo:

— utulishe na kutustawisha kwa neno lako, na kwa mwili wako. (*W.*)

Kwa mema yote uliyotujalia,

— tunashukuru, Bwana, kwa moyo wote. (*W.*)

Baba Yetu

Sala, taz. Kipindi cha Mwaka, au Jumapili za Mwaka uk. 195 nk.

JUMA 1: JUMATATU

MASIFU YA ASUBUHI

UTENZI wa Kawaida

Siku hujaa wangavu
Mungu aletapo mwanga
Kutoka nuru angavu,
Na ndipo viumbe vyote
Vilivyofanyika upya
Hufurahi mbele yake.

Yeye Baba huonyesha
Ajabu za ulimwengu
Kwa sisi watoto wake,
Ajabu zionyes hazo,
Kama bendera angani,
Nguvuze na utukufu.

Asubuhi na mapema
Sisi na kila kiumbe
Ambacho kina uhai
Mungu tunamwelekea,
Ambaye ni Baba yetu,
Na kumuomba kwa moyo:

Ewe Baba, Ewe Mwana,
Nawe Roho, tunaomba
Neema na msamaha
Ilituishi vizuri
Tukusifu wewe Mungu
Leo na mpaka mwisho.

ANT. I

Ant. ya Kawaida:

Wewe ndiwe nikuombaye, Ee Bwana, asubuhi wanisikia.

Ant. ya Kipindi cha Pasaka:

Wakufurahia wewe, wale walipendao jina lako, aleluya.

Zab. 5:1-9.11-13

Sala wakati wa hatari

Wale waliopokea Neno la Mungu ambalo lakaa ndani yao, watafurahi milele

Ee Mungu, uyasikie maneno yangu; *
uyasikilize malalamiko yangu.

Usikilize kilio changu, /
Ee Mungu, mfalme wangu; *
maana wewe ndiwe nikuombaye.

Ee Mungu, alfajiri waisikia sauti yangu, /
asubuhi nakutolea sadaka yangu, *
kisha nakutazamia.

Wewe si Mungu wa kupenda uovu; *
kwako hawezi kukaa mtu mwovu.

Wenye majivuno hawastahimili mbele yako; *
wewe wawachukia wote watendao maovu.

Wawaangamiza wote wasemao uwongo; *
wawachukia wauaji na wadanganyifu.

Lakini, kwa upendo wako mkuu, *
mimi nitaingia nyumbani mwako;

nitaabudu kwa uchaji, *
katika Hekalu lako takatifu.

Kwa uadilifu wako, Ee Mungu, uniongoze, /
kwa sababu adui zangu ni wengi; *
uiweke njia yako wazi mbele yangu.

Maneno ya adui zangu hayaaminiki, *
nia yao ni kuleta maangamizi;

wanabubujika maneno ya kubembeza, *
lakini kwa kweli ni maneno ya kuua.

Lakini wote wakukimbiliao wafurahi; *
daima waimbe kwa shangwe.

Uwalinde wanaolipenda jina lako; *
ili wafurahi kwa sababu yako.

Maana wewe Mungu, wambariki mwadilifu; *
kama ngao, wamkinga kwa fadhili yako.

Ant. ya Kawaida:

Wewe ndiwe nikuombaye, Ee Bwana; asubuhi wanisikia.

Ant. ya Kipindi cha Pasaka:

Wakufurahia wewe, wale walipendao jina lako, aleluya.

ANT. II

Ant. ya Kawaida:

Ee Bwana, Mungu wetu, twalisifu jina lako tukufu.

Ant. ya Kipindi cha Pasaka:

Ufalme ni wako, Ee Bwana; nawe umetukuzwa u mkuu juu ya vitu vyote, aleluya.

*WIMBO: 1Nya 39:10-13 Heshima na utukufu viwe kwa Mungu peke yake
Atukuzwe Mungu na Baba ya Bwana wetu Yesu Kristo (Ef. 1:3)*

Uhimidiwe, Ee BWANA, /
Mungu wa Israeli baba yetu, *
milele na milele.

Ee BWANA, ukuu ni wako, na uweza, *
na utukufu, na kushinda, na enzi;

maana vitu vyote *
vilivyo mbinguni na duniani ni vyako.

Ufalme ni wako, Ee BWANA, /
nawe umetukuzwa, *
u mkuu juu ya vitu vyote.

Utajiri na heshima hutoka kwako wewe, *
nawe watawala juu ya vyote;

na mkononi mwako mna uweza na nguvu; *
tena mkononi mwako mna kuwatukuza na kuwawezesha wote.

Basi sasa, Mungu wetu, *
twakushukuru na kulisifu jina lako tukufu.

Ant. ya Kawaida:

Ee Bwana, Mungu wetu, twalisifu jina lako tukufu.

Ant. ya Kipindi cha Pasaka:

Ufalme ni wako, Ee Bwana; nawe umetukuzwa, u mkuu juu ya vitu vyote, aleluya.

ANT. III

Ant. ya Kawaida:

Mwabuduni Mungu katika makao yake matakatifu.

Ant. ya Kipindi cha Pasaka:

Bwana ametawazwa awe mfalme milele, aleluya.

Zab. 29

Sauti ya Mungu katika dhoruba

*Sauti kutoka mbinguni ikasema, “Huyu ndiye
Mwanangu mpenzi, nimependezwa naye” (Mt. 3:17)*

Msifuni Mungu, enyi viumbe vya mbinguni; *
msifuni Mungu mtukufu na mwenye nguvu.

Lisifuni jina tukufu la Mungu; *
mwabuduni Mungu anapotokea.

Sauti ya Mungu yasikika juu ya maji mengi; /
Mungu mtukufu ananguruma, *
sauti ya Mungu yasikika juu ya bahari!

sauti ya Mungu ina nguvu, *
sauti ya Mungu imejaa fahari.

sauti ya Mungu huvunja mierezi; *
naam, hata mierezi ya Lebanoni.

Huifanya milima ya Lebanoni /
irukeruke kama ndama, *
na mlima Hermoni kama mwana-nyati.

sauti ya Mungu hutoa miali ya moto. /
Sauti ya Mungu hutetemesha jangwa; *
Mungu atetemesha jangwa la Kadeshi.

Sauti ya Mungu huitikisa mivule; *
hukwanyua majani ya miti msituni,
wakazi Hekaluni mwake wote wasema: *
“Utukufu kwa Mungu!”

Mungu atawala juu ya gharika: *
Mungu ni mfalme, atawala milele.

Mungu atawapa watu wake nguvu: *
atawabariki watu wake na amani.

Ant. ya Kawaida:

Mwabuduni Mungu katika makao yake matakatifu.

Ant. ya Kipindi cha Pasaka:

Bwana ametawazwa awe mfalme milele, aleluya.

SOMO la Kawaida

2 Tes. 3:10b-13

‘Mtu yeyote anayekataa kufanya kazi, hana ruhusa ya kula chakula.’
Tunasema mambo hayo kwa sababu tumesikia kwamba wako baadhi
yenu ambao ni wavivu, na ambao hawafanyi cho chote, isipokuwa tu
kujilingiza katika mambo ya watu wengine, Kwa jina la Bwana wetu
Yesu Kristo, tunawaamuru na kuwaonya watu hao wawe na nidhamu na
kufanya kazi, ili wajipatie masilahi yao wenyewe. Lakini ninyi ndugu,
msichoke kutenda mema.

KIITIKIZANO

K. Atukuzwe Bwana, karne hata karne. (*W. warudie.*)

K. Yeye pekee ametenda maajabu.

W. Karne hata karne.

K. Atukuzwe Baba na Mwana na Roho Mtakatifu.

W. Atukuzwe Bwana ...

Ant. ya Wimbo wa Zakaria:

Atukuzwe Bwana, Mungu wetu.

MAOMBI

Siku mpya inapoanza, tumsifu Kristo ambaye ndani yake mna Roho wa
Mungu, na utimilifu wa neema.

W. Utujalie Roho wako, Ee Bwana.

Twakusifu wewe Bwana,
— na tunakushukuru kwa baraka zako. (W.)
Utujalie utulivu na moyo wa ukarimu;
— utujalie afya na nguvu, ili tuweze kutimiza matakwa yako. (W.)
Upendo wako udumu nasi leo:
— utuongoze katika kazi zetu. (W.)
Uwe nao wote wanaohitaji sala zetu,
— na uwajalie mahitaji yao yote. (W.)
Baba Yetu

SALA

Ee Bwana, uwe mwanzo na mwisho wa yote tunayofanya na tunayosema. Kwa neema yako utusaidie katika matendo yetu, na uyakamilishe hayo kwa uwezo wako. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMA 1: JUMANNE

MASIFU YA ASUBUHI

UTENZI wa Kawaida

Ee Kristo, uliye Mwanga wa mbingu
Uliye Mwanga hasa wa ulimwengu,
Unakuja katika yote nuruyo
Kukata kata wa usiku utando.

Cho chote kisicho kweli ndani yetu
Mbele ya kweli yako na kitoweke,
Kusudi wenye mioyo mitulivu
Leo na tuishi bila usumbufu.

Imani thabiti itusaidie,
Na pia tumaini imara kwako;
E Mungu wa mapendo upya tutie
Pendo lako tulilofuja tutilie.

Utatu Mtakatifu twakusifu
Ndani yako itakoma njaa yetu;
Utuhifadhi ndani yako milele
Katika furaha na amani tele.

ANT. I

Ant. ya Kawaida:

Mtu aliye na mikono safi na moyo mweupe, atapanda mlima wa Bwana.

Ant. ya Kipindi cha Pasaka:

Yeye aliyeshuka chini, ndiye ambaye sasa amepaa juu kuliko mbingu zote, aleluya.

Zab. 24

Mfalme Mkuu

Milango lifunguka, Kristo alipoingia mbinguni na mwili wake (Mt. Ireneus)

Dunia na vyote vilivyomo ni mali ya Mungu; *
ulimwengu na wote waishio humo ni mali yake.

Yeye ndiye aliyejenga dunia juu ya bahari; *
akaisimika imara juu ya maji chini ya ardhi.

Nani astahiliye kupanda mlima wa Mungu? *
Nani astahiliye kuingia Hekaluni mwake?

Ni mtu aliye safi kwa matendo na fikira zake; *
asiyeabudu miungu ya uwongo wala kushuhudia uwongo.

Mwenye sifa hizo atapata baraka kwa Mungu; *
Mungu atamwoko na kumfadhili.

Hiyo ndiyo hali yao watu wamtafutao Mungu; *
hali ya watu wafikao kwa Mungu wa Yakobo.

Haya! Fungukeni enyi malango; /
fungukeni enyi malango ya kale; *
ili mfalme mtukufu aingie.

Nani huyo mfalme mtukufu? /
Ni Mwenyezi, mwenye nguvu na enzi; *
Mwenyezi, hodari vitani.

Fungukeni enyi malango, /
fungukeni enyi malango ya kale, *
Ili mfalme mtukufu aingie.

Ni yaja huyo mfajme mtukufu? /
Ni Mungu mwenye nguvu, na mshindi, *
yeye Ndiye mfalme mtukufu.

Ant. ya Kawaida:

Mtu aliye na mikono safi na moyo mweupe, atapanda mlima wa Bwana.

Ant. ya Kipindi cha Pasaka:

Yeye aliyeshuka chini, ndiye ambaye sasa amepaa juu kuliko mbingu
zote, aleluya.

ANT. II

Ant. ya Kawaida:

Msifuni Mfalme wa karne zote, katika matendo yenu yote.

Ant. ya Kipindi cha Pasaka:

Ziadhimisheni siku hizi kwa furaha, na mtukuzeni Bwana, aleluya.

WIMBO: Tob. 13:1-5b,7-8

Mungu huadhibu, na pia huokoa

*Asifiwe Mungu, Baba ya Bwana wetu Yesu Kristo! Kwa huruma yake kuu alitu-
fanya tuzaliwe upya (1 Pet. 1:3)*

Amehimidiwa Mungu aishiye milele, *
Na ufalme wake umebarikiwa.

Kwa maana hurudi, na kurehemu tena: /
Hushusha hata kuzimu, na kuinua tena; *
Wala hakuna awezaye kujiepusha na mkono wake.

Enyi bani Iarseli, mshukuruni mbele ya mataifa *
Yeye ambaye ametutawanya katikati yao.

Kuko huko utangazeni ukuu wake. *
Mwadhimisheni mbele ya wote walio hai.

Kwa kuwa Yeye ndiye BWANA wetu, *
Naye Mungu yu Baba yetu milele.

Ataturudi kwa ajili ya maovu yetu, *
Na kutuonyesha rehema zake tena.

Mimi namwadhimisha Mungu wangu; *
Na roho yangu yamkuza Mfalme wa mbinguni.

Naam, nitaushangilia ukuu wake. *
Watu wote wamtolea shukurani katika Yerusalemu.

Ant. ya Kawaida:

Msifuni mfalme wa karne zote, katika matendo yenu yote.

Ant. ya Kipindi cha Pasaka:

Ziadhimisheni siku hizi kwa furaha, na mtukuzeni Bwana, aleluya.

ANT. III

Ant. ya Kawaida:

Kusifu kunawapasa wanyofu wa moyo.

Ant. ya Kipindi cha Pasaka:

Bwana huijaza nchi mapendo yake, aleluya.

Zab. 33

Utenzi wa kumsifu Mungu

Kwa njia yake vitu vyote viliumbwa (Yoh. 23)

Enyi waadilifu, furahieni aliyotenda Mungu; *
enyi watu wanyofu, msifuni Mungu.

Msifuni Mungu kwa kupiga kinubi; *
mwimbieni; kwa zeze la nyuzi kumi.

Mwimbieni wimbo mpya; *
pigieni ngoma kwa ustadi na kushangilia.

Kwa kuwa Neno la Mungu ni la kweli; *
na matendo yake yote ni ya kutegemewa.

Mungu apenda uadilifu na haki, *
dunia imejaa upendo wake mkuu.

Mungu aliumba mbingu kwa amri yake, *
vitu vyote vya mbingu viliumbwa kwa neno lake.

Alikusanya maji ya bahari, *
na vilindi vya bahari akavifunga ghalani.

Dunia yote na imche Mungu! *
Enyi watu wote duniani, mheshimuni!

Yeye alisema, na ulimwengu ukaumbwa; *
aliamuru, na vyote vikawapo.
Mungu hupangua mipango ya mataifa, *
na huyabatili mawazo yao.

Lakini mipango ya Mungu hudumu milele; *
azimio lake ladumu vizazi vyote.

Heri taifa ambalo Mungu wake ndiye Mungu! *
Heri wale aliowachagua kuwa watu wake!

Mungu huangalia chini kutoka mbinguni, *
na kuwaona wanadamu wote.

Kutoka kwenye kiti chake cha enzi, *
huwaangilia Wote wakaa duniani.

Yeye huunda mioyo ya watu wote, *
yeye ajua kila kitu wanachofanya.

Mfalme hawi salama kwa kuwa na jeshi kubwa, *
wala shujaa hapati ushindi kwa wingi wa nguvu zake.

Farasi hafai kite kwa kupata ushindi; *
nguvu zake nyingi haziwezi kumwoko mtu.

Mungu huwaangalia wale wamchao, *
watu wanaotumainia upendo wake mkuu.

Yeye huwaokoa katika kifo, *
na kuwalisha wakati wa njaa.

Sisi tunamtumainia Mungu. *
Yeye ni msaada wetu na ngao yetu.

Twafurahi kwa sababu yake; *
tunalitegemea jina lake takatifu.

Upendo wako mkuu, ukae nasi, Ee Mungu, *
kama vile sisi tunavyokutumainia wewe.

Ant. ya Kawaida:

Kusifu kunawapasa wanyofu wa moyo.

Ant. ya Kipindi cha Pasaka:

Bwana hujaza nchi mapendo yake, aleluya.

SOMO la Kawaida

Rom. 13:11b,12-13a

Sasa ndio wakati wa kuamka usingizini; naam, wokovu wetu u karibu zaidi sasa kuliko wakati ule tulipoanza kuamini. Usiku unakwisha na mchana unakaribia. Basi, tutupilie mbali mambo yote ya giza, tukajitwalie silaha za mwanga. Mwenendu wetu uwe wa adabu kama inavyotahili wakati wa mwanga.

KIITIKIZANO

K. Mungu ni msaidizi wangu, nitamturnamiii yeye (*W. warudie*).

K. Yeye ni kimbilio langu, na wokovu wangu.

W. Nitamtumainia yeye.

K. Atukuzwe Baba na Mwana na Roho Mtakatifu.

W. Mungu...

Ant. ya Wimbo Zakaria:

Bwana ametupatia Mwokozi shujaa, kama alivyoahidi kwa njia ya manabii wake watakatifu.

MAOMBI

Sisi Wakristo, tulioalikwa kushiriki uzima wa Mungu, tumsifu Bwana Yesu, kuhani mkuu wa imani yetu.

W. Wewe ndiwe Mwokozi na Mungu wetu.

Mfalme mtukufu, umetubatiza na kutuingiza katika ukuhani wa kifalme; — utuwezeshe kukutolea daima sadaka ya sifa. (*W.*)

Utusaidie tuzishike amri zako,

— ili kwa njia ya Roho Mtakatifu, tuweze kuishi ndani yako, nawe uishi ndani yetu. (*W.*)

Utujie, ewe Hekima milele:

— ukae na kufanya kazi pamoja nasi siku hii ya leo. (*W.*)

Utusaidie tuweze kuwafikiria na kuwaonea huruma wote tutakaokutana nao,

— wapate kitulizo na furaha. (*W.*)

Baba Yetu

SALA

Ee Bwana, uipokee sala yetu ya asubuhi kwa huruma, na kwa nuru ya wokovu mapendo ya kovu wako, utuondolee giza mioyoni mwetu ili, sisi tuliookolewa kwa miwanga wa neema yako, tusirudie matendo ya giza. (Tunaomba hayo) kwa njia ya Kristo Bwana wetu. (Kwa njia ya Kristo Bwana wetu.)

JUMA 1: JUMATANO

MASIFU YA ASUBUHI

UTENZI wa Kawaida

Bwana Mungu, wako mwanga

Utiao nyota kiza

Vitu vyote huamsha,

Na vyote vinavyopata

Katika Wewe uzima

Utukufuo huimba.

Uwepo wako mwanana,

Ambao nguvu hutoa,

Upo mahali po pote,

Na watu waloanguka

Waweze tena nyanyuka

Kwa hizo mbawa za sala.

Wewe ndiwe Mungu Mwema

Mwenye huruma kwa vyote,

Vyote ulivyoviumba;

Ulitupatia Kristo,

Ambaye kwa pendo lake

Akafa atukomboe.

Twakusiku Wewe Baba,
Pamoja na wako Mwana
Na Roho Mtakatifu,
Ambaye katika Yeye
Vyote huishi, hudumu,
Na kupata pumziko.

ANT. I

Ant. ya Kawaida:

Katika mwanga wako, Mungu, twaiona nuru.

Ant. ya Kipindi cha Pasaka:

Kwako Wewe, Bwana, ndiko iliko chemchemi ya uzima, aleluya,

Zab. 36

Uovu wa binadamu

*Anayenifuata mimi hatembezi kamwe gizani,
bali atakuwa na mwanga wa uzima (Yoh. 8:12)*

Dhambi huongea na mtu mwovu, ndani kabisa moyoni mwake; *
wala jambo la kumcha Mungu, halimo kabisa kwake.

Kwa vile anajiona maarufu sana, /
anafikiri uovu wake hautagunduliwa *
na kulaaniwa na Mungu.

Kila asemacho ni uovu na uwongo *
ameacha kutumia hekima na kutenda mema.

Alalapo huwaza kutenda maovu, /
mwenendo wake hauna lolote jema, *
haepukani na chochote kibaya.

Wema wa Mungu

Ee Mungu, upendo wako mkuu /
wafika hata mbinguni; *
uaminifu wako wafika hata mawinguni.

Uadilifu wako ni kama milima mikubwa mikubwa, /
hukumu zako ni kama vilindi vya bahari, *
Wewe, Ee Mungu, wawalinda wanadamu na wanyama.

Upendo wako Ee Mungu, ni mkuu ajabu: *
Wanada mu hukimbilia kivulini mwa mabawa yako.

Wawashibisha kwa utajiri wa nyumba yako, *
wawanywesha katika mto wa wema wako.

Wewe ndiwe asili ya uhai; *
kwa mwanga wako twaona mwanga.

wanaokutambua, uendeleo kuwapenda; *
kwa waadilifu, uzidi kuwa mwema.

Usikubali wenye majivuno wanivamie, *
wala watu waovu wanikimbize.

Kumbe, watendao maovu wameanguka; *
wameangukwa chini, hawawezi kuinuka.

Ant. ya Kawaida:

Katika mwanga wako, Mungu, twaiona nuru.

Ant. ya Kipindi cha Pasaka:

Kwako wewe, Bwana, ndiko iliko chemchemi ya uzima, aleluya.

ANT II

Ant. ya Kawaida:

Ee Bwana, wewe u mkuu, wewe u mtukufu, wewe una nguvu ajabu.

Ant. ya Kipindi cha Pasaka:

Ulimtuma Roho wako, navyo vikaumbwa, aleluya.

*WTMBO: Yud 16:1-2a,13-15 Bwana, mwumba wa dunia, huwalinda watu wake
Basi, wakaimba wimbo hu mpya (Ufu. 5:9)*

Mwimbieni Mungu Wangu kwa matari; *

Mwimbieni Bwana wangu kwa matoazi;

Mwimbieni zaburi na nyimbo za shangwe; /

Mtukuzeni, mliitieni jina lake. *

Maana BWANA ndiye Mungu azivunjaye silaha za vita.

Nitamwambia Mungu wangu wimbo mpya. /

Ee BWANA, Wewe ndiwe mkuu, mwenye fahari. *

Wa ajabu katika uweza wako, hakuna kama Wewe.

Viumbe vyako vyote vikutumikie, *
Maana ulisema vikafanyika,
Ulitoa Roho vikaumbwa, *
Wala hakuna atakayeshindana na sauti yako.

Milima husukasuka katika misingi yake kama maji; /
Miamba huyeyuka kama nta mbele yako; *
Lakini u mwenye rehema kwao wanaokucha.

Ant. ya Kawaida:

Ee Bwana, wewe u mkuu, wewe u mtukufu, wewe una nguvu ajabu.

Ant. ya Kipindi cha Pasaka:

Ulimtuma Roho wako, navyo vikaumbwa, aleluya.

ANT. III

Ant. ya Kawaida:

Mpigieni Mungu kelele kwa sauti ya shangwe.

Ant. ya Kipindi cha Pasaka:

Mungu ni mfalme juu ya dunia yote; imbeni sifa kwa ustadi wenu wote,
aleluya.

Zab. 47

Mtawala Mkuu

Amekei kuume kwa Baba, na ufalme wake hautakuwa na mwisho

Enyi watu wote, pigeni makofi! *
Msifuni Mungu kwa shangwe!
Maana Mungu, Mungu Mkuu, anatisha, *
Ni mfalme mkuu wa ulimwengu wote.

Ametuwezesha kuwashinda watu wa mataifa, *
ameyaweka mataifa chini ya mamlaka yetu.

Ametuchagulia nchi hii iwe urithi wetu, *
ambayo ni fahari ya Yakobo anayempenda.

Mungu amepanda juu huku akishangiliwa, *
Mungu amepanda juu akipigiwa tarumbeta.

Mwimbieni Mungu sifa, mwimbieni! *
Mwimbieni Mfalme wetu sifa, mwimbieni!

Mungu ni mfalme wa ulimwengu wote; *
mwimbieni sifa kwa tenzi.

Mungu anayatawala mataifa yote; *
amekaa katika kiti chake cha enzi kitakatifu.

Watawala wa mataifa wanakusanyika, *
pamoja na watu wa Mungu wa Abrahamu.

Yeye ana nguvu kuliko majeshi yote, *
ametukuka juu yao wote.

Ant. ya Kawaida:

Mpigieni Mungu kelele kwa sauti ya shangwe.

Ant. ya Kipindi cha Pasaka:

Mungu ni mfalme juu ya dunia yote; imbeni sifa kwa ustadi wenu wote,
aleluya.

SOMO la Kawaida

Tob 4:16-17,19

Wenye njaa uwape baadhi ya chakula chako, na walio uchi uwape
baadhi ya nguo zako; sawasawa na wingi wako utoe sadaka; wala
utoapo sadaka jicho lako lisiwe na choyo. Utoe chakula kwa ukarimu
kwenye maziko ya wenye haki: lakini waovu usiwape kitu. Umhimidi
BWANA, Mungu wako, sikuzote. Umwombe Yeye ili njia zako
zinyoshwe, na mapito yako yote na mashauri yako yote yafanikiwe.

KIITIKIZANO

K. Uelekeze moyo wangu kwenye utashi wako, Ee Mungu. (*W. warudie*)

K. Unihuishe katika njia yako.

W. Ee Mungu.

K. Atukuzwe Baba na Mwana na Roho Mtakatifu.

W. Uelekeze ...

Ant. ya Wimbo wa Zakaria:

Utuonyeshe huruma yako, Ee Bwana; ulikumbuke agano lako takatifu.

MAOMBI

Tunamshukuru na kumsifu Kristo, kwa sababu hakuona haya kutuita sisi
ndugu zake. Kwa hiyo tumwombe:

W. Ututakatifuze nduguzo, Ee Bwana.

Utusaidie tuweze kuishi maisha mapya ya Pasaka,
— ili kwa njia yetu watu watambue nguvu ya upendo wako. (W.)
Kila siku ni alama ya mapendo yako kwetu;
— ututie mapendo yako, leo, katika mioyo yetu. (W.)
Utuwezeshe kukuona katika watu wote;
— utusaidie tuweze kukutambua wewe hasa katika wale wanaoteseka. (W.)
Maisha yetu leo yajae huruma yako;
— utujalie hali ya kusamehe, na moyo wa ukarimu. (W.)

Baba Yetu

SALA

Ee Mungu Mwokozi wetu, kwa neema ya ubatizo umetufanya watoto wa nuru. Isikie sala yetu, ili tuweze kuishi katika nuru hiyo daima, na kuushuhudia ukweli wako mbele ya watu. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMA 1: ALHAMISI

MASIFU YA ASUBUHI

UTENZI wa Kawaida

Fahari yake ye Baba
Kristo nuru yetu,
Kwa upendo na huruma
Aja kufanya kivuko
Cha shimo kubwa ajabu,
Shimo kubwa la madhambi
Baina ya wanadamu
Na Mungu Mtakatifu.

Kristo siku ya jana,
Na leo pia Kristo,
Ana hali ile ile,
Habadiliki milele,
Mfano wa Mungu wetu,

Mungu aliyefichika;
Na 'Hekima ya Milele'
Ndilo hasa jina lake.

Neno lake hulishika
Karne hata karne,
Yupo pamoja na sisi
Hadi mwisho wa nyakati.
Mchana Yeye ni wingu,
Usiku mwali wa moto,
Hivyo hututangulia
Katika zakeye njia.

Tunakutukuza Baba
Chanzo halisi cha mwanga,
Kadhalika na Kristo,
Yeye Mwanao mpendwa,
Akaaye ndani yetu
Pamoja na Roho wako:
Ndo Utatu wa milele
Katika Mungu Mmoja.

ANT. I

Ant. ya Kawaida:

Kinanda na kinubi, amkeni; nitaiamsha alfajiri.

Ant. ya Kipindi cha Pasaka:

Ee Mungu, utukuzwe juu ya mbingu, aleluya.

Zab. 57

Kuomba msaada

Zaburi hii hutukuza mateso ya Kristo (Mt. Augustino)

Unihurumie, Ee Mungu, unihurumie, *
kwako ninakimbilia usalama.

Kivulini mwa mabawa yako, napata usalama, *
hata hapo dhoruba kali itakapopita.

Namlilia Mungu Mkuu, *
Mungu anijaliaye kila kitu.

Atanisikiliza kutoka mbinguni na kuniokoa; /
atawashinda hao wenye kunidhulumu. *
Mungu atanionyesha mapendo na uaminifu wake.

Adui wanizunguka kama simba wala watu; /
meno yao ni kama mikuki na mishale, *
ndimi zao ni kama panga kali.

Utukuzwe, Ee Mungu, Juu ya mbingu, *
utukufu wako uenee duniani kote.

Adui wamenitegea wavu waninase, *
nami nasononeka kwa huzuni.

Wamenichimbia shimo njiani, *
lakini wao wenyewe wametumbukia humo.

Niko imara, Ee Mungu, niko imara; *
nitaimba na kukushangilia!

Amka, ee nafsi yangu! /
Amkeni, enyi zeze na kinubi! *
Nitayaamsha mapambazuko!

Ee Bwana, nitakushukuru kati ya mataifa; *
nitakuimbia sifa kati ya watu.

Upendo wako mkuu waenea hata mbinguni, *
uaminifu wako wafika hata mawinguni.

Utukuzwe, Ee Mungu, juu ya mbingu; *
utukufu wako uenee duniani kote.

Ant. ya Kawaida:

Kinanda na kinubi, amkeni; nitaiamsha alfajiri.

Ant. ya Kipindi cha Pasaka:

Ee Mungu, utukuzwe juu ya mbingu, aleluya.

ANT. II

Ant. ya Kawaida:

Bwana asema hivi: Watu wangu watashibishwa mema yangu.

Ant. ya Kipindi cha Pasaka:

Bwana amewakomboa watu wake, aleluya.

WIMBO: Yer. 31:10-14

Furaha ya watu waliokombolewa

*Yesu ilimpasa kufa kusudi awaunganishe watoto wa Mungu
waliokuwa wametawanyika (Rej. Yoh. 11:51-52)*

Lisikieni neno la BWANA, enyi mataifa, *
litangazeni visiwani mbali; mkaseme,

Aliyemtawanya Israeli atamkusanya, na kumlinda; *
kama mchungaji alindavyo kundi lake.

Kwa maana BWANA amemweka huru Yakobo, *
amemkomboa mkononi mwake aliyekuwa hodari kuliko yeye.

Nao watakuja, na kuimba katika mlima Sion, *
wataukimbilia wema wa BWANA,

nafaka, na divai na mafuta, *
na wachanga wa kondoo na wa ng'ombe;

na roho zao zitakuwa kama bustani iliyotiwa maji; *
wala hawatahuzunika tena kabisa.

Ndipo bikira atafurahi katika kucheza, *
na vijana na wazee pamoja;

maana nitageuza masikitiko yao kuwa furaha, /
nami nitawafariji, na kuwafurahisha *
waache huzuni zao.

Nami nitaishibisha roho ya makuhani kwa unono; *
na watu wangu watashiba kwa wema wangu.

Ant. ya Kawaida:

Bwana asema hivi: Watu wangu watashibishwa Ma yangu.

Ant. ya Kipindi cha Pasaka:

wa amewakomboa watu wake, aleluya.

ANT. III

Ant. ya Kawaida:

Bwana mi mkuu, astahili sifa katika mji wa Mungu wetu.

Ant. ya Kipindi cha Pasaka:

Mungu yu pamoja nasi, Mungu wetu milele na milele, aleluya.

*Akanipeleka juu ya mlima mrefu sana. Akanionyesha
mji mtakatifu, yaani Yerusalemu (Ufu. 21:10)*

Mungu ni mkuu na wa kusufika sana, /
katika mji wa Mungu wetu, *
juu ya mlima wake mtakatifu.

Sion, mlima wa Mungu, ni mrefu na mzuri; *
mji wa mfalme mkuuni furaha ya ulimwengu.

Katika ngome za mji Sion, *
Mungu amejionyesha kuwa mwamba wa usalama.

Wafalme walikusanyika, *
wakaanza kushambulia.

Lakini walipouona tu mji wa Sion, wakashangaa; *
wakashikwa na hofu, wakatimua mbio.

Woga uliwashika wakaanza kuhangaika, *
wakawa kama mwanamke anayejifungua.

Uliwarusharusha kama meli katika dhoruba. /
Yote tuliyosikia Mungu ametenda, *
sasa sisi wenyewe tumeyaona,

katika mji wa Mungu, Mungu mwenye nguvu, *
Mungu atauweka mji huo salama milele.

Ee Mungu, twautafakari upendo wako mkuu, *
tukiwa Hekaluni mwako.

Wewe wasifika kila mahali, /
sifa zako zaenea popote duniani. *
Wewe watawala kwa haki;

watu wa Sion wafurahi! /
Wewe watoa hukumu zilizo sawa; *
watu wa mji wa Yuda na washangilie!

Haya, nendeni Sion mkauzunguke, *
nendeni mkahesabu minara yake.

Zitazameni kuta zake na kuchunguza ngome zake; *
mpate kukisimulia kizazi kijacho, kwamba:

“Huyu ni Mungu, Mungu wetu milele! *
Atakuwa kiongozi wetu milele”!

Ant. ya Kawaida:

Bwana ni mkuu, astahili sifa katika mji wa Mungu wetu.

Ant. ya Kipindi cha Pasaka:

Mungu yu pamoja nasi, Mungu wetu milele na milele, aleluya.

SOMO la Kawaida

Isa. 66:1-2

BWANA asema hivi, Mbingu ni kiti changu cha enzi, na dunia ni mahali pa kuweka miguu yangu; mtanijengea nyumba ya namna gani? Na mahali pangu pa kupumzikia ni mahali gani? Maana mkono wangu ndio uliofanya hivi vyote, vitu hivi vyote vikapata kutokea, asema BWANA; lakini mtu huyu ndiye nitakayemwangalia, mtu aliye mnyonge, mwenye roho iliyopondeka, atetemekaye asikiapo neno langu.

KIITIKIZANO

K. Naliita kwa moyo wangu wote: Bwana nisikie! (*W. warudie*)

K. Nitazitii amri zako.

W. Bwana nisikie.

K. Atukuzwe Baba na Mwana na Roho Mtakatifu.

W. Naliita...

Ant. ya Wimbo wa Zakaria:

Tumtumikie Bwana kwa uchaji, naye atatuopoa mikononi mwa adui zetu.

MAOMBI

Tumshukuru Kristo ambaye ametupatia siku hii mpya, na tumwombe:

W. Bwana, uipokee na kuibariki kazi yetu ya leo.

Ulijitoa mwenyewe kwa Baba badala yetu;

— uganisha majitoleo yetu na yako. (*W.*)

Wewe ni mpole na mnyenyekevu wa moyo;

— utufundishe kuwapokea wengine kama ulivyofanya. (*W.*)

Kama jua lichomozavyo kila siku, nuru itokee ndani ya mioyo yetu,

— na ing'ae duniani kwa mapendo. (*W.*)

Onyesha huruma yako kwa wagonjwa,
— ili tumaini lao kwako lipate kuongezeka siku hata siku. (*W.*)

Baba Yetu

SALA

Mungu Mwenyezi wa milele, tunakutolea sala zetu asubuhi, mchana na jioni. Utuondolee miyoni mwetu giza la dhambi, na utufikishe kwenye mwanga halisi, yaani, Kristo Mwanao, anayeishi na kutawala nawe na Roho Mtakatifu, Mungu, daima na milele.

JUMA 1: IJUMAA

MASIFU YA ASUBUHI

UTENZI wa Kawaida

Tunakutukuza Baba
Ee Bwana wa uhai
Kila kiumbe kizima
Wewe chakuelekea
Chanzo cha utakatifu
Na kisima cha neema
Wewe ni asili yetu
Na pia kikomo chetu.

Tunakushukuru Wewe
Kristo Mkombozi
Mzigo wetu ulibeba
Wa dhambi na aibu
Kwa ushindi wa fumbo
Uliangamiza dhambi
Na kwa kufa kwako
Uliyashinda mauti.

Njoo Roho Mtakatifu
Moto wenye kupekua
Mwali wake moto huo

Uovu huteketeza.
Shuka chini kwetu sisi
Lete mwanga na upendo
Njoo ukakae kwetu
Kwa utulivu na amani.

Twakusifu, twakusifu
Utatu Mungu Mmoja
Utatu wenye kutisha
Kwa adhama na uweza
Ndiwe Bwana wa vyote
Utawalaye milele
Katika utukufu
Na mwanga wa milele.

ANT. I

Ant. ya Kawaida:

Bwana, utapendezwa na sadaka za haki, zitakazotolewa altareni pako.

Ant. ya Kipindi cha Pasaka:

Unikumbuke, Ee Bwana, utakapoingia katika ufalme wako, aleluya.

Zab. 51

Kuomba msamaha

Jirekebisheni upya rohani na katika fikra zenu.

Vaeni hali mpya ya utu (Ef 4:23-24)

Unihurumie, Ee Mungu, *
kwa sababu ya upendo wako mkuu;

ufutilie mbali uovu wangu, *
kwa sababu ya huruma yako kuu.

Unioshe kabisa kosa langu; *
unisafishe dhambi yangu.

Nakiri kabisa makosa yangu, *
daima naiona waziwazi dhambi yangu.

Nimekukosea wewe peke yako, *
nimetenda yaliyo mabaya mbele yako.

Hivyo wafanya sawa unaponihukumu, *
una haki kabisa unaponiadhibu.

Mimi ni mkosefu tangu kuzaliwa kwangu, *
mwenye dhambi tangu tumboni mwa mama yangu.

Wewe wataka unyofu wa ndani; *
hivyo nifundishe hekima moyoni.

Uniondolee dhambi, nitakate: *
unioshe, niwe mweupe pe.

Hapo nitaweza kufurahi tena; *
nitashangilia tena ingawa uliniponda.

Ugeuze uso wako, usiziangalie dhambi zangu; *
ukayafute makosa yangu yote.

Ee Mungu, uniumbie moyo safi, *
uweke ndani yanguroho mpya na thabiti.

Usinitupe mbali nawe; *
usiniondolee Roho wako mtakatifu.

Unifanye nifurahi tena kwa kuniokoa, *
unijalie moyo radhi wa utii.

Hapo nitawafundisha wakosefu mwongozo wako, *
nao wenye dhambi watarudi kwako.

Ee Mungu, Mungu mwokozi wangu, uniokoe na kifo, *
nami nitatangaza kwa furaha uadilifu wako.

Ifumbue midomo yangu, Ee Bwana, *
nipate kutangaza sifa zako.

Kwa kweli wewe hupendezwi na sadaka, /
ama sivyo mimi ningalikutolea. *
Wewe huna haja na sadaka za kuteketezwa.

Sadaka yangu kwako, Ee Mungu, ni moyo mnyofu; *
wewe, Ee Mungu, hukatai moyo mnyofu na mtiifu.

Ee Mungu, uutendee mji Sion mema: *
jenga tena upya kuta za Yerusalemu.

Hapo utapendezwa na sadaka za kweli; /
dhabihu na sadaka za kuteketezwa *
na fahali watatolewa sadaka madhabahuni pako.

Ant. ya Kawaida:

Bwana, utapendezwa na sadaka za haki, zitakazotolewa altareni pako.

Ant. ya Kipindi cha Pasaka:

Unikumbuke, Ee Bwana, utakapoingia katika ufalme wako, aleluya.

ANT. II

Ant. ya Kawaida:

Wazao wote wa Israeli watapewa haki, na watatukuka katika Bwana.

Ant. ya Kipindi cha Pasaka:

Hakika, wewe u Mungu unayejificha nafsi yako, Ee Mungu wa Israeli,
Mwokozi, aleluya.

WIMBO: Isa. 45:15-25

Watu wote watamwongokea Bwana

Kwa heshima ya jina la Yesu, viumbe vyote...

vipige magoti mbele yake (Flp. 2:10)

Hakika wewe u Mungu ujifichaye nafsi yako, *

Ee Mungu wa Israeli, Mwokozi.

Watatahayarika, naam, watafadhaika, wote pia; *
wale wafanyao sanamu wataingia fadhaa pamoja.

Bali Israeli wataokolewa na BWANA *

kwa wokovu wa milele;

ninyi hamtatahayarika, *

wala kufadhaika, milele na milele.

Maana BWANA, aliyeziumba mbingu, asema hivi: *

Yeye ni Mungu;

ndiye aliyeziumba dunia na kuifanya; *

ndiye aliyeifanya imara;

hakuiumba ukiwa, *
aliumba ili ikaliwe na watu.

Mimi ni BWANA, *
wala hapana mwingine.

Sikusema kwa siri, *
katika mahali pa nchi ya giza;
sikuwaambia wazao wa Yakobo: *
Nitafuteni bure.

Mimi, BWANA, nasema haki; *
nanena mambo ya adili.

Jikusanyeni mje; na kukaribia pamoja, *
ninyi wa mataifa mliookoka.

Hawana maarifa /
wale wachukua mti wa sanamu yao ya kuchonga; *
wamwombao Mungu asiyeweza kuokoa.

Hubirini, toeni habari; *
naam, na wafanye mashauri pamoja;

ni nani aliyeonyesha haya tangu zamani za kale? *
ni nani aliyeyahubiri hapo zamani?

Si mimi, BWANA? *
wala hapana Mungu zaidi ya mimi;

Mungu mwenye haki, mwokozi; *
hapana mwingine zaidi ya mimi.

Niangalieni mimi, mkaokolewe, *
enyi ncha zote za dunia;
maana mimi ni Mungu; *
hapana mwingine.

Kwa nafsi Yangu nimeapa, /
neni hili limetoka kinywani mwangu katika haki, *
wala halitarudi,

ya kwamba mbele zangu kila goti litapigwa, *
kila ulimi utaapa.

Mmoja ataniambia, *
Kwa WANA, peke yake, iko haki na nguvu;

naam, watu watamwendea yeye, *
na wote waliomkasirikia watatahayarika.

Katika BWANA wazao wote wa Israeli *
watapewa haki, na kutukuka.

Ant. ya Kawaida:

Wazao wote wa Israeli watapewa haki, na watatukuka katika Bwana.

Ant. ya Kipindi cha Pasaka:

Hakika, wewe u Mungu unayejificha nafsi yako, Ee Mungu wa Israeli,
Mwokozi, aleluya.

ANT. III

Ant. ya Kawaida:

Njooi mbele ya Bwana, mkiimba kwa furaha.

Ant. ya Kipindi cha Pasaka:

Mtumikieni Bwana kwa furaha, aleluya.

Zab. 100

Wimbo wa sifa

*Bwana awaita wote aliowakomboa, waimbe
utenzi wa ushindi (Mt. Athanasius)*

Mwimbieni Mungu *
enyi walimwengu wote!

Mwabuduni Mungu kwa furaha, *
nendeni kwake mkiimba kwa shangwe!

Juani kwamba Mwenyezi Mungu ni Mungu, /
Yeye ndiye aliyetuumba, nasi tu mali yake; *
sisi ni watu wake, na kondoo wa malisho yake.

Pitieni milango ya Hekalu lake kwa shukrani; /
ingieni katika makao yake kwa sifa. *
Mpeni shukrani, na kulisifu jina lake.

Mungu ni mwema; /
upendo wake mkuu ni wa milele, *
na uaminifu wake wadumu milele.

Ant. ya Kawaida:

Njooi mbele ya Bwana, mkiimba kwa furaha.

Ant. ya Kipindi cha Pasaka:

Mtumikieni Bwana kwa furaha, aleluya.

SOMO la Kawaida

Ef. 4:29-32

Maneno mabaya hata yasisikike kamwe miongoni mwenu; kila mara maneno yenu yawe ya kufaa, na ambayo hujenga na kuwasaidia wengine, ili yawaneemeshe wasikilizaji wenu. Msimhuzunishe Roho Mtakatifu wa Mungu; maana Roho huyo ni alama ya Mungu kwenu kwamba ninyi ni watu wake, na thibitisho kwamba siku itakuja ambapo Mungu atawakomboeni. Basi, achaneni na uhasama, chuki, hasira, kelele, matusi! Achaneni na kila uovu! Muwe na moyo mwema na wenye kuhurumiana; kila mmoja na amsamehe mwenzake, kama naye Mungu alivyowasamehe ninyi kwa njia ya Kristo.

KIITIKIZANO

K. Asubuhi unifanye, Ee Bwana, nitambue mapendo yako. (*W. warudie*)

K. Unijulishe njia gani nipite.

K. Nitambue mapendo yako.

W. Atukuzwe Baba na Mwana na Roho Mtakatifu.

K. Asubuhi ...

Ant. ya Wimbo wa Zakaria:

Bwana amewajia watu wake, amekuja kuwakomboa.

MAOMBI

Ee Bwana Yesu Kristo, tunakushukuru. Kwa Msalaba na Ufufuko wako, unawajalia uhuru na tumaini wale walio tayari kupokea hayo.

W. Ee Bwana, utuonyeshe wema na upendo wako.

Sisi ni watoto wa mwanga:

— utusaidie tusiishi gizani tena. (*W.*)

Ongoza mawazo, maneno na matendo yetu:

— ili tuyafanyayo leo yakupendeze. (*W.*)

Utuonyeshe mapendo na huruma yako:

— ili tuweze kuepa dhambi. (*W.*)

Kwa mateso na kifo chako umetupatia uzima:

— utupe nguvu ya Roho wako Mtakatifu. (*W.*)

Baba Yetu

SALA

Ee Bwana Mungu, unawamulika kwa mwanga wa Neno wako wale wasiokujua. Uimarisha mioyoni mwetu imani uliyotujalia, ili majaribu yasiuzime moto uliowashwa na Roho wako ndani yetu. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMA 1: JUMAMOSI

MASIFU YA ASUBUHI

UTENZI wa Kawaida

Ilikuwa hamu ya moyo wangu,

Kuuona uso wake Mungu;

Ilikuwa hamu ya moyo wangu,

Makaoni mwake kupumzika.

Kidhi, Bwana, hamu ya moyo wangu,

Nikazanapo kujisafisha;

Kidhi, Bwana, hamu ya moyo wangu,

Kuachana na mambo ya dunia.

Ilikuwa hamu ya moyo wangu,

Mfalme wangu kumfuata;

Ilikuwa hamu ya moyo wangu,

Kwimba masifu yake ya milele.

Ilikuwa hamu ya moyo wangu,

Lango la mbingu kulifikia,

Nikute ninachokitamani,

Kinang'aa safi kama jua.

Hiyo ni bado hamu ya moyo wangu,

Ni nini kitakachonizuia

Kuipata haja ya moyo wangu
Kuuona uso wako, Ee Bwana!

ANT. I

Ant. ya Kawaida:

Macho yangu yakutazamia kabla ya kucha.

Ant. ya Kipindi cha Pasaka:

Ee Bwana, unihuishe kwa upendo wako, aleluya.

Zab. 119:145-152 XIX

Kuomba usalama

Nakulilia kwa moyo wangu wote; /
unisikilize, Ee Mungu, *
nami nitazishika kanuni zako.

Nakusifu mara saba kila siku, *
nipate kuyashika mafundisho yako.

Asubuhi na mapema naamka niombe msaada; *
nitatumainia kabisa ahadi yako.

Nakaa macho usiko kucha, *
ili niyatafakari maagizo yako.

Kwa upendo wako mkuu, Ee Mungu, unisikilize; *
uonyeshe huruma yako, ukanisalimishe.

Wadhaliu wangu wakatili wanakaribia, *
watu ambao hawaishiki kamwe sheria yako.

Lakini wewe u karibu nami, Ee Mungu, *
na maagizo yako yote ni ya kuaminika.

Tangu zamani nimejifunza maagizo yako: *
wewe umeyaweka yadumu hata milele.

Ant. ya Kawaida:

Macho yangu yakutazamia kabla ya kucha.

Ant. ya Kipindi cha Pasaka:

Ee Bwana, unihuishe kwa upendo wako, aleluya.

ANT. II

Ant. ya Kawaida:

Bwana ni nguvu yangu, na wokovu wangu: nitaimba sifa zake.

Ant. ya Kipindi cha Pasaka:

Wale washindi, wimbo wa Musa, mtumishi wa Bwana, ni wimbo wao;
wimbo wa Mwana-kondoo ni wao, aleluya.

WIMBO: Kut 15. Utenzi wa ushindi baada ya kuvuka Bahari ya Shamu

*Wale waliomshinda yule mnyama waliimba wimbo wa Musa,
Mtumishi wa Mungu (rej Ufu 15:2-3)*

Nitamwambia BWANA, *
kwa maana ametukuka sana;

Farasi na mpanda farasi *
amewatupa baharini.

BWANA ni nguvu zangu, na wimbo wangu; *
Naye amekuwa wokovu wangu.

Yeye ni Mungu wangu, nami nitamsifu; *
Ni Mungu wa baba yangu, nami nitamtukuza.

BWANA ni mtu wa vita, *
BWANA ndilo jina lake.

Magari ya Farao na jeshi lake amewatupa baharini; *
Kwa upepo wa mianzi ya pua yako maji yalipandishwa,

Mawimbi yakasimama juu wima mfano wa chungu, *
Vilindi vikagandamana ndani ya moyo wa bahari.

Adui akasema, /
Nitaifuatia, nitapata, nitagawanya nyara, *
Nafsi yangu itashibishwa na wao;

Nitaufuta upanga wangu, *
Mkono Wangu utawaangamiza.

Ulivuma kwa upepo wako, *
bahari ikawafunikiza;

Wakazama kama risasi *

ndani ya maji makuu.

Ee BWANA, katika miungu *

ni nani aliye kama wewe?

Mtukufu katika utakatifu, /

Mwenye kuogopwa katika sifa zako, *

mfanya maajabu?

Ulinyosha mkono wako wa kuume, *

Nchi ikawameza.

Wewe kwa rehema zako /

Umewaongoza watu uliowakomboa, *

Kwa uweza wako uliwaelekeza hata makao yako matakatifu.

Utawaingiza, na kuwapanda *

katika mlima wa urithi wako,

Mahali pale ulipojifanyia, *

Ee BWANA, ili upakae,

Pale patakatifu ulipopaweka imara, *

BWANA, kwa mikono yako.

BWANA atawala *

Milele na milele.

Ant. ya Kawaida:

Bwana ni nguvu yangu, na wokovu wangu: nitaiimba sifa zake.

Ant. ya Kipindi cha Pasaka:

Wale washindi, wimbo wa Musa, Mtumishi wa Bwana, ni wimbo wao;

wimbo wa Mwana-kondoo ni wao, aleluya.

ANT. III

Ant. ya Kawaida:

Msifuni Bwana, enyi mataifa yote.

Ant. ya Kipindi cha Pasaka:

Fadhili zake kwetu ni kuu, aleluya.

*Nawaambieni, ... nao watu wa mataifa mengine wamtukuze Mungu
kwa sababu ya huruma yake (rej. Rom. 15:8-9)*

Enyi mataifa yote, msifuni Mungu! *

Enyi watu wote, msifuni!

Upendo wake mkuu kwetu ni thabiti; *

na uaminifu wake wadumu milele!

Ant. ya Kawaida:

Msifuni Bwana, enyi mataifa yote.

Ant. ya Kipindi cha Pasaka:

Fadhili zake kwetu ni kuu, aleluya.

SOMO la Kawaida

2 Pet. 1:10-11

Ndugu zangu, fanyeni bidii zaidi kuufanya huo wito wenu mlioitiwa na Mungu uwe jambo la kudumu katika maisha yenu; kama mkiishi namna hiyo hamtaanguka. Kwa namna hiyo mtafaulu kupewa haki kamili ya kuingia katika Utawala wa milele wa Bwana na Mkombozi wetu Yesu Kristo.

KIITIKIZANO

K. Nilikuita, Ee Bwana; wewe ndiwe kimbilio langu. (*W. warudie*)

K. Nimebakiwa na Wewe peke yako, katika nchi ya walio hai.

W. Wewe ndiwe kimbilio langu.

K. Atukuzwe Baba na Mwana na Roho Mtakatifu

W. Nilikuita...

Ant. ya Wimbo wa Zakaria:

Uwaangazie, Bwana, watu wakaao gizani, na katika uvuli wa mauti.

MAOMBI

Kristo alijifanya mtu ili atufanye sisi tuwe Wana wa Mungu, na anatuombea kwa Mungu Baba. Tumshukuru kwa huruma na upendo wake, tukiomba:

W. Tufungulie hazina ya mapendo yako.

Umetuangaza katika ubatizo;

— tunakutolea siku yetu ya leo. (*W.*)

Utujalie tukusifu siku nzima;

— utuwezeshe kushika neno lako ko kote tuendako. (W.)

Utufundishe kuitikia neno lako kama Maria Mama yetu;

— neno hilo lizae matunda ndani yetu. (W.)

Utusaidie wakati wa shida na matatizo;

— utuimarishe ndani yako kwa imani na matumaini, ili tuweze kutekeleza matakwa yako. (W.)

Baba Yetu

SALA

Ee Bwana, fahari ya ufufuo ituangazie mioyo na akili zetu, ikitawanya vivuli vya mauti na kutuingiza kwenye uangavu wa milele. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMA II

JUMAPILI – JUMA II

MASIFU YA ASUBUHI

UTENZI wa Kawaida — AU:

Leo ninalipokea
Jina tukufu la Utatu,
Kwa kulitaja hilo jina,
Nafsi tatu Mungu Mmoja,
Mungu Mmoja Nafsi tatu.

Leo najinyenyekeza,
Uweza wa Mungu uniongoze,
Jicho lake liniangalie,
Nguvu zake zidumu nami,
Sikio lake linisikilize.

Hekima ya Mungu wangu inifunze,
Mkono wake unionyeshe njia
Yake ngao mimi na inikinge;
Linisemeshe neno la Mungu,
Majeshi yake ya mbinguni yanilinde.

Leo ninalipokea
Jina tukufu la Utatu,
Kwa kulitaja hilo jina,
Nafsi tatu Mungu Mmoja,
Mungu Mmoja Nafsi tatu.

U Muumba wa vitu vyote
Ndiwe Mungu milele milele,
Baba, Roho, Mwana:
Usifiwe Bwana wa wokovu wangu.
Wokovu ulo katika Kristo Bwana.

AU:

Watu wote mwishio duniani,
Kwa shangwe kuu Bwana mwimbieni;
Na kwa furaha mtumikieni,
Sifa yake Bwana itangazeni,
Njoo mbele yake, furahini.

Bwana ni Mungu kweli, mnajua;
Bila ya sisi kumsaidia
Bwana Mungu sote ametuumba;
Sisi ni watu wake, atulisha;
Katufanya kuwa kondoo wake.

Kwani, Bwana Mungu wetu ni mwema:
Milele huruma yake yakini;
Kweli zake zimekuwa thabiti,
Na thabiti daima zitabaki,
Kweli zake zitadumu imara.

Sifa nao utukufu milele
Kutoka kwa watu na malaika
Zimwendee Baba na pia Mwana
Na Roho Mtakatifu pamoja,
Mungu anayeabudiwa pote.

ANT. I

Ant. ya Kawaida:

Mbarikiwa ajaye kwa jina la Bwana, aleluya.

Ant. ya Majilio:

Tunao mji imara. Mkombozi ataulinda kwa kuujengea ukuta na boma.
Fungueni milango, kwa maana Mungu yu nasi, aleluya.

Ant. ya Kwaresima:

Mkono wa kuume wa Bwana umeshinda; mkono wake wa kuume
umeniinua.

Ant. ya Jumapili ya Matawi:

Watu waliokwenda kwenye sikukuu, makundi kwa makundi, walimshan-

gilia Bwana, 'Mbarikiwa ajaye kwa jina la Bwana. Hosana juu mbinguni.'

Ant. ya Kipindi cha Pasaka:

Hii ndiyo siku iliyofanywa na Bwana, aleluya.

Zab. 118

Sala ya shukrani

*Huyu ndiye lile Jiwe mlilolikataa ninyi waashi, ambalo sasa
limekuwa jiwe kuu la msingi. (Rej. Mdo 4:11)*

Mshukuruni Mungu, kwa kuwa ni mwema, *
kwa maana upendo wake mkuu ni wa milele.

Watu wa Israeli waseme: *
“Upendo wake mkuu ni wa milele.”

Wazao wa Aroni waseme: *
“Upendo wake mkuu ni wa milele.”

Wote wamchao Mungu waseme: *
“Upendo wake mkuu ni wa milele.”

Katika taabu yangu nilimlilia Mungu, *
naye akanisikiliza na kuniokoa.

Mungu yuko nami, siogopi kitu; *
mwanadamu atanifanya nini?

Mungu yuko nami, ananisaidia; *
nami nitashuhudia kushindwa kwa adui zangu.

Ni afadhali kumtumainia Mungu, *
kuliko kumtegemea mwanadamu.

Ni afadhali kumtumainia Mungu, *
kuliko kuwategemea viongozi wa dunia.

Watu wote wasiomjua Mungu alinizingira, *
lakini kwa nguvu ya Mungu nikawapondaponda.

Walinizunguka kila upande, *
lakini kwa nguvu ya Mungu nikawapondaponda.

Walinivamia kwa wingi kama nyuki, /
lakini wakateketea kama kichaka motoni; *
kwa nguvu ya Mungu nikawapondaponda.

Nilishambuliwa mno karibu nishindwe, *
lakini Mungu alinisaidia.

Mungu hunijalia nguvu na uhodari; *
yeye mwenyewe ameniokoa.

Sikilizeni sauti za furaha na ushindi /
katika mahema ya watu waadilifu; *
“Mkono wa Mungu umetenda mambo ya ajabu!

Mkono wa Mungu umeleta ushindi! *
Mkono wa Mungu umetenda mambo ya ajabu!”

Sitakufa, bali nitaishi, *
na kutangaza matendo ya Mungu.

Mungu ameniadhivu sana, *
lakini hakuniacha nife.

Nifungulie milango ya Hekalu; *
nitaingia na kumshukuru Mungu!

Huu ndio mlango wa Mungu, *
ambao waadilifu waweza kuupitia.

Nakushukuru, Ee Mungu, kwa kunisikiliza; *
kwa sababu wewe umeniokoa.

Jiwe walilolikataa waashi, *
limekuwa jiwe kuu la msingi.

Jambo hili limefanywa na Mungu; *
nalo ni jambo la ajabu mno kwetu.

Hi ndiyo siku aliyoifanya Mungu; *
basi, tushangilie na kufurahi.

Utuokoe, Ee Mungu, utuokoe! *
Ee Mungu, tunakusihi, utupe fanaka!

Abarikiwe huyo ajaye kwa jina la Mungu! *
Twakubariki kutoka nyumbani mwa Mungu.

Mungu ni Mungu, naye ni mwema kwetu. /
Shikeni matawi mikononi, anzeni sherehe, *
mkiandamana mpaka madhabahuni.

Ndiwe Mungu wangu, ninakushukuru *
ninakutukuza, Ee Mungu wangu.

Mshukuruni Mungu kwa kuwa ni mwema, *
kwa maana upendo wake mkuu ni wa milele.

Ant. ya Kawaida:

Mbarikiwa ajaye kwa jina la Bwana, aleluya.

Ant. ya Majilio:

Tunao mji imara. Mkombozi ataulinda kwa kuujengea ukuta na boma.
Fungueni milango, kwa maana Mungu yu nasi, aleluya.

Ant. ya Kwaresima:

Mkono wa kuume wa Bwana umeshinda; mkono wake wa kuume
umeniinua.

Ant. ya Jumapili ya Matawi:

Watu waliokwenda kwenye sikukuu, makundi kwa makundi, walimshangilia Bwana, 'Mbarikiwa ajaye kwa jina la Bwana. Hosana juu mbinguni.'

Ant. ya Kipindi cha Pasaka:

Hii ndiyo siku iliyofanywa na Bwana, aleluya.

ANT. II

Ant. ya Kawaida:

Tumwimbie Mungu wetu, aleluya.

Ant. ya Majilio:

Njooni kwenye maji, enyi nyote wenye kiu: mtafuteni Bwana pindi
apatikanapo, aleluya.

Ant. ya Kwaresima:

Na tuimbe wimbo wa wale vijana watatu waliouimba katika tanuru ya
moto, wakimtukuza Bwana.

Ant. ya Jumapili ya Matawi:

Tukishangilia ushindi dhidi ya mauti, sisi waamini, malaika na hao
watoto tujumuike na kuimba, 'Hosana juu mbinguni.'

Ant. ya Kipindi cha Pasaka:

Ee Bwana, Mungu wetu, umetukuzwa katika anga la mbingu; wastahili kusifiwa milele, aleluya.

WIMBO: Dan. 3:52-56

Kila kiumbe kimsifu Bwana

Mwumba astahili sifa milele (Rej. Rom. 1:25)

Umehimidiwa, Ee Bwana, MUNGU wa baba zetu: *

Wastahili kusifiwa na kuadhimishwa milele.

Limehimidiwa jina lako takatifu, tukufu; *

Lastahili kusifiwa na kuadhimishwa milele.

Umehimidiwa katika hekalu la fahari yako takatifu; *

Wastahili kusifiwa na kutukuzwa milele.

Umehimidiwa juu ya kiti cha ufalme wako, *

Wastahili kusifiwa na kuadhimishwa milele.

Umehimidiwa utazamaye vilindi, uketiye juu ya makerubi; *

Wastahili kusifiwa na kuadhimishwa milele.

Umehimidiwa katika anga la mbinguni *

Wastahili kusifiwa na kutukuzwa milele.

Ant. ya Kawaida:

Tumwimbie Mungu wetu, aleluya.

Ant. ya Majilio:

Njooni kwenye maji, enyi nyote wenye kiu: mtafuteni Bwana pindi apatikanapo, aleluya.

Ant. ya Kwaresima:

Na tuimbe wimbo wa wale vijana watatu waliouimba katika tanuru ya moto, wakimtukuza Bwana.

Ant. ya Jumapili ya Matawi:

Tukishangilia ushindi dhidi ya mauti, sisi waamini, malaika na hao watoto tujumuike na kuimba, 'Hosana juu mbinguni.'

Ant. ya Kipindi cha Pasaka:

Ee Bwana, Mungu wetu, umetukuzwa katika anga la mbingu; wastahili kusifiwa milele, aleluya.

ANT. III

Ant. ya Kawaida:

Msifuni Mungu kwa kadiri ya wingi wa ukuu wake, aleluya.

Ant. ya Majilio:

Tazameni, Bwana Mungu wetu atakuja kwa enzi, na kuyaangaza macho ya watumishi wake, aleluya.

Ant. ya Kwaresima:

Msifuni Mungu katika anga la uwezo wake.

Ant. ya Jumapili ya Matawi:

Mbarikiwa ajaye kwa jina la Bwana; amani mbinguni; utukufu mbinguni juu.

Mu ya Kipindi cha Pasaka:

Mwabuduni Mungu akaaye katika kiti chake cha enzi, mkisema, 'Amina, aleluya.'

Zab. 150

Zaburi ya kumsifu Mungu

*Msifuni Mungu rohani mwenu, msifuni kwa moyo yenu,
yaani: mtukuzeni Mungu kwa roho na kwa mwili (Hesychius)*

Msifuni Mungu Hekaluni mwake; *

msifuni kwa ajili ya enzi yake mbinguni.

Msifuni kwa ajili ya matendo yake makuu; *

msifuni kwa ajili ya utukufu wake mkuu.

Msifuni kwa mlio wa tarumbeta; *

msifuni kwa zeze na kinubi!

Msifuni kwa ngoma na michezo; *

msifuni kwa filimbi na bango!

Msifuni kwa kupiga matoazi; /

msifuni kwa kuvumisha matoazi. *

Kila kiumbe chenye uhai na kimsifu Mungu.

Ant. ya Kawaida:

Msifuni Mungu kwa kadiri ya wingi wa ukuu wake, aleluya.

Ant. ya Majilio:

Tazameni, Bwana Mungu wetu atakuja kwa enzi, na kuyaangaza macho

ya watumishi wake, aleluya.

Ant. ya Kwaresima:

Msifuni Mungu katika anga la uwezo wake.

Ant. ya Jumapili ya Matawi:

Mbarikiwa ajaye kwa jina la Bwana; amani mbinguni; utukufu mbinguni juu.

Ant. ya Kipindi cha Pasaka:

Mwabuduni Mungu akaaye katika kiti chake cha enzi, mkisema, 'Amina, aleluya.'

SOMO la Kawaida

Eze. 36:25-27

Nami nitawanyunyizia maji safi, nanyi mtakuwa safi; nitawatakaseni na uchafu wenu wote, na vinyago vyenu vyote. Nami nitawapa ninyi moyo mpya, nami nitatia roho mpya ndani yenu, nami nitatoa moyo wa jiwe uliomo ndani ya mwili wenu, nami nitawapa moyo wa nyama. Nami nitatia roho yangu ndani yenu, na kuwaendesha katika sheria zangu, nanyi mtazishika hukumu zangu na kuzitenda.

KIITIKIZANO

K. Tunakushukuru, Ee Mungu, na tunaomba msaada kwa jina lako. (*W. warudie*)

K. Tunasimulia matendo yako ya ajabu.

W. Na tunaomba msaada kwa jina lako.

K. Atukuzwe Baba na Mwana na Roho Mtakatitu

W. Tunakushukuru ...

Ant. ya Wimbo wa Zakaria, taz. Kipindi cha Mwaka, au Jumapili za Mwaka, uk. 195 nk.

MAOMBI

Tumshukuru Mwokozi wetu aliyekuja duniani ili Mungu apate kuwa nasi.

W. Bwana, tunakusifu na tunakushukuru.

Tunakukaribisha kwa sifa, wewe uliye nyota ya Mchana, na Tunda la kwanza kutoka katika wafu:

— nasi tufufuke nawe, ili tutembe katika mwanga wa Pasaka. (*W.*)

Utusaidie siku hii ya mapumziko, tuweze kuona uzuri katika viumbe vyako vyote:

— fungua macho na mioyo yetu, tupate kutambua na kukiri mapendo yako duniani. (W.)

Ee Bwana, sisi familia yako, tunakusanyika mezani pako:

— utusaidie tuweze kuondoa na kusahau magomvi na chuki kati yetu, na utusamehe dhambi zetu. (W.)

Tunaziombea familia zote za Kikristo:

— Roho aziongezee umoja katika imani na mapendo. (W.)

Baba Yetu

Sala, taz. Kipindi cha Mwaka, au Jumapili za Mwaka uk. 195 nk.

JUMA 2: JUMATATU

MASIFU YA ASUBUHI

UTENZI wa Kawaida

Njoo, ewe Roho Mwumbaji, njoo,
Katika mioyo yetu fanya maskani yako;
Tupe hisani zako za daima,
Sisi tunaoishi na kumudu
Kwa nguvu zako na wako uweza.

Washa mi'li yetu kwa moto wako,
Elekeza tena yetu mioyo
Kwenye upendo wako wa kimungu;
Mi'li yetu ilo dhaifu sana
Hiyo itie nguvu ya kudumu.

Umfukuzie mbali shetani
Alo adui yetu duniani,
Tupate ishi katika amani;
Baya au ovu halitatupata
Wewe ukiwa kiongozi wetu.

Kwa njia yako basi tujifunze,
Tukamjue Baba, pia Mwana,

Na tukakufahamu wewe Roho
Uliyetoka kwa hao wawili,
Ili twabudu kwa imani kweli.

ANT. I

Ant. ya Kawaida:

Lini nitaingia, ili niuone uso wa Mungu?

Ant. ya Juma Kuu:

Yesu akasema, 'Nina huzuni kubwa moyoni, hata karibu kufa. Kaeni hapa na kukesha pamoja nami.'

Ant. ya Kipindi cha Pasaka:

Roho yangu inakuonea shauku, Mungu wangu, kama kulungu atafutaye vijito vinavyotiririka, aleluya.

Zab. 42

Sala ya mkimbizi

*Kisha, ye yote aliye na kiu na aje; anayetaka maji ya uzima
na apokee bila malipo yo yote. (Ufu. 22:17)*

Kama paa atamanivyo maji ya chemchemi, *
ndivyo nami ninavyokutamani, Ee Mungu wangu!

Nina kiu ya Mungu, /
naam, ya Mungu aliye hai. *
Nitafika kwake lini na kumwona?

Machozi yamekuwa chakula changu mchana na usiku; *
kila siku wananiambia: “Yuko wapi basi, Mungu wako?”

Ninasongwa na huzuni nikikumbuka ya awali: *
jinsi nilivyoandamana na umati,
nikiongozana nao kwenda nyumbani kwa Mungu, /
tukipiga vigelegele na kuimba nyimbo za shukrani, *
kati ya umati wa watu wanaofanya sherehe.

Mbona ninahuzunika hivyo moyoni? *
Kwa nini nahangaika hivyo?

Nitamtumainia Mungu, *
nitamsifu tena Mungu, mwokozi wangu.
Nimesongwa na huzuni moyoni, *

kwa hiyo ninakukumbuka wewe, Ee Mungu,
kutoka katika nchi ya Yordan na Hermon, *
na kutoka mlima Mizar.

Ameniletea vilindi na maporomoko ya uchungu, *
mawimbi na mafuriko yake yameniangukia.

Mungu hunijalia upendo wake mkuu mchana; /
nami namwimbia wimbo wa sifa usiku, *
ombi kwake yeye anipaye uhai.

Namwambia Mungu, mwamba wangu: *
kwa nini umenisahau?

Mbona naendelea kuhuzunika, *
kwa sababu ya kukandamizwa na adui zangu?

Nimepondwa kwa matukano yao, /
wanaponiulizia kila siku; *
“Yuko wapi basi, Mungu wako?”

Mbona ninahuzunika hivyo moyoni? *
Kwa nini nahangaika hivyo?
Nitamtumainia Mungu, *
nitamsifu tena Mungu, mwokozi wangu.

Ant. ya Kawaida:

Lini nitaingia, ili niuone uso wa Mungu?

Ant. ya Juma Kuu:

Yesu akasema, 'Nina huzuni kubwa moyoni, hata karibu kufa. Kaeni hapa na kukesha pamoja nami.'

Ant. ya Kipindi cha Pasaka:

Roho yangu inakuonea shauku, Mungu wangu, kama kulungu atafutaye vijito vinavyotiririka, aleluya.

ANT. II

Ant. ya Kawaida:

Utuonyeshe, Ee Bwana, mwanga wa huruma yako.

Ant. ya Juma Kuu:

Sasa ulimwengu huu unahukumiwa; sasa mkuu wa ulimwengu huu atapinduliwa.

Ant. ya Kipindi cha Pasaka:

Ijaze Sion nyimbo za sifa yako, Ee Bwana; na habari za matendo yako makuu zisimuliwe, aleluya.

WIMBO: YBS. 36:1-5,10-13 Sala ya kuuombea mji mtakatifu Yerusalemu
Na, uzima wa milele ndio huu: kukujua wewe uliye peke yako
Mungu wa kweli na kumjua Yesu Kristo uliyemtuma (Yoh. 17:3)

Ee Bwana, Mungu wa watu wote, utuokoe; *
uangelie, uwatishe mataifa yote;

uuinue mkono wako juu ya watu wageni; *
na kuwaonyesha nguvu zako zilizo kuu,

Kama vile ulivyojitakasa kati yetu mbele yao, *
Vivyo hivyo ujitukuze kati yao mbele yetu;

nao wakujue Wewe kama sisi tukujuavyo, *
ya kwamba hakuna Mungu ila Wewe peke yako.

Tuonyeshe ishara tena, *
na kufanya mambo ya ajabu;

uutukuze mkono wako, *
naam, mkono wako wa kuume.

Uwakusanye kabila zote za Yakobo, /
na kuwafanya urithi wako *
kama siku za kale.

Ee BWANA, uwarehemu /
watu walioitwa kwa jina lako, *
na Israeli uliyemwita mzaliwa wa kwanza wako.

Uuonee huruma /
mji wa patakatifu pako, Yerusalemu, *
mahali pako pa raha,

uuajaze SION adhama yako, *
na patakatifu pako utukufu wako.

Ant. ya Kawaida:

Utuonyeshe, Ee Bwana, mwanga wa huruma yako.

Ant. ya Juma Kuu:

Sasa ulimwengu huu unahukumiwa; sasa mkuu wa ulimwengu huu atapinduliwa.

Ant. ya Kipindi cha Pasaka:

Ijaze Sion nyimbo za sifa yako, Ee Bwana; na habari za matendo yako makuu zisimuliwe, aleluya.

ANT. III

Ant. ya Kawaida:

Utukuzwe, Bwana, katika anga la mbingu.

Ant. ya Juma Kuu:

Yesu aliyevumilia mateso ya msalaba, akiipuuza aibu ya msalaba huo, na ambaye ameketi mkono wa kuume wa Mungu, anatuongoza katika imani yetu, na kuikamilisha imani hiyo.

Ant. ya Kipindi cha Pasaka:

Utukufu wa Mungu utauangaza mji; Mwana-kondoo atakuwa nuru yake, aleluya.

Zab. 19A

Utukufu wa Mungu kati.

*Mwanga utokao Juu umetufikia kuiongoza miguu yetu
kwenye njia ya amani. (Rej. Lk. 1:79)*

Mbingu zadhihirisha utukufu wa Mungu; *
anga laitangaza kazi ya mikono yake.

Mchana waupasha habari mchana ufuatao, *
usiku waufahamisha usiku ufuatao.

Hamna msemu au maneno yanayotumika; *
wala hakuna sauti inayosikika;

hata hivyo, sauti yao yaenea nchini kote; *
ujumbe wao wasikika popote duniani.

Mungu ameliwekea jua makao yake angani; /
nalo latoka nje kama bwana arusi, *
kama shujaa aliye tayari kushindana.

Lachomoza toka upande mmoja, /
na kuzunguka hadi upande mwingine; *
wala hakuna kiwezacho kuliepa joto lake.

Ant. ya Kawaida:

Utukuzwe, Bwana, katika anga la mbingu.

Ant. ya Juma Kuu:

Yesu aliyevumilia mateso ya msalaba, akiipuuza aibu ya msalaba huo,
na ambaye ameketi mkono wa kuume wa Mungu, anatuongoza katika
imani yetu, na kuikamilisha imani hiyo.

Ant. ya Kipindi cha Pasaka:

Utukufu wa Mungu utauangaza mji; Mwana-kondoo atakuwa nuru
yake, aleluya.

SOMO

Yer. 15:16

Maneno yako yalionekana, nami nikayala; na maneno yako yalikuwa ni
furaha kwangu, na shangwe ya moyo wangu; maana nimeitwa kwa jina
lako, Ee BWANA, Mungu wa majeshi.

KIITIKIZANO

K. Furahini katika Bwana, enyi waadilifu; kwa maana kusifu kunawa-
pasa wanyofu wa moyo. (*W. warudie*)

K. Mwimbieni wimbo mpya.

W. Kwa maana kusifu kunawapasa wanyofu wa moyo.

K. Atukuzwe Baba na Mwana na Roho Mtakatifu.

W. Furahini...

Ant. ya Wimbo wa Zakaria:

Atukuzwe Bwana, kwa kuwa ametujia na kutukombo.

MAOMBI

Kristo ametushirikisha ukuhani wake. Pamoja naye tunaomba na
kutolea nafsi zetu.

W. Bwana, pokea mapendo yetu na utumishi wetu.

Yesu Kristo, wewe ndiye Kuhani wa milele:

— yatakatifuze matoleo yetu, ili yakubaliwe na Baba. (*W.*)

Bwana, wewe ndiwe upendo wenyewe:

— utujalie tuweze kukupenda. (*W.*)

Utupe leo vipaji vya Roho Mtakatifu:

— utufanye tuwe wavumilivu, wema na watulivu. (*W.*)

Utujalie tuweze kutambua mahitaji ya jirani zetu:

— na utupe moyo wa kuwapenda kindugu. (*W.*)

Baba Yetu

SALA

Ee Bwana, Mungu Mwenyezi, utulinde siku nzima ya leo kwa uwezo wako. Vile ulivyotuwezesha kuianza siku hii, usituachilie tugeukie dhambi, bali kwa mawazo, maneno na matendo yetu yote, tukusudie kutenda yale yanayopendeza machoni pako. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMA 2: JUMANNE

MASIFU YA ASUBUHI

UTENZI wa Kawaida

Usiku umekwisha sasa,
Na sisi twakusifu Baba,
Tumesimama mbele yako,
Wakakamavu tupo macho;
Sala, fikara twatolea,
Twakuabudu kwa kuimba.

Ewe mfalme wa vyote,
Kwa makao yako tuandae;
Tuondolee udhaifu,
Tupatie afya na nguvu;
Tuingize mbinguni kwako,
Watakatifu wafurahiko.

Ee Baba, Roho na Mwana,
Mtakatifu sana sana,
E Utatu Mtakatifu,
Tupatie wako wokovu;

Ni wako utukufu wote,
Ung'arao na kuvuma kote.

ANT. I

Ant. ya Kawaida:

Ee Bwana, nilete nuru yako na kweli yako.

Ant. ya Juma Kuu:

Ee Bwana, unihukumu; uniokoe na mtu wa hila, asiye na haki.

Ant. ya Kipindi cha Pasaka:

Umeujia Mlima Sion, na mji wa Mungu aliye hai, aleluya.

Zab. 43

Sala ya mkimbizi yaendelea

*Mimi ni mwanga, nami nimekuja ulimwenguni
ili wote wanaoniamini wasibaki gizani (Yoh. 12:46)*

Uwe upande wangu, Ee Mungu; *
unitetee haki zangu;

unikinge na watu wanaokuchukia, *
watu waongo na waovu.

Wewe Mungu wangu, uliye nguvu yangu, *
kwa nini umenitupilia mbali?

Mbona naendelea kuteseka, *
nikisumbuliwa na adui zangu?

Upeleke mwanga wako na ukweli wako, *
vipate kuniongoza na kunipeleka kwako;

mpaka kwenye milima wako mtakatifu, kwenye makao yako. *
Hapo, Ee Mungu, nitakwenda madhabahuni pako;

nitakuja kwako, Ee Mungu, asili ya furaha yangu. *
Nitakusifu kwa kinubi, Ee Mungu, Mungu wangu.

Mbona ninahuzunika hivyo moyoni? *
Kwa nini nahangaika hivyo?

Nitamtumainia Mungu! *
Nitamsifu tena Mungu, mwokozi wangu.

Ant. ya Kawaida:

Ee Bwana, nilete nuru yako na kweli yako.

Ant. ya Juma Kuu:

Ee Bwana, unihukumu; uniokoe na mtu wa hila, asiye na haki.

Ant. ya Kipindi cha Pasaka:

Umeujia Mlima Sion, na mji wa Mungu aliye hai, aleluya.

ANT. II

Ant. ya Kawaida:

Bwana, uje kutusaidia siku zote za maisha yetu.

Ant. ya Juma Kuu:

Bwana, umeitetea roho yangu; umeyaokoa maisha yangu, Bwana Mungu wangu.

Ant. ya Kipindi cha Pasaka:

Bwana, umeilinda roho yangu isiharibiwe, aleluya.

WIMBO:

Isa.38:10-14,17-20

Kihoro cha mgonjwa mahututi; furaha ya aliyepona.

Nalisema, Katika usitawi wa siku zangu /
nitakwenda kuingia malango ya kuzimu; *
Nimenyimwa mabaki ya miaka yangu.

Nalisema, Sitamwona BWANA, yeye BWANA, *
katika nchi ya walio hai;

Sitamwona mwanadamu tena *
pamoja na hao wakaao duniani.

Kao langu limeondolewa kabisa, *
limechukuliwa kama hema ya mchungaji;

Nimekunja maisha yangu kama mfumaji; *
atanikatilia mbali na kitanda cha mfumi;

Naliomboleza usiku kucha; /
kama simba ameivunja mifupa yangu yote; *
Tangu mchana hata usiku wananimaliza.

Kama mbayuwayu au korongo ndivyo nilivyolia; /
Naliomboleza kama hua; *
Macho yangu yamedhoofu kwa kutazama juu,
Ee BWANA, nimeonewa, *
na uwe mdhamini wangu.
Tazama; nalikuwa na uchungu mwingi *
kwa ajili ya amani yangu;
Lakini kwa kunipenda /
umeniokoa na shimo la uharibifu; *
Kwa maana umezitupa dhambi zangu zote nyuma yako.
Kwa kuwa kuzimu hakuwezi kukusifu; *
mauti haiwezi kukuadhimisha;
Wale washukao shimoni *
hawawezi kuitarajia kweli yako.
Aliye hai, naam, aliye hai, /
ndiye atakayekusifu, kama mimi leo; *
Baba atawajulisha watoto kweli yako.
BWANA yu tayari kunipa wokovu. *
Basi, kwa vinubi tutaziimba nyimbo zangu,
Siku zote za maisha yetu *
Nyumbani mwa BWANA.

Ant. ya Kawaida:

Bwana, uje kutusaidia siku zote za maisha yetu.

Ant. ya Juma Kuu:

Bwana, umeitetea roho yangu; umeyaokoa maisha yangu, Bwana
Mungu wangu.

Ant. ya Kipindi cha Pasaka:

Bwana, umeilinda roho yangu isiharibiwe, aleluya.

ANT III

Ant. ya Kawaida:

Ee Bwana, wastahili sifa zetu Sion.

Ant. ya Juma Kuu:

Mtumishi wangu, Mwenye Haki atawafanya wengi kuwa wenye haki;
atayachukua makosa yao.

Ant. ya Kipindi cha Pasaka:

Umejilia nchi na kuistawisha, aleluya.

Zab. 65

Wimbo wa shukrani

Sion ieleweke kuwa ni mji wa Mungu (Origen)

Wastahili sifa, Ee Mungu, katika Sion; *
nasi tutakutimizia nadhiri zetu,
maana wewe wasikiliza sala zetu. *
Watu wote watakujia na kukiri dhambi zao:
dhambi zetu zinapotulemea, *
wewe watuondolea.

Heri uliowachagua wakae patakatifu pako, /
Sisi tutashiba kwa mema ya nyumba yako; *
kwa baraka za Hekalu lako takatifu.

Kwa matendo ya ajabu, Ee Mungu, mkombozi wetu, *
wewe watusikiliza na kutupatia ushindi.

Duniani kote na kupita bahari za mbali, *
watu wakutumainia wewe.

Wewe umejawa nguvu tele tele: *
kwa nguvu yako waisimika milima mahali pake,
watuliza mshindo wa bahari na wa mawimbi yake, *
wakomesha ghasia za watu.

Ulimwengu wote washangazwa na matendo yako. /
Wasababisha furaha kila mahali, *
toka mashariki hata magharibi.

Wewe waitunza nchi kwa kuinyeshea mvua, /
wajalia rutuba na kuisitawisha; *
mito yake waijaza maji ya mbinguni,

waifanikisha nchi na kuipatia mavuno. *

Hivi ndivyo ufanyavyo:

Mashamba wayanyeshea mvua kwa wingi, *

na kuyalowanisha kwa maji;

ardhi wailainisha kwa manyunyu, *

na kuibariki mimea ichipue.

Wautunukia mwaka wote mema yako, *

kila ulipopitia pamejaa fanaka.

Mbuga za majani zimejaa mifugo, *

milima nayo imejawa furaha.

Malisho yamejaa kondoo, /

mabonde yamefunikwa kwa ngano. *

Kila kitu kinashangilia kwa furaha.

Ant. ya Kawaida:

Ee Bwana, wastahili sifa zetu Sion.

Ant. ya Juma Kuu:

Mtumishi wangu, Mwenye Haki atawafanya wengi kuwa wenye haki;
atayachukua makosa yao.

Ant. ya Kipindi cha Pasaka:

Umejilia nchi na kuistawisha, aleluya.

SOMO la Kawaida

1 Tes. 5:4-5

Ninyi, ndugu, hamko gizani, na siku hiyo haipaswi kuwajieni ghafula kama vile mwizi. Ninyi nyote ni watu mnaoishi katika mwanga, watu wa mchana. Sisi si watu wa usiku, wala wa giza.

KIITIKIZANO

K. Sikia kilio changu, Ee Bwana, maana nalitumainia neno lako. (*W. warudie*)

K. Naamka kabla ya alfajiri na kuomba msaada.

W. Nalitumainia neno lako.

K. Atukuzwe Baba na Mwana na Roho Mtakatifu.

K. Sikia kilio changu, Ee Bwana, maana nalitumainia neno lako.

Ant. ya Wimbo wa Zakaria:

Bwana, utuokoe mikononi mwao wote wanaotuchukia.

MAOMBI

Tumtukuze Mwokozi wetu, ambaye kwa ufufuko wake ameiondolea dunia hofu.

W. Bwana, utuongoze kwenye ukweli wako.

Bwana Yesu, siku hii inapoanza, tunakumbuka kuwa umefufuka;

— na kwa sababu hiyo, twautazamia wakati ujao kwa matumaini. (*W.*)

Tunakutolea sala yetu asubuhi hii;

— shughuli zetu, matumaini na mahitaji yetu, yawe mikononi mwako. (*W.*)

Utuwezeshe kukupenda zaidi leo;

— katika yote tutafute mafaa yetu na ya wenzetu. (*W.*)

Twakuomba, Ee Bwana Yesu, kwa njia ya matatizo yetu tujifunze kuonja shida za wenzetu;

— utusaidie tuweze kuwaonyesha huruma yako. (*W.*)

Baba Yetu

SALA

Ee Bwana Yesu Kristo, Nuru ya kweli ya ulimwengu, unayewaangaza watu wote ili waokoke, tunaomba utujalie neema na nguvu, tuweze kutangaza ujio wako kwa kutayarisha njia za haki na amani. Unayeishi na kutawala na Baba na Roho Mtakatifu, Mungu, daima na milele.

JUMA 2: JUMATANO

MASIFU YA ASUBUHI

UTENZI wa Kawaida

Kwa kuwa sasa jua laangaza,
Nyoyo zetu kwa Mungu twainua,
Atuepushe na maovu leo
Katika yote matendo, maneno.

Atuepushe na ubishi wa bure,
Atukinge na chuki na hasira;
Yasiyofaa tусiyatazame,
Na ya upuzi tусiyasikie.

Adumishe safi dhamiri zetu,
Ya kijinga na tusiyafulate;
Atuwezeshe kujikatalia,
Na majivuno yetu kuzuia.

Ili, siku hii itakapokwisha,
Na usiku kuingia ukisha,
Kwa ushindi tusifu lake Jina,
Kwa dhamiri zisizo na mawaa.

ANT. I

Ant. ya Kawaida:

Njia zako, Ee Mungu, ni takatifu. Ni nani aliye mungu mkuu kama Mungu wetu?

Ant. ya Juma Kuu:

Siku ya taabu yangu nilimtafuta Bwana, nikimwinulia mikono yangu.

Ant. ya Kipindi cha Pasaka:

Yale maji yalikuona, Ee Mungu; uliwavusha watu wako baharini, aleluya.

Zab 77

Faraja wakati wa shida

***Daima twapata taabu, lakini hatugandamizwi;
twapata mashaka, lakini hatukati tamaa (2 Kor. 4:8)***

Kwa sauti namlilia Mungu, *
namlilia naye ananisikiliza.

Wakati wa taabu namwomba Bwana; /
nanyosha mikono yangu usiku kucha kuomba, *
lakini sipati kitulizo chochote.

Ninapomfikiria Mungu, nasononeka; *
ninapotafakari, nafa moyo.

Ananizuia hata kupata lepe la usingizi, *
nina mahangaiko hata kusema siwezi.

Nafikiria siku za zamani; *
nakumbuka miaka iliyopita.

Usiku kucha nafikirifikiri; *
nawaza na kujiuliza hivi;

"Je, Bwana ametuacha kabisa? *

Je, hatanifanyia tena hisani yake?

Na upendo wake mkuu je, umekwisha? *

Hatatimiza tena ahadi zake?

Je, Mungu amesahau kuwa na huruma? *

Je, hasira yake imeuondoa upole wake?"

Halafu nikasema: "Kinachonichoma zaidi, *

ni kwamba Mungu hana nguvu tena!"

Lakini, Ee Mungu, nitayakumbuka matendo yako; *

nitayafikiria maajabu yako ya hapo kale.

Nitatafakari juu ya kazi zako, *

na kuwazia matendo yako makuu.

Ee Mungu, kila ufanyacho ni kitakatifu. *

Hakuna mungu aliye mkuu kama wewe.

Wewe ni Mungu unayetenda maajabu; *

umeyaonyesha mataifa enzi yako.

Kwa mkono wako uliwakomboa watu wako; *

naam, wazaliwa wa Yakobo na Yosefu.

Maji yalipokuona, Ee Mungu, yaliogopa mno; *

bahari ilitetemeka hata vilindini.

Mawingu yalichuruzika maji, ngurumo zikavuma, *

na mishale ya umeme ikaangaza kila upande.

Kishindo cha ngurumo yako kilitokea, /

umeme wake ukaangaza ulimwengu; *

dunia ikatikisika na kutetemeka.

Wewe ulitembea juu ya mawimbi; /

ulivuka bahari ile kuu, *

lakini nyayo zako hazikuonekana.

Uliwaongoza watu wako kama kondoo, *

chini ya uongozi wa Musa na Aroni.

Ant. ya Kawaida:

Njia zako, Ee Mungu, ni takatifu. Ni nani aliye mungu mkuu kama Mungu wetu?

Ant. ya Juma Kuu:

Siku ya taabu yangu nilimtafuta Bwana, nikimwinulia mikono yangu.

Ant. ya Kipindi cha Pasaka:

Yale maji yalikuona, Ee Mungu; uliwavusha watu wako baharini, aleluya.

ANT. II

Ant. ya Kawaida:

Moyo wangu wamshangilia Bwana; yeye huwashusha wakuu na kuwapandisha wadogo.

Ant. ya Juma Kuu:

Ikiwa tumekufa pamoja na Kristo, tunaamini tutafufuka pia pamoja naye.

Ant. ya Kipindi cha Pasaka:

Bwana huua, naye hufanya kuwa hai, aleluya.

WIMBO: 1 Sam. 2:1-10

Maskini hufurahi katika Bwana

Amewashusha wenye vyeo kutoka viti vyao vya enzi,

akawakweza wanyenyekevu. Wenye njaa amewashibisha mema (Lk. 1:52-53)

Moyo wangu wamshangilia BWANA, *

Pembe yangu imetukuka katika BWANA,

Kinywa changu kimepanuka juu ya adui zangu; *

Kwa kuwa naufurahia wokovu wako;

Hakuna aliye mtakatifu kama BWANA; /

Kwa maana hakuna ye yote ila wewe, *

Wala hakuna mwamba kama Mungu wetu.

Msizidi kunena kwa kutakabari hivyo; *

Majivuno yasitoke vinywani mwenu;

Kwa kuwa BWANA ni Mungu wa maarifa, *

Na matendo hupimwa na yeye kwa mizani.

Pinde zao mashujaa zimevunjika, *

Na hao waliojikwaa wamefungiwa nguvu.

Walioshiba wamejikodisha ili kupata chakula, *
Na hao waliokuwa na njaa wamepata raha.

Naam, huyo aliyekuwa tasa amezaa watoto saba, *
Na yeye aliye na wana wengi amedhoofika.

BWANA huua, naye hufanya kuwa hai, *
Hushusha hata kuzimu, tena huleta juu.

BWANA hufukarisha mtu, naye hutajirisha; *
Hushusha chini, tena huinua juu.

Humwinua mnyonge kutoka mavumbini, *
Humpandisha mhitaji kutoka jaani,

Ili awaketishe pamoja na wakuu, *
Wakakirithi kiti cha enzi cha utukufu;

Kwa maana nguzo za dunia zina BWANA, *
Naye ameuweka ulimwengu juu yake.

Yeye atailinda miguu ya watakatifu wake; *
Bali waovu watanyamazishwa gizani,

Maana kwa nguvu hakuna atakayeshinda; *
Washindanao na BWANA watapondwa kabisa.

Toka mbinguni yeye atawapigia radi; *
BWANA ataihukumu miisho ya dunia;

Naye atampa mfalme wake nguvu, *
Na kuitukuza pembe ya masihi wake.

Ant. ya Kawaida:

Moyo wangu wamshangilia Bwana; yeye huwashusha wakuu na kuwapandisha wadogo.

Ant. ya Juma Kuu:

Ikiwa tumekufa pamoja na Kristo, tunaamini tutafufuka pia pamoja naye.

Ant. ya Kipindi cha Pasaka:

Bwana huua, naye hufanya kuwa hai, aleluya.

ANT. III

Ant. ya Kawaida:

Bwana ni mfalme, dunia na ishangilie.

Ant. ya Juma Kuu:

Mungu amemfanya Yesu Kristo kuwa hekima yetu na fadhila yetu, utakatifu wetu na wokovu wetu.

Ant. ya Kipindi cha Pasaka:

Nuru imewaangazia waadilifu, na heri imewajia wanyofu wa moyo, aleluya.

Zab. 97

Mungu mtawala mkuu

*Zaburi hii yaeleza ukombozi wa dunia na imani ambayo
watu wote wangukuwa nayo katika Kristo (Mt. Athanasius)*

Mungu anatawala! /

Furahi, Ee dunia *

Furahini, enyi visiwa!

Mawingu na giza nene vyamzunguka; *

anatawala kwa adili na haki.

Moto watangulia mbele yake, *

na kuwateketeza adui zake pande zote.

Umeme wake wauangazaulimwengu; *

dunia yauona na kutetemeka.

Vilima vyayeyuka kama nta mbele ya Mungu; *

naam, mbele ya Bwana wa dunia yote.

Mbingu zatangaza uadilifu wake; *

na mataifa yote yauona utukufu wake.

Wote wanaoabudu sanamu wanaaibishwa, /

naam, wote wanaojisifia miungu duni; *

miungu yote hasujudu mbele yako.

Watu wa Sion wanafurahi; /

mji wa Yuda ina shangilia, *

kwa sababu ya huruma zako, Ee Mungu.

Wewe Mungu watukuka juu ya dunia yote; *

wewe ni mkuu mno kuliko miungu yote.

Mungu huwapenda wenye kuchukia uovu, /
huyalinda maisha ya waaminifu wake; *
huwaokoa katika makucha ya waovu.

Mwanga humwangazia mtu mwadilifu, *
na furaha kwa watu wema.

Enyi waadilifu furahieni aliyotenda Mungu! *
Kumbukeni utukufu wake na kumshukuru!

Ant. ya Kawaida:

Bwana ni mfalme, dunia na ishangilie.

Ant. ya Juma Kuu:

Mungu amemfanya Yesu Kristo kuwa hekima yetu na fadhila yetu,
utakatifu wetu na wokovu wetu.

Ant. ya Kipindi cha Pasaka:

Nuru imewaangazia waadilifu, na heri imewajia wanyofu wa moyo, aleluya.

SOMO la Kawaida

Rom. 8:35-37

Ni nani awezaye kututenga na mapendo ya Kristo? Je, ni taabu, au dhiki, au mateso, au njaa, au ukosefu wa nguo, au hatari, au kuuawa? Kama Maandiko matakatifu yasemavyo:

“Kwa ajili yako, twakikabili kifo kutwa kucha;

Tunatendewa kama kondoo wa kuchinjwa.”

Lakini, katika mambo hayo yote, tumepata ushindi mkubwa kwa msaada wake yeye aliyetupenda.

KIITIKIZANO

K. Nitamtukuza Bwana nyakati zote. (*W. warudie*)

K. Sifa yake itakuwa sikuzote midomoni pangu.

W. Nyakati zote nitamtukuza.

K. Atukuzwe Baba na Mwana na Roho Mtakatifu.

W. Nitamtukuza ...

Ant. ya Wimbo wa Zakaria:

Tumtumikie Bwana kwa utakatifu, siku zote za maisha yetu.

MAOMBI

Hakuna kiwezacho kututenga na upendo wa Kristo, kwa maana aliahidi kuwa pamoja na Kanisa lake mpaka mwisho wa nyakati. Tukiwa na

matumaini katika ahadi hiyo, tunaomba:

W. Kaa nasi, Bwana Yesu.

Utulinde leo,

— ili kwa njia ya mapendo yako tushinde katika yote. *(W.)*

Mapendo ya Roho wako Mtakatifu yawe ndani ya mioyo yetu,

— ili tuweze kukutolea wewe siku hii ya leo. *(W.)*

Uwasaidie Wakristo wote kuitika mwito wako,

— ili wawe chumvi ya ulimwengu, na nuru ya dunia. *(W.)*

Twawaombea wafanyakazi na wakulima wote,

— ili wafanye kazi kwa moyo mmoja, kwa amani na kwa mafaa ya jumuiya nzima. *(W.)*

Baba Yetu

SALA

Bwana, tia mwanga wako katika mioyo yetu, ili daima tuishipo kadiri ya sheria zako, tusidanganywe wala kupotoshwa kamwe. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMA 2: ALHAMISI

MASIFU YA ASUBUHI

UTENZI wa Kawaida

Peke yangu - wa pili wewe Mungu,

Nasafiri katika njia yangu;

Nihofu nini uwapo karibu,

Mtawala mchana na usiku?

Chini yako ni salama zaidi,

Kuliko kama 'ngelindwa na jeshi.

Saa ya kufa kwangu umepanga,

Mauti yaijua hiyo saa.

Hata 'ngezungukwa na jeshi kali,

Halingeshinda nguvu za mauti;

Hazifai kitu kuta za mawe

Unapomtuma wako mjumbe.

Nitaishi kadiri ya amri,
Na kufuata yako maongozi,
Katika amani na utulivu,
Kwani duniani hapana nguvu
Iwezayo kuipokonya roho -
Yake aliye mkononi mwako.

Ovu lolote hawezi ogopa,
Mtoto wa Mungu, mteuliwa
Mambo yetu yote twakuachia,
Lini tuende twangoja sikia.
Watufariji, Mfalme Mkuu,
Wewe Bwana u tumaini letu.

ANT. I

Ant. ya Kawaida:

Ee Bwana, uziamshe nguvu zako, na uje kutusaidia.

Ant. ya Juma Kuu:

Tazama, Bwana, na unijibu hima, kwa Maana nipo katika mateso.

Ant. ya Kipindi cha Pasaka:

Mimi ni mzabibu; ninyi ni matawi, aleluya.

Zab. 80

Kwa ajili ya urekebisho wa Israeli

Njoo, Bwana Yesu (Ufu. 22:20)

Utusikilize, ewe Mchungaji wa Israeli, *
unayewaongoza watu wako, Yosefu, kama kondoo.

Ewe ukaaye juu ya viumbe vyenye mabawa, /
ujionyeshe kwa Efraimu, Benyamini na Manase. *
Uonyeshe nguvu yako, uje ukatuokoe!

Uturekebishe, Ee Mungu; *
utuangalie kwa wema, nasi tutaokoka.

Ee Mungu, Mungu mwenye nguvu, *
hata lini utazikasirikia sala za watu wako?

Umefanya huzuni iwe chakula chetu; *
umetunywesha machozi kwa wingi.

Umetufanya kisa cha ubishi kwa jirani zetu; *
adui zetu wanatudhihaki.

Ee Mungu mwenye nguvu, uturekebishe, *
ngalie kwa wema, nasi tutaokoka.

Ulileta mzabibu mmoja kutoka Misri, /
ukawafukuza watu wa mataifa mengine, *
na kuupanda katika nchi yao.

Uliupalilia upate kukua, *
nao ukatoa mizizi, ukaenea kote nchini.

Uliifunika milima kwa kivuli chake, *
na matawi yake yakawa kama mierezi mikubwa.

Matawi yake yalienea mpaka baharini; *
machipukizi yake mpaka kando ya mto Eufrate.

Mbona ulibomoa kuta zilizouzunguka? *
Sasa kila apitaye anachuma zabibu zake;

nguruwe-mwitu wanauharibu, *
na wanyama wa porini wanautafuna!

Ee Mungu mwenye nguvu, utugeukie tena! *
Uangalie toka mbinguni, uutunze mzabibu huo.

Uulinde huo mche ulioupanda kwa mkono wako; *
hicho kichipukizi ulichokisitawisha.

Watu walioukata na kuuteketeza, *
uwatazame kwa ukali, waangamie.

Mkono wako umkinge huyo uliyemfadhili, *
huyo uliyemteua kwa ajili yako.

Hatutakuacha na kukuasi tena; *
utujalie uzima, nasi tutakusifu.

Be Mungu, Mungu mwenye nguvu, uturekebishe; *
utuangalie kwa wema, nasi tutasalimika.

Ant. ya Kawaida:

Ee Bwana, uziamshe nguvu zako, na uje kutusaidia.

Ant. ya Juma Kuu:

Tazama, Bwana, na unijibu hima, kwa Maana nipo katika mateso.

Ant. ya Kipindi cha Pasaka:

Mimi ni mzabibu; ninyi ni matawi, aleluya.

ANT. II

Ant. ya Kawaida:

Bwana ametenda maajabu, yatangazeni kwa ulimwengu mzima.

Ant. ya Juma Kuu:

Tazameni, Mungu ni wokovu wangu; nina matumaini, na wala sina hofu.

Ant. ya Kipindi cha Pasaka:

Kwa furaha mtateka maji katika visima vya Mwokozi, aleluya.

WIMBO: Isa. 12:1-6

Furaha ya watu waliokombolewa

Aliye na kiu na aje kwangu anywe (Yoh. 7:37)

Ee BWANA, nitakushukuru wewe; *

Kwa kuwa ijapokuwa ulinikasirikia,

Hasira yako imegeukia mbali, *

Nawe unanifariji moyo.

Tazama, Mungu ndiye wokovu wangu; *

Nitatumaini wala sitaogopa;

Maana BWANA ni nguvu zangu na wimbo wangu; *

Naye amekuwa wokovu wangu.

Basi kwa furaha mtateka maji *

Katika visima vya wokovu.

Na katika siku hiyo mtasema, *

Mshukuruni BWANA, liitieni jina lake;

Yatangazeni matendo yake kati ya mataifa, *

Litajeni jina lake kuwa limetukuka.

Mwimbieni BWANA; kwa kuwa ametenda makuu; *
Na yajulikane haya katika dunia yote.

Paza sauti, piga kelele, mwenyeji wa Sion; *
Maana Mtakatifu wa Israeli ni mkuu kati yako.

Ant. ya Kawaida:

Bwana ametenda maajabu, yatangazeni kwa ulimwengu mzima.

Ant. ya Juma Kuu:

Tazameni, Mungu ni wokovu wangu; nina matumaini, na wala sina hofu.

Ant. ya Kipindi cha Pasaka:

Kwa furaha mtateka maji katika visima vya Mwokozi, aleluya.

ANT. III

Ant. ya Kawaida:

Mshangilieni Mungu, aliye nguvu yetu.

Ant. ya Juma Kuu:

Bwana alitulisha ngano bora, akatushibisha asali itokayo mwambani.

Ant. ya Kipindi cha Pasaka:

Bwana ametulisha ngano bora, aleluya.

Zab. 81

Wimbo wa sikukuu

*Basi, ndugu, jihadharini asije akawako ye yote miongoni mweni
aliye na moyo mbaya hivyo na asiyeamini (Ebr. 3:12)*

Mshangilieni Mungu, mlinzi wetu; *

Mwimbieni sifa Mungu wa Yakobo;

Vumisheni wimbo wa shangwe, pigeni ngoma, *
chezeni kinubi na zeze zenye sauti nzuri.

Pigeni baragumu la mwezi mpya, *
na la mwezi mpevu, sikukuu yetu.

Hiyo ndiyo kanuni katika Israeli; *
hilo ndilo agizo la Mungu wa Yakobo.

Alimpa Yosefu agizo hilo, *
alipoishambulia nchi ya Misri.

Nasikia sauti nisiyoitambua ikisema: /
"Mimi nimekutua mizigo yako mabegani, *
nimekuondolea matofali uliyochukua mikononi.

Ukiwa shidani uliniita, nami nikakuokoa. /
Nikiwa nimejificha katika ngurumo nilikujibu. *
Nilikujaribu kwenye maji ya Meriba.

Enyi watu wangu, sikilizeni onyo langu. *
Laiti ungenisikiliza, ee Israeli!

Asiwepo kwako mungu wa kigeni; *
usiabudu kamwe mungu mwingine.

Mimi ndimi Mungu, Mungu wako, /
niliyekuhamisha kutoka nchi ya Misri. *
Fungua kinywa chako, nami nitakulisha.

Lakini watu wangu hawakunisikiliza; *
Israeli hakupenda kunitii mimi.

Basi, nikawaacha wabaki na ukaidi wao; *
wafuate mashauri yao wenyewe.

Laiti watu wangu wangenisikiliza! *
Laiti Israeli angefuata mwongozo wangu!

Mara ningewaangamiza adui zao; *
ningewashinda wadhalimu wao.

Wanichukiao wangenipigia magoti kwa hofu, *
na adhabu yao ingekuwa ya milele.

Lakini wewe ningekulisha kwa ngano bora, *
na kukushibisha kwa asali ya mwambani.

Ant. ya Kawaida:

Mshangilieni Mungu, aliye nguvu yetu.

Ant. ya Juma Kuu:

Bwana alitulisha ngano bora, akatushibisha asali itokayo mwambani.

Ant. ya Kipindi cha Pasaka:

Bwana ametulisha ngano bora, aleluya.

Utawala wa Mungu si shauri la kula na kunywa, bali unahusika na kuwa na uadilifu, amani na furaha iletwayo na Roho Mtakatifu. Anayemtumikia Kristo namna hiyo humpendeza Mungu, na hukubaliwa na watu. Kwa hiyo tuyazingatie daima mambo yenye kuleta amani, na yanayotusaidia kujengana.

KIITIKIZANO

K. Mapema asubuhi nitakutafakari, wewe Ee Bwana. (*W. warudie*)

K. Umekuwa msaada wangu.

W. Wewe, Ee Bwana.

K. Atukuzwe Baba na Mwana na Roho Mtakatifu.

W. Mapema...

Ant. ya Wimbo wa Zakaria:

Bwana, uwajulishe watu wako wokovu, na utusamehe dhambi zetu.

MAOMBI

Sifa iwe kwa Mungu, Baba yetu, asikiaye sala za watoto wake.

W. Bwana, utusikie.

Baba, tunakushukuru kwa kutuletea Mwana wako:

— tujalie tuweze kumwona kati yetu siku nzima ya leo. (*W.*)

Ifanye hekima iwe mwingozo wetu:

— utusaidie tutembe katika upya wa maisha. (*W.*)

Bwana, utupatie nguvu zako sisi wadhaifu:

— tunapokutana na matatizo, utujalie ujasiri wa kukabiliana nayo. (*W.*)

Uyaongoze mawazo, maneno na matendo yetu leo,

— ili tuweze kujua na kutekeleza matakwa yako. (*W.*)

Baba Yetu

SALA

Bwana Mungu, Nuru ya kweli na Mwumba wa mwanga, utujalie, tukitafakari kiaminifu mambo yote yaliyo matakatifu, tuishi daima katika mwanga wako. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMA 2: IJUMAA

MASIFU YA ASUBUHI

UTENZI wa Kawaida

Mimi mzabibu mtakatifu,
Autunzao Babangu.
Kila tawi lisozaa matunda,
Baba yangu hulikata.
Kila tawi lizaalo lakini,
Hulichenga kwa makini;
Hulichenga ili lipate zaa
Mengi ajabu matunda.

Jueni mkikaa ndani yangu,
Nitakaa ndani yenu.
Lipate kuzaa matunda tawi,
Sheti liungane na mti.
Kwa hiyo basi ninyi mtashindwa
Kuzaa yenu matunda,
Ikiwa ninyi pamoja na mimi
Si mmoja mzabibu.

Mimi ndo uzaao mzabibu,
Ninyi mu matawi yangu.
Yeye ndani yangu anayekaa
Ndani yake nitakaa.
Na hapo ndipo mtakapozaa
Matunda mengi ajaa,
Lakini cho chote hamtazaa,
Mbali nami mkikaa.

ANT. I

Ant. ya Kawaida:

Ee Mungu, hutaudharau moyo uliovunjika na kupondeka.

Ant. ya Kipindi cha Pasaka:

Jipe moyo, mwanangu, umesamehewa dhambi zako, aleluya.

Jirekebisheni upya rohani na katika fikra zenu.

Vaeni hali mpya ya utu (Ef 4:23-24)

Unihurumie, Ee Mungu, *

kwa sababu ya upendo wako mkuu;

ufutilie mbali uovu wangu, *

kwa sababu ya huruma yako kuu.

Unioshe kabisa kosa langu; *

unisafishe dhambi yangu.

Nakiri kabisa makosa yangu, *

daima naiona waziwazi dhambi yangu.

Nimekukosea wewe peke yako, *

nimetenda yaliyo mabaya mbele yako.

Hivyo wafanya sawa unaponihukumu, *

una haki kabisa unaponiadhibu.

Mimi ni mkosefu tangu kuzaliwa kwangu, *

mwenye dhambi tangu tumboni mwa mama yangu.

Wewe wataka unyofu wa ndani; *

hivyo nifundishe hekima moyoni.

Uniondolee dhambi, nitakate: *

unioshe, niwe mweupe pe.

Hapo nitaweza kufurahi tena; *

nitashangilia tena ingawa uliniponda.

Ugeuze uso wako, usiziangalie dhambi zangu; *

ukayafute makosa yangu yote.

Ee Mungu, uniumbie moyo safi, *

uweke ndani yanguroho mpya na thabiti.

Usinitupe mbali nawe; *

usiniondolee Roho wako mtakatifu.

Unifanye nifurahi tena kwa kuniokoa, *

unijalie moyo radhi wa utii.

Hapo nitawafundisha wakosefu mwongozo wako, *
nao wenye dhambi watarudi kwako.

Ee Mungu, Mungu mwokozi wangu, uniokoe na kifo, *
nami nitatangaza kwa furaha uadilifu wako.

Ifumbue midomo yangu, Ee Bwana, *
nipate kutangaza sifa zako.

Kwa kweli wewe hupendezwi na sadaka, /
ama sivyo mimi ningalikutolea. *
Wewe huna haja na sadaka za kuteketezwa.

Sadaka yangu kwako, Ee Mungu, ni moyo mnyofu; *
wewe, Ee Mungu, hukatai moyo mnyofu na mtiifu.

Ee Mungu, uutendee mji Sion mema: *
jenga tena upya kuta za Yerusalemu.

Hapo utapendezwa na sadaka za kweli; /
dhabihu na sadaka za kuteketezwa *
na fahali watatolewa sadaka madhabahuni pako.

Ant. ya Kawaida:

Ee Mungu, hutaudharau moyo uliovunjika na kupondeka.

Ant. ya Kipindi cha Pasaka:

Jipe moyo, mwanangu, umesamehewa dhambi zako, aleluya.

ANT. II

Ant. ya Kawaida:

Hata ukikasirika, Bwana, uwe na huruma.

Ant. ya Kipindi cha Pasaka:

Bwana, ulikuja na nguvu kuwaokoa watu wako; ulikuja na Kristo wako,
aleluya.

WIMBO: *Hab. 3:2-4, 13a, 15-19*

*Simameni na kuinua vichwa vyenu juu, kwa
maana ukombozi wenu umekaribia (Lk. 21:28)*

Ee BWANA, nimesikia habari zako,*
Nami naogopa;

Ee BWANA, fufua kazi yako katikati ya miaka; /
Katikati ya miaka tangaza habari yake; *
Katika ghadhabu kumbuka rehema.

Mungu alikuja kutoka Temani, *
Yeye aliye mtakatifu kutoka mlima Parani.

Utukufu wake ukazifunika mbingu, *
Nayo dunia ikajaa sifa yake.

Mwangaza wake ulikuwa kama nuru; /
Alikuwa na mishale ya nuru ubavuni pake; *
Ndipo ulipofichwa uweza wake.

Ukatokea kwa ajili ya wokovu wa watu wako. *
Kwa ajili ya wokovu wa masihi wako;

Ukaikanyaga bahari kwa farasi zako, *
Chungu ya maji yenye nguvu.

Nikasikia, na tumbo langu likatetemeka, *
Midomo yangu ikatikisika kwa sauti ile;

Ubovu ukaingia mifupani mwangu, *
Nikatetemeka katika mahali pangu;

Ili nipate kuingoja ile siku ya dhiki, *
Kundi lao washambuliao wakweapo juu ya watu.

Maana mtini hautachanua maua, *
Wala mizabibuni hamtakuwa na matunda;

Taabu ya mzeituni itakuwa bure, *
Na mashamba hayatatoa chakula;

Zizini hamtakuwa na kundi, *
Wala vibandani hamtakuwa na kundi la ng'ombe.

Walakini nitamfurahia BWANA, *
Nitamshangilia Mungu wa wokovu wangu.

BWANA ni nguvu zangu, /
Yeye huifanya miguu yangu kuwa kama ya kulungu, *

Naye ataniendesha katika mahali pangu palipoinuka.

Ant. ya Kawaida:

Hata ukikasirika, Bwana, uwe na huruma.

Ant. ya Kipindi cha Pasaka:

Bwana, ulikuja na nguvu kuwaokoa watu wako; ulikuja na Kristo wako, aleluya.

ANT. II

Ant. ya Kawaida:

Msifuni Bwana, enyi watu wa Yerusalemu.

Ant. ya Kipindi cha Pasaka:

Sion, msifu Mungu wako, kwani ameleta amani katika nchi yako, aleluya.

Zab 147:12-20

Ni vizuri kumsifu Mungu

*Njoo! Mimi mtakuonyesha bibi arusi,
mkewe Mwana-kondoo! (Ufu 21:9)*

Ee Yerusalemu, umsifu Mungu! *

Umsifu Mungu wako, ee Sion!

Maana ameiimarisha milango yako, *
amewabariki watu waliomo kwako.

Ameweka amani mipakani mwako; *
anakushibisha kwa ngano safi kabisa.

Yeye hupeleka amri yake duniani, *
na neno lake hutekelezwa upesi.

Hutandaza theluji kama pamba, *
hutawanya umande kama majivu.

Huleta mvua ya mawe /

— vipande vikubwa vikubwa kama mkate — *
na kwa ubaridi wake maji huganda.

Kisha hutoa amri, na maji hayo huyeyuka; *
huvumisha upepo wake, nayo hutiririka.

Humjulisha Yakobo ujumbe wake, *
na Israeli amri na maagizo yake.

Lakini watu wengine hakuwafanyia hayo; *
watu wengine hawayajui maagizo yake.

Ant. ya Kawaida:

Msifuni Bwana, enyi watu wa Yerusalemu.

Ant. ya Kipindi cha Pasaka:

Sion, msifu Mungu wako, kwani ameleta amani katika nchi yako, aleluya.

SOMO la Kawaida

Ef. 2:13-16

Kwa kuungana na Kristo Yesu, ninyi ambao hapo awali, mlikuwa mbali, mmekaribishwa kwa njia ya damu yake Kristo. Maana Kristo mwenyewe ametuletea amani kwa kuwafanya Wayahudi na watu wa mataifa mengine kuwa jamii moja. Kwa mwili wake yeye mwenyewe aliubomoa ule ukuta uliowatenganisha na kuwafanya maadui. Aliiondoa ile Sheria ya Wayahudi pamoja na amri zake na kanuni zake, ili kutokana na jamii hizo mbili aumbe jamii moja mpya katika umoja naye, na hivyo kuleta amani. Kwa mwili wake, Kristo aliuangamiza uadui wao; kwa msalaba wake aliziunganisha jamii hizo kuwa moja, na kuzipatanisha na Mungu.

KIITIKIZANO

K. Namwita Bwana, aliye Mkuu kabisa, maana amenisaidia. (*W. warudie*)

K. Na anijie kutoka mbinguni na kuniokoa.

W. Maana amenisaidia.

K. Atukuzwe Baba na Mwana na Roho Mtakatifu.

W. Namwita ...

Ant. ya Wimbo wa Zakaria:

Kwa njia ya rehema za Mungu wetu, Jua Lichomozalo limetujia.

MAOMBI

Baba, tunakushukuru kwa sababu ya Mwanao, Bwana wetu Yesu Kristo, ambaye kwa njia ya Roho Mtakatifu alijitoa kwako awe sadaka, ili sisi tupate kuokolewa na mauti ya dhambi, na tuwe huru waishi katika amani yako.

W. Baba, amani yetu hupatikana katika kutimiza mapenzi yako.

Tunaipokea siku hii mpya, ambayo ni zawadi yako kwetu;

— Bwana, tujalie tuweze kuishi katika upya wa maisha. (*W.*)

Uliviumba na unavidumisha vitu vyote;

— tujalie tuweze kutambua jinsi unavyofanya kazi ndani ya vitu hivyo. (W.)
Mwanao alifanya na kuthibitisha kwa damu yake agano jipya na la milele;

— tusaide tuweze kuliheshimu na kuishi kadiri ya agano hilo. (W.)

Yesu alipokufa msalabani, damu na maji vilitoka ubavuni mwake;

— tunaposhiriki Ekaristi Takatifu, tujalie Roho wako Mtakatifu. (W.)

Baba Yetu

SALA

Mungu Mwenyezi, kama vile tunavyokutolea sifa katika sala yetu hii ya asubuhi, utujalie ili, katika ufalme wako, pamoja na watakatifu wako, tuweze kukusifu kwa furaha kubwa zaidi. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMA 2: JUMAMOSI

MASIFU YA ASUBUHI

UTENZI wa Kawaida

Imbeni, enyi viumbe vyote,
Muimbieni Mungu kwa shangwe!
Kwa furaha mtumikieni,
Mkiimba za ibada tenzi!
Huku mkiimba sifa zake,
Njooni! Njooni mbele zake!
Msifuni Mwenyezi!

Jueni ya kwamba Mungu wetu
Ni Bwana wa zote nyakati!
Yeye ndiye mwumba wetu sisi;
Sisi sote tu viumbe vyake!
Tu watu aliotuumba,
Tu kondoo anaotulisha!
Msifuni Mwenyezi!

Wa fadhili ni mwingi kabisa,
Tumwabuduye wetu Bwana;
Ni wa kudumu wake wema,
Upendo wake mwisho hauna!
Neno lake Yeye ni amini,
La milele, halibadiliki!
Msifuni Mwenyezi!

ANT. I

Ant. ya Kawaida:

Ee Bwana, tunatangaza rehema zako asubuhi, na uaminifu wako wakati wa usiku.

Ant ya Kipindi cha Pasaka:

Umenifurahisha, Ee Bwana; kwa kazi ya mikono yako nitashangilia, aleluya.

Zab. 92

Wimbo wa kumsifu Mungu

*Matendo ya Mwana wa pekee wa Mungu
yanasifiwa (Mt. Athanasius)*

Ni vema kukushukuru, Ee Mungu, *
kuimba kwa heshima yako, Ee Mungu Mkuu.

Ni vema kutangaza upendo wako mkuu asubuhi, *
na uaminifu wako kila usiku,

kwa muziki wa zeze na kinanda, *
kwa sauti tamu ya kinubi.

Ee Mungu, matendo yako makuu yanifurahisha; *
nitashangilia kwa sababu ya mambo yote uliyotenda.

Matendo yako, Ee Mungu, ni makuu mno! *
Mawazo yako ni mazito mno!

Mtu mpumbavu hawezi kufahamu, *
wala mjinga hajui jambo hili:

kwamba waovu waweza kusitawi kama nyasi; *
watenda maovu waweza kupata fanaka,

lakini mwisho wao wote ni kuangamia milele; *
maana wewe, Ee Mungu, ni mkuu milele.

Maana tazama, Ee Mungu, /
adui zako hakika wataangamia; *
wote watendao maovu, watatawanyika!

Wewe umenipa nguvu kama nyati; *
umenimiminia mafuta ya furaha.

Kwa macho nimeona adui zangu wameshindwa; *
nimesikia kilio chao watendao maovu.

Waadilifu husitawi kama mtende; *
hukua kama mwerezi wa Lebanon!

Kama mti uliopandwa katika nyumba ya Mungu, *
wanasitaWi katika nyua za Mungu wetu.

Ingawa wamezeeka, wataendelea kuwa na nguvu: *
wapate kuutangaza uadilifu wa Mungu,
na kwamba hamna uovu wowote, *
kwake yeye aliye ngome yangu.

Ant. ya Kawaida:

Ee Bwana, tunatangaza rehema zako asubuhi, na uaminifu wako wakati wa usiku.

Ant ya Kipindi cha Pasaka:

Umenifurahisha, Ee Bwana; kwa kazi ya mikono yako nitashangilia, aleluya.

ANT. II

Ant. ya Kawaida:

Utangazeni ukuu wa Mungu wetu.

Ant. ya Kipindi cha Pasaka:

Mimi ndiye nitoaye mauti na uzima; ndimi pia ninayejeruhi na kuponya, aleluya.

WIMBO: Kum. 32:1-12

Fadhili alizowatendea Mungu watu wake

Mara ngapi nimejaribu kuwakusanya kwangu watoto wako, kama vile kuku anavyokusanya vifaranga vyake chini ya mabawa yake (Mt. 23:37)

Sikilizeni enyi mbingu, nami nitanena; *
Na nchi isikie maneno ya kinywa changu.

Mafundisho vyangu yataadondoka kama mvua, *
Maneno yangu yatatona-tona kama umande,
Kama manyunyu juu ya majani mabichi; *
Kana matone va mvua juu ya mimea.

Maana nitalitangaza Jina la BWANA; *
Mpeni ukuu Mungu wetu.

Yeve Mwamba, kazi yake ni kamilifu; *
Maana, njia zake zote ni haki.

Mungu wa uaminifu, asiye na uovu, *
Yeve ndiye mwenye haki na adili.

Wametenda mambo ya uharibifu, /
Hawawi watoto wake, hii ndiyo ila yao; *
Wao ni kizazi chenye ukaidi, kilichopotoka.

Je! mnamlipa BWANA hivi, *
Enyi watu wapumbavu na wajinga?
Je! yeye siye baba yako aliyekununua? *
Amekufanya, na kukuweka imara.

Kumbuka siku za kale, *
Tafakari miaka ya vizazi vingi;

Mwulize baba yako, naye atakuonyesha; *
Wazee wako, nao watakuambia.

Yeye Aliye Juu alipowapa mataifa urithi wao, *
Alipowabagua wanadamu,

Aliweka mipaka ya watu *
Kwa kadiri ya hesabu ya wana wa Israeli.

Maana, sehemu ya BWANA ni watu wake, *
Yakobo ni kura ya urithi wake.

Alimkuta katika nchi ya ukame, *
Na katika jangwa tupu litishalo;
Alimzunguka, akamtunza; *
Akamhifadhi kama mboni ya jicho;

Mfano wa tai ataharikishaye kiota chake; *
Na kupapatika juu ya makinda yake,
Alikunjua mbawa zake, akawatwaa, *
Akawachukua juu ya mbawa zake;
BWANA peke yake alimwongoza, *
Wala hapakuwa na mungu mgeni pamoja naye.

Ant. ya Kawaida:

Utangazeni ukuu wa Mungu wetu.

Ant. ya Kipindi cha Pasaka:

Mimi ndiye nitoaye mauti na uzima; ndimi pia ninayejeruhi na kuponya, aleluya.

ANT. III

Ant. ya Kawaida:

Bwana, jinsi lilivyo tukufu jina lako duniani kote!

Ant. ya Kipindi cha Pasaka:

Bwana, umemvika taji ya utukufu na heshima Masiha wako, aleluya.

Zab. 8

*Utukufu wa Mungu na cheo cha binadamu
Mungu ameweka vitu vyote chini ya miguu yake, akamkabidhi
kwa Kanisa, akiwa ndio mkuu wa vitu vyote (Ef. 1:22)*

Ee Mwenyezi, Bwana wetu, /
jina lako latukuka kote duniani!
Utukufu wako wafika hata mbinguni;
Wasifika fa vinywa vya watoto wadogo na wachanga /
Wewe uko imara mbele ya wapinzani wako; *
wawakomesha maadui na waasi.

Nikiangalia anga, /
kazi ya vidole vyako mwenyewe, *
mwezi na nyota ulivyoviumba:

mtu ni nini, Ee Mungu, hata umfikirie? *
Mwanadamu ni nini hata umjali?

Hata hivyo, ulimfanya mdogo kidogo tu, /
kuliko Wewe mwenyewe, *
na umemvika taji ya utukufu na heshima.

Ulimpa mamlaka juu ya kazi zako zote; *
uliviweka viumbe vyote chini ya miguu yake:

kondoo, ng'ombe na wanyama wa porini; *
ndege, samaki na viumbe vyote vya baharini.

Ee Mwenyezi, Bwana wetu: *
Jina lako latukuka duniani kote!

Ant. ya Kawaida:

Bwana, jinsi lilivyo tukufu jina lako duniani kote!

Ant. ya Kipindi cha Pasaka:

Bwana, umemvika taji ya utukufu na heshima Masiha wako, aleluya.

SOMO la Kawaida

Rom. 12:14-16a

Watakieni baraka wote wanaowadhulumu ninyi; naam, watakieni baraka na wala msiwalaani. Furahini pamoja na wenye kufurahi, lieni pamoja na wenye kulia. Muwe na wema ule ule, kwa kila mtu. Msijitakie makuu, bali jishughulisheni na watu wadogo.

KIITIKIZANO

K. Midomo yangu itafurahi nitakapokuimbia. (*W. warudie*)

K. Ulimi wangu utasimulia haki yako.

W. Nitakapokuimbia.

K. Atukuzwe Baba na Mwana na Roho Mtakatifu.

W. Midomo ...

Ant. ya Wimbo wa Zakaria:

Bwana, iongoze miguu yetu katika njia ya amani.

MAOMBI

Mungu Baba ametufanya tuwe ndugu za Mwanee wa pekee, na kwa wakati wote amekaa nasi na kututunza katika mapendo yake. Tumwombe atujalie mahitaji yetu.

W. Bwana, utusaidie katika shughuli zetu.

Tunawaombea wote wanaoshughulika na mipango na ujenzi, katika miji na vijiji vyetu:

— wajalie wazingatie yote yanayothaminiwa na jumuiya. (W.)

Washushie Roho wako wanasanaa, mafundi na wanamuziki:

— kazi zao zilete mabadiliko, furaha na mwamko mpya katika maisha yetu. (W.)

Uwe nasi kama msingi katika yote tunayojenga;

— maana bila Wewe hatuwezi kufanya cho chote vizuri. (W.)

Umetuumba upya katika ufufuko wa Mwanao:

— utupe nguvu ya kuanzisha maisha mapya, na kujenga ulimwengu mpya. (W.)

Baba Yetu

SALA

Ee Bwana, tunakushukuru kwa mawazo, maneno na matendo: na kwa kuwa uzima wetu ni kipawa chako, twakuomba sisi wenyewe pamoja na vyote tulivyo navyo, tuwe mali yako. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMA III

JUMAPILI – JUMA III

MASIFU YA ASUBUHI

UTENZI wa Kawaida— AU:

Mungu usiye mipaka
Ndanimo Wewe twaishi,
E Ufufuo na Mwanga,
Utenzi wa asubuhi
Wewe tunakuambia,
Unyamavu wa usiku
Sasa tunaumaliza.

Jogoo yule wa kwanza
Anapoanza kuwika,
Na vyote viamkapo
kutoka usingizini,
Ndipo huchipua upya
Uzima na tumaini,
Na rangi huonekana.

Mwumba wa vyote vilivyo,
Kipimo cha vitu vyote
Na mwisho wa vyote hivyo,
E Mungu msamehevu
Sahau makosa yetu,
Na sikia zetu sala
Kabla hatujakuomba.

Sifa iwe kwako Baba,
Mwana, Roho Mtakatifu,

E Utatu Mtakatifu
Chemchemi ya neema,
Unayetuita sisi
‘Toka utovu wa yote,
Tuje kwako tutulie.

AU:

Kristo ni Mwokozi wa dunia,
Awapendaye walio safi,
Kisima cha hekima ya mbingu,
Thibitisho la imani yetu
Hifadhi ya tumaini letu,
Silaha za askari wake,
Bwana wa dunia na mbingu,
Afya yetu tunapoishi,
Uzima wetu tunapokufa.

Chini katika kiza kinene,
Alilala kafungwa mfungwa,
Ilipowadia yake saa,
Alifufuka taji kavaa.
Na sasa, mbinguni kisha paa,
Kiti cha enzi amekalia,
Ambacho kamwe hakukiacha,
Hicho ni mali ya Baba yake,
Hicho ni mali yake mwenyewe.

Utukufu wote kwake Baba,
Ambaye peke Hakuzaliwa,
Heshima yote iwe kwa Yesu,
Pekee alive Mwana wake,
Pia kwa Roho Mtakatifu,
Utatu ulo Mkamilifu.
Vitu vyote haya na vijibu,
Haya jibuni binadamu:
Amin - iwe hivyo – Amina.

ANT. I

Ant. ya Kawaida:

Bwana aliye juu, ndiye mwenye ukuu.

Ant. ya Majilio:

Bwana atakuja bila kukawia. Atayafichua yale yanayofichwa na giza, na atajijulisha kwa mataifa yote, aleluya.

Ant. ya Kwaresima:

Maagizo yako ni ya kutumainiwa. Ni ya ajabu zaidi kuliko mawimbi ya bahari yaumukapo.

Ant. ya Kipindi cha Pasaka:

Bwana ni mfalme, amefunikwa enzi, aleluya.

Zab. 93

Mungu mfalme

*Bwana, Mungu wetu Mwenyezi, ni Mfalme! Tufurahi
na kushangilia; tumtukuze (Ufu. 19:6-7)*

Mungu anatawala, amejivika fahari! /

Mungu amevaa fahari na nguvu! *

Ameuimarisha ulimwengu, hautatikisika kamwe.

Kiti cha enzi ni imara tangu awali; *

wewe umekuwapo kabla ya kuwako nyakati.

Ee Mungu, vilima vyapaaza sauti zao; *

naam, vyapaaza sauti na mvumo wao.

Mungu ana enzi kuu juu mbinguni, /

ana nguvu kuliko mlilo wa bahari, *

ana nguvu kuliko mawimbi ya maji.

Ee Mungu, maagizo yako ni thabiti; *

nyumba yako ni takatifu milele na milele.

Ant. ya Kawaida:

Bwana aliye juu, ndiye mwenye ukuu.

Ant. ya Majilio:

Bwana atakuja bila kukawia. Atayafichua yale yanayofichwa na giza, na atajijulisha kwa mataifa yote, aleluya.

Ant. ya Kwaresima:

Maagizo yako ni ya kutumainiwa. Ni ya ajabu zaidi kuliko mawimbi ya bahari yaumukapo.

Ant. ya Kipindi cha Pasaka:

Bwana ni mfalme, amefunikwa enzi, aleluya.

ANT. II

Ant. ya Kawaida:

Usifiwe, Bwana, na utukuzwe milele, aleluya.

Ant. ya Majilio:

Kila kilima kitasawazishwa, mabonde yatafukiwa, na milima itafanywa uwanda. Njoo, Bwana, wala usikawie, aleluya.

Ant. ya Kwaresima:

Enyi chemchemi za maji, msifuni Bwana: mpeni utukufu na sifa milele.

Ant. ya Kipindi cha Pasaka:

Viumbe vyote vitafanywa huru, na vitafurahia utukufu na uhuru wa watoto wa Mungu, aleluya.

WIMBO: Dan. 3:57-88,56

Kila kiumbe kimsifu Bwana

Msifuni Mungu, enyi watumishi wake wote (Ufu. 19:5)

Enyi viumbe vyote vya Bwana, mhimidini Bwana: *

Msifuni na kumwadhimisha milele.

Malaika za Bwana, mhimidini Bwana; *

Enyi mbingu, mhimidini Bwana.

Maji yote yaliyo juu angani, mhimidini Bwana; *

Mawezo yote ya Bwana, mhimidini Bwana.

Jua na mwezi, mhimidini Bwana; *

Nyota za mbinguni, mhimidini Bwana.

Manyunyu yote na ukungu, mhimidini Bwana; *

Pepo zote, mhimidini Bwana.

Moto na hari, mhimidini Bwana; *

Kipupwe na musimu, mhimidini Bwana.

Umande na sakitu, mhimidini Bwana; *
Jalidi na baridi, mhimidini Bwana.

Barafu na theluji, mhimidini Bwana; *
Usiku na mchana, mhimidini Bwana.

Dunia na imhimidi Bwana; *
imsifu na kumwadhimisha milele.

Milima na vilima, mhimidini Bwana; *
Mimea yote ya nchi, mhimidini Bwana.

Chemchemi, mhimidini Bwana: *
Bahari na mito, mhimidini Bwana.

Nyangumi na vyote viendavyo majini, mhimidini Bwana: *
Ndege zote za angani, mhimidini Bwana.

Hayawani na wanyama wafugwao, mhimidini Bwana: *
Msituni na kumwadhimisha milele.

Wanadamu, mhimidini Bwana; *
Bani Israeli, mhimidini Bwana.

Makuhani wa Bwana, mhimidini Bwana; *
Watumishi wa Bwana, mhimidini Bwana.

Roho na nafsi zao wenye haki, mhimidini Bwana; *
Watakatifu na wanyenyekevu moyoni, mhimidini Bwana.

Enyi Anania, Azaria, na Misaeli, mhimidini Bwana; *
Msifuni na kumwadhimisha milele.

Tumtukuze Baba, Mwana, na Roho Mtakatifu; *
Wastahili kusifiwa na kutukuzwa milele.

Umehimidiwa katika anga la mbinguni, *
Wastahili kusifiwa na kutukuzwa milele.

AV: Atukuzwe Baba haisemwi mwisho wa Wimbo huu.

Ant. ya Kawaida:

Usifiwe, Bwana, na utukuzwe milele, aleluya.

Ant. ya Majilio:

Kila kilima kitasawazishwa, mabonde yatafukiwa, na milima itafanywa

uwanda. Njoo, Bwana, wala usikawie, aleluya.

Ant. ya Kwaresima:

Enyi chemchemi za maji, msifuni Bwana: mpeni utukufu na sifa milele.

Ant. ya Kipindi cha Pasaka:

Viumbe vyote vitafanywa huru, na vitafurahia utukufu na uhuru wa watoto wa Mungu, aleluya.

ANT. III

Ant. ya Kawaida:

Enyi mlio mbinguni, msifuni Bwana, aleluya.

Ant. ya Majilio:

Nitaikomboa Sion, nitaleta utukufu wangu Yerusalemu, aleluya.

Ant. ya Kwaresima:

Enyi wafalme wa dunia, na watu wote, msifuni Mungu.

Ant. ya Kipindi cha Pasaka:

Jina la Bwana lasifiwa, mbinguni na duniani, aleluya.

Zab. 148

Ulimwengu wote umsifu Mungu

*Kwake yeye aketiye katika kiti cha enzi, na kwa Mwana-kondoo,
iwe sifa na heshima na utukufu na enzi milele (Ufu. 5:13)*

Msifuni Mungu kutoka mbinguni, *
msifuni enyi mnaoishi huko juu.

Msifuni enyi malaika wake wote, *
msifuni enyi jeshi lote la mbinguni.

Msifuni enyi jua na mwezi, *
msifuni enyi nyota zote zing'aazo.

Msifuni enyi mbingu za juu, *
na maji yaliyo juu ya mbingu.

Lazima kulisifu jina la Mungu, *
maana yeye aliamuru, na vyote vikawa.

Yeye aliviweka mahali pao daima; *
amri yake yadumu milele.

Msifuni Mungu kutoka duniani; *
vilindi vya bahari na majoka yake, msifuni.

Msifuni enyi moto, mvua ya mawe na theluji, *
upepo wa tufani unaotimiza amri yake.

Msifuni enyi milima na vilima, *
miti ya matunda na misitu!

Msifuni enyi wanyama wa porini na wafugwao, *
wanyama watambaa na ndege wote!

Msifuni enyi wafalme wote na mataifa *
viongozi na watawala wote duniani!

Msifuni enyi wavulana na wasichana, *
wazee wote pamoja na watoto pia!

Nyote lisifuni jina la Mungu, /
maana jina lake peke yake latukuka; *
utukufu wake wapita dunia na mbingu.

Taifa la Israeli liko karibu naye; /
yeye amelikuza na kulipatia nguvu, *
hivyo watu wake wote waaminifu wanamsifu.

Ant. ya Kawaida:

Enyi mlio mbinguni, msifuni Bwana, aleluya.

Ant. ya Majilio:

Nitaikomboa Sion, nitaleta utukufu wangu Yerusalemu, aleluya.

Ant. ya Kwaresima:

Enyi wafalme wa dunia, na watu wote, msifuni Mungu.

Ant. ya Kipindi cha Pasaka:

Jina la Bwana lasifiwa, mbinguni na duniani, aleluya.

SOMO la Kawaida

Eze. 37:12b-14

Tazama, nitafunua makaburi yenu, na kuwapandisha kutoka katika makaburi yenu, enyi watu wangu, nami nitawaingizeni katika nchi ya Israeli. Nanyi mtajua ya kuwa mimi ndimi BWANA, nitakapoyafunua

makaburi yenu, na kuwatoa ninyi katika makaburi yenu enyi watu wangu. Nami nitatia roho yangu ndani yenu, nanyi mtaishi, nami nitawawekeneni katika nchi yenu, nanyi mtajua ya kuwa mimi, BWANA, nimesema hayo, na kuyatimiza, asema BWANA.

KIITIKIZANO

K. Wewe ndiwe Kristo, Mwana wa Mungu aliye hai, utuhurumie. (*W. warudie*)

K. Uketiye kuume kwa Baba.

W. Utuhurumie.

K. Atukuzwe Baba na Mwana na Roho Mtakatitu.

W. Wewe ...

Ant. ya Wimbo wa Zakaria, taz. Kipindi ha Mwaka, au Jumapili za Mwaka, uk. 195 nk.

MAOMBI

Tumwombe Baba; aliyemleta Roho Mtakatifu aangaze mioyo ya watu wote.

W. Bwana, tulettee mwanga wa Roho wako.

Ewe Mtukufu, asili ya mwanga:

— ulimwengu wote unakusifu. (*W.*)

Kwa ufufuko wa Mwanao, dunia imejazwa mwanga wako:

— mwanga huo uliangaze Kanisa, kwa njia ya karama ya Roho wako. (*W.*)

Kwa nguvu ya Roho wako Mtakatifu, wafuasi waliyakumbuka yote waliyofundishwa na Yesu:

— ulishushie Kanisa Roho huyo, ili liwe aminifu kwako. (*W.*)

Mwanga wa Mataifa yote, uwatazame wale wanaoishi katika giza:

— ifungue mioyo yao, ili wakupokee wewe uliye Mungu wa kweli. (*W.*)

Baba Yetu

SALA, taz. Kipindi cha Mwaka, au Jumapili za Mwaka, uk. 195 nk.

JUMA 3: JUMATATU

MASIFU YA ASUBUHI

UTENZI wa Kawaida

Siku hujaa wangavu
Mungu aletapo mwanga
Kutoka nuru angavu,
Na ndipo viumbe vyote
Vilivyofanyika upya
Hufurahi mbele yake.

Yeye Baba huonyesha
Ajabu za ulimwengu
Kwa sisi watoto wake,
Ajabu zionyes hazo,
Kama bendera angani,
Nguvuze na utukufu.

Asubuhi na mapema
Sisi na kila kiumbe
Ambacho kina uhai
Mungu tunamwelekea,
Ambaye ni Baba yetu,
Na kumuomba kwa moyo:

Ewe Baba, Ewe Mwana,
Nawe Roho, tunaomba
Neema na msamaha,
Ili tuishi vizuri
Tukusifu wewe Mungu
Leo na mpaka mwisho.

ANT. I

Ant. ya Kawaida:

Wana heri wakao nyumbani mwako, Bwana,

Ant. ya Desemba 17-23:

Tazama, Bwana, mtawala wa wafalme wa dunia, atakuja. Heri yao walio

tayari kumlaki.

Ant. ya Kipindi cha Pasaka;

Moyo wangu na roho yangu, humfurahia Mungu aliye hai, aleluya.

Zab. 84

Hamu ya kuwapo nyumbani mwa Mungu

Hatuna mji wa kudumu; lakini tunautafutaule unaokuja (Ebr. 13:14)

Napenda mno makao yako, *

Ee Mungu mwenye nguvu!

Natamani kuwa Hekaluni mwa Mungu. /

Kwa moyo na mwili wangu wote, *

namshangilia Mungu aliye hai.

Hata shomoro wamepata makao kwako; /

mbayuwayu wamejenga viota kwako, *

na kuweka makinda yao madhabahuni pako.

Ewe Mungu mwenye nguvu, *

Mfalme wangu na Mungu wangu!

Wana heri wakaa nyumbani mwako, *

ambamo waweza kukusifu daima.

Wana heri wanaopata nguvu kwako, *

wanaotamani kwenda kuhiji Mlima Sion.

Wapitapo katika bonde kavu, /

hulifanya kuwa chemchemi, *

na mvua za kwanza hulijaza madimbwi.

Wanaendelea kupata nguvu waendapo; *

watamwona Mungu wa miungu katika Sion.

Ee Mungu mwenye nguvu, sikia sala yangu. *

Unisikilize, Ee Mungu wa Yakobo.

Umwangalie kwa wema, Ee Mungu wetu, *

umwangalie mfalme uliyemteua,

Siku moja Hekaluni mwako, *

ni bora kuliko siku elfu mahali pengine;

hata kusimama mlangoni pa nyumba yako, *
kuliko kukaa kwa watu waovu.

Mungu ni mlinzi wetu na mfalme mtukufu; *
hutuneemesha na kutujalia fahari.

Mungu hawanyimi chochote chema, *
wale ambao wanaishi bila hatia.

Ee Mungu mwenye nguvu, *
heri wale wanaokutumainia wewe!

Ant. ya Kawaida:

Wana heri wakaa nyumbani mwako, Bwana,

Ant. ya Desemba 17-23:

Tazama, Bwana, mtawala wa wafalme wa dunia, atakuja. Heri yao walio tayari kumlaki.

Ant. ya Kipindi cha Pasaka:

Moyo wangu na roho yangu, humfurahia Mungu aliye hai, aleluya.

ANT. II

Ant. ya Kawaida:

Njooni, twende juu mlimani kwa Bwana.

Ant. ya Desemba 17-23:

Mwimbieni Bwana wimbo mpya; msifuni ulimwenguni kote.

Ant. ya Kipindi cha Pasaka:

Hekalu la Bwana ni kuu; watu watamwabudu humo, aleluya.

**WIMBO: Isa. 2:2-5 Mlima wa nyumba ya Bwana utainuliwa juu ya vilima
Mataifa yote yatakujia na kukuabudu (Ufu. 15:4)**

Na itakuwa katika siku za mwisho, /
mlima wa nyumba ya BWANA *
utawekwa imara juu ya milima,
nao utainuliwa juu ya vilima; /
na mataifa yote *
watauendea makundi makundi:

Na mataifa mengi watakwenda na kusema, /
Njoni, twende juu mlimani kwa BWANA, *
nyumbani kwa Mungu wa Yakobo,

naye atatufundisha njia zake, *
nasi tutakwenda katika mapito yake;

maana katika Sion itatoka sheria, *
na neno la BWANA katika Yerusalemu.

Naye atafanya hukumu katika mataifa mengi, *
atawakemea watu wa kabila nyingi;

nao watafua panga zao ziwe majembe, *
na mikuki yao iwe miundu;

taifa halitainua upanga juu ya taifa lingine, *
wala hawatajifunza vita tena kamwe.

Enyi wa nyumba ya Israeli, njoni, *
twende katika nuru ya BWANA.

Ant. ya Kawaida:

Njooni, twende juu mlimani kwa Bwana.

Ant. ya Desemba 17-23:

Mwimbieni Bwana wimbo mpya; msifuni ulimwenguni kote.

Ant. ya Kipindi cha Pasaka:

Hekalu la Bwana ni kuu; watu watamwabudu humo, aleluya.

ANT. III

Ant. ya Kawaida:

Mwimbieni Bwana, litukuzeni jina lake.

Ant. ya Desemba 17-23:

Je, Mwana wa Mtu ajapo, ataikuta imani yo yote duniani?

Ant. ya Kipindi cha Pasaka:

Yatangazieni mataifa: 'Mungu ni mfalme,' aleluya.

Zab. 96

Mungu mfalme na hakimu

*Walikuwa wanaimba wimbo mpya mbele ya kiti cha enzi,
na mbele ya Mwana-Kondoo (Rej. Ufu. 14:3)*

Mwimbieni Mungu, wimbo mpya! *
Mwimbieni Mungu, ulimwengu wote!

Mwimbieni Mungu na kulisifu jina lake. /
Tangazeni kila siku habari njema *
kwamba ametuokoa.

Yatangazieni mataifa utukufu wake, *
na matendo yake makuu kwa watu wote.

Maana Mungu ni mkuu, anasifika sana; *
astahili kuheshimiwa zaidi kuliko miungu yote.

Miungu ya mataifa mengine si kitu; *
lakini Mungu aliziumba mbingu.

Utukufu na fahari vyamzunguka; *
enzi na uzuri vyalijaza Hekalu lake.

Mpeni Mungu heshima, enyi jamii zote za watu; *
sifuni utukufu na enzi yake.

Lisifuni jina tukufu la Mungu; *
leteni sadaka na kuingia Hekaluni mwake.

Mwabuduni Mungu anapotokea, *
tetemeka mbele yake, ee dunia nzima.

Yaambieni mataifa: “Mwenyezi ni mfalme! /
Ameufanya ulimwengu imara, hautatikisika, *
Atawahukumu watu kwa haki.”

Furahini, enyi mbingu na dunia! *
Bahari na ivume pamoja na vyote vilivyomo!

Furahini, enyi mashamba na vyote vilivyomo! *
Ndipo miti yote misituni itaimba kwa furaha,

Mungu atakapotokea kutawala dunia. *
Naam, atawatawala watu kwa haki na usawa.

Ant. ya Kawaida:

Mwimbieni Bwana, litukuzeni jina lake.

Ant. ya Desemba 17-23:

Je, Mwana wa Mtu ajapo, ataikuta imani yo yote duniani?

Ant. ya Kipindi cha Pasaka:

Yatangazieni mataifa: 'Mungu ni mfalme,' aleluya.

SOMO la Kawaida

Yak. 2:12-13

Semeni na kutenda kama watu watakaohukumiwa kwa sheria iletayo uhuru. Maana, Mungu hatakuwa na huruma kwa mtu asiyekuwa na huruma. Lakini huruma hushinda hukumu.

KIITIKIZANO

K. Atukuzwe Bwana, karne hata karne. (*W. warudie*)

K. Yeye pekee ametenda maajabu.

W. Karne hata karne.

K. Atukuzwe Baba na Mwana na Roho Mtakatifu.

W. Atukuzwe Bwana ...

Ant. ya Wimbo wa Zakaria:

Atukuzwe Bwana, Mungu wetu.

MAOMBI

Mungu ametuonyesha heshima ya kufanya kazi, kwa maisha ya Mwanee aliyejifanya mtu; tuombe:

W. Bwana, uzibariki kazi zetu.

Tunakutukuza, Bwana, kwa kutuwezesha kuamka salama;

— tunakushukuru kwa kutulinda na kutujalia mahitaji yetu. (*W.*)

Uwe nasi, Bwana, tunapofanya kazi zetu za kila siku;

— na utujalie tukumbuke kwamba tunakaa na kufanya kazi katika ulimwengu wako. (*W.*)

Umetuita tukutumikie ipasavyo katika ulimwengu huu;

— utusaidie kujenga jumuiya ya haki na ya Kikristo. (*W.*)

Ukae nasi, na uwe na kila mmoja tutakayekutana naye leo;

— utujalie tuweze kueneza furaha na amani yako duniani. (*W.*)

Baba Yetu

SALA

Bwana Mungu, Mfalme wa mbingu na dunia, tawala mioyo na miili yetu leo. Ututakase na uyaongoze mawazo, maneno na matendo yetu

yafuate amri zako, ili sasa na sikuzote, neema yako ituokoe na kutufanya huru. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMANNE – JUMA III

MASIFU YA ASUBUHI

UTENZI wa Kawaida

Ee Kristo, uliye Mwanga wa mbingu
Uliye Mwanga hasa wa ulimwengu,
Unakuja katika yote nuruyo
Kukata kata wa usiku utando.

Cho chote kisicho kweli ndani yetu
Mbele ya kweli yako na kitoweke,
Kusudi wenye mioyo mitulivu
Leo na tuishi bila usumbufu.

Imani thabiti itusaidie
Na pia tumaini imara kwako;
E Mungu wa mapendo upya tutie
Pendo lako tulilofuja tutie.

Utatu Mtakatifu twakusifu
Ndani yako itakoma njaa yetu;
Utuhifadhi ndani yako milele
Katika furaha na amani tele.

ANT. I

Ant. ya Kawaida:

Bwana, uliibariki nchi yako; uliwasamehe watu wako dhambi zao,

Ant. ya Desemba 17-23:

Bwana atakuja kutoka patakatifu pake; atakuja kuwaokoa watu wake.

Ant. ya Kipindi cha Pasaka:

Utatuhuisha tena, Bwana, na watu wako watakufurahia, aleluya.

*Mkombozi wetu alipofika duniani,
Mungu aliibariki nchi yake (Origen)*

Ee Mungu, umeifadhili nchi yako; *
umemjalia Yakobo bahati njema tena.

Umewasamehe watu wako kosa lao; *
umezifuta dhambi zao zote.

Umezuia ghadhabu yako yote; *
umeacha kabisa kuwakasirikia.

Uturekebishe, Ee Mungu, mwokozi wetu; *
uiondoe chuki uliyo juu yetu.

Je, utatukasirikia hata milele? *
Je, ghadhabu yako itadumu kwa vizazi vyote?

Je, hutatujalia tena maisha mapya, *
ili watu wako wakufurahie?

Utuonyeshe, Ee Mungu, upendo wako mkuu; *
utujalie wokovu wako.

Nasikia anayosema Mungu aliye Mungu: /
anaahidi kuwapa watu wake waaminifu amani, *
ikiwa hawatarudia upumbavu wao.

Hakika yu tayari kuwaokoa wanaomheshimu, *
na utukufu wake utadumu nchini mwetu.

Upendo wake mkuu na uaminifu vitakutana; *
uadilifu na amani vitakumbatiana.

Uaminifu utachipuka katika nchi; *
uadilifu utashuka toka mbinguni.

Mungu atatuletea fanaka, *
nchi yetu itatoa mazao mengi.

Uadilifu utamtangulia Mungu, *
na kumtayarishia njia yake.

Ant. ya Kawaida:

Bwana, uliibariki nchi yako; uliwasamehe watu wako dhambi zao,

Ant. ya Desemba 17-23:

Bwana atakuja kutoka patakatifu pake; atakuja kuwaokoa watu wake.

Ant. ya Kipindi cha Pasaka:

Utatuhuisha tena, Bwana, na watu wako watakufurahia, aleluya.

ANT. II

Ant. ya Kawaida:

Roho yangu yakutamani wakati wa usiku; alfajiri nakutazamia.

Ant. ya Desemba 17-23:

Tunao mji imara, Sion. Mwokozi ataulinda kwa kuuzungushia ngome.

Fungueni milango, maana Mungu yu pamoja nasi, aleluya.

Ant. ya Kipindi cha Pasaka:

Tulimtumainia Bwana, naye akatujalia amani, aleuya.

WIMBO: Isa. 26:1-4,7-9,12

Wimbo baada ya kumshinda adui

*Kuta za mji huo zilikuwa zimejengwa juu
ya Mawe ya msingi kumi na mawili (Ufu. 21:14)*

Sisi tunao mji ulio na nguvu; *

Ataamuru wokovu kuwa kuta na maboma.

Wekeni wazi malango yake, *

Taifa lenye haki, lishikalo kweli, liingie.

Utamlinda yeye ambaye moyo wake umekutegemea *

Katika amani kamilifu, kwa kuwa anakutumaini.

Mtumainini BWANA sikuzote, *

Maana BWANA ni mwamba wa milele.

Njia yake mwenye haki ni unyofu; *

Wewe uliye mnyofu wainyosha njia ya mwenye haki.

Naam, katika njia ya hukumu zako *

Sisi tumekungoja, Ee BWANA.

Shauku ya nafsi zetu inaelekea *

Jina lako na ukumbusho wako.

Kwa nafsi yangu nimekutamani wakati wa usiku; *
Naam, kwa nafsi yangu ndani yangu nitakutafuta mapema;
Maana hukumu zako zikiwapo duniani, *
Watu wakaao duniani hujifunza haki.
BWANA, utatuamuria amani, *
Maana ni wewe pia uliyetutendea kazi zetu zote.

Ant. ya Kawaida:

Roho yangu yakutamani wakati wa usiku; alfajiri nakutazamia.

Ant. ya Desemba 17-23:

Tunao mji imara, Sion. Mwokozi ataulinda kwa kuuzungushia ngome.
Fungueni milango, maana Mungu yu pamoja nasi, aleluya.

Ant. ya Kipindi cha Pasaka:

Tulimtumainia Bwana, naye akatujalia amani, aleuya.

ANT. III

Ant. ya Kawaida:

Bwana, uso wako utuangaze.

Ant. ya Desemba 17-23:

Bwana, utujulishe njia zako; mataifa yote yaitambue nguvu yako ya kuokoa.

Ant. ya Kipindi cha Pasaka:

Nchi imetoa mazao yake; mataifa na yashangilie, aleluya.

Zab. 67

Wimbo wa shukrani

*Jueni, basi, kwamba wokovu utokao kwa
Mungu umepelekwa kwa watu wa mataifa (Mate. 28:28)*

Utuonee huruma, Ee Mungu, utubariki; *
utuelekezee uso wako kwa wema;
dunia yote itambue mwongozo wako, *
mataifa yote yajue nguvu yako ya kuokoa.
Watu wote wakutukuze, Ee Mungu; *
mataifa yote yakusifu.

Mataifa yote yafurahi na kushangilia; /
maana wawahukumu watu kwa haki, *
na kuyaongoza mataifa ya dunia.

Watu wote wakutukuze, Ee Mungu; *
mataifa yote yakusifu.

Nchi imetoa mazao yake; *
Mungu, Mungu wetu, ametubariki.

Mungu ametujalia baraka zake, *
watu wote duniani wamche.

Ant. ya Kawaida:

Bwana, uso wako utuangaze.

Ant. ya Desemba 17-23:

Bwana, utujulishe njia zako; mataifa yote yaitambue nguvu yako ya kuokoa.

Ant. ya Kipindi cha Pasaka:

Nchi imetoa mazao yake; mataifa na yashangilie, aleluya.

SOMO la Kawaida

1 Yoh. 4:14-15

Sisi tumeona na kuwaambia wengine kwamba Baba alimtuma Mwanae awe Mkombozi wa ulimwengu. Kila mtu anayekiri kwamba Yesu ni Mwana wa Mungu, Mungu anaishi katika muungano na mtu huyo, naye anaishi katika muungano na Mungu.

KIITIKIZANO

K. Mungu wangu ni msaidizi wangu; nitamtumainia yeye. (*W. warudie*)

K. Yeye ni kimbilio langu, na wokovu wangu.

W. Nitamtumainia yeye.

K. Atukuzwe Baba na Mwana na Roho Mtakatifu.

W. Mungu ...

Ant. ya Wimbo wa Zakaria:

Bwana ametupatia Mwokozi shujaa, kama alivyoahidi kwa njia ya manabii wake watakatifu.

MAOMBI

Kristo, kwa kumwaga damu yake kwa ajili yetu, alijifanyia taifa jipya la watu kutoka pande zote za dunia. Tumwombe:

W. Kristo, uwakumbuke watu wako.

Kristo, mfalme na mkombozi wetu;

— utusaidie tuweze kufahamu uwezo na upendo wako. (*W.*)

Kristo, tumaini na nguvu yetu:

— utuimarishe siku ya leo. (*W.*)

Kristo, kimbilio na nguvu yetu:

— utusaidie tuweze kupigana na udhaifu wetu. (*W.*)

Kristo, furaha na kitulizo chetu:

— uwe pamoja na maskini na walio pweke. (*W.*)

Baba Yetu

SALA

Ee Mungu Mwenyezi, dunia hii pamoja na wema na uzuri wake ni mali yako; utujalie neema ili, kwa jina lako tuanze kwa furaha siku hii, na tukaijaze matendo ya mapendo kwako na kwa jirani. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMATANO – JUMA III

MASIFU YA ASUBUHI

UTENZI wa Kawaida

Bwana Mungu, wako mwanga

Utiao nyota kiza

Vitu vyote huamsha,

Na vyote vinavyopata

Katika Wewe uzima

Utukufuo huimba.

Uwepo wako mwanana,

Ambao nguvu hutoa,

Upo mahali po pote,

Na watu waloanguka

Waweze tena nyanyuka

Kwa hizo mbawa za sala.

Wewe ndiwe Mungu Mwema
Mwenye huruma kwa vyote
Vyote ulivyoviumba;
Ulitupatia Kristo,
Ambaye kwa pendo lake
Akafa atukomboe.

Twakusifu Wewe Baba,
Pamoja na wako Mwana
Na Roho Mtakatifu,
Ambaye katika yeye
Vyote huishi, humudu,
Na kupata pumziko.

ANT. I

Ant. ya Kawaida:

Uifurahishe nafsi ya mtumishi wako, Ee Bwana, maana nafsi yangu na-
kuinulia wewe.

Ant. ya Desemba 17-23:

Bwana aliye na uwezo wote, atakuja kutoka Sion, kuwaokoa watu wake.

Ant. ya Kipindi cha Pasaka:

Mataifa yote yatakuja kukusujudia, Ee Bwana, aleluya.

Zab. 86

Kuomba msaada

Atukuzwe Mungu ... mwenye kuleta faraja yote.

Yeye hutufariji sisi katika taabu zetu zote (2 Kor. 1:3-4)

Unisikilize, Ee Mungu, unitegee sikio, *
maana mimi ni fukara na mnyonge.

Uilinde roho yangu, maana mimi ni mchaji wako; *
uniokoe mimi mtumishi wako, ninayekutegemea.

Wewe ni Mungu wangu; basi, unionee huruma. *
Mimi ninakulilia mchana kutwa.

Unifurahishe mimi mtumishi wako, Ee Mungu, *
maana sala zangu naziuelekeza kwako.

Wewe, Ee Bwana, u mwema na mwenye huruma; *
umejaa upendo mkuu kwa wote wanaokuomba.

Usikie, Ee Mungu, sala yangu; *
uangalie kilio cha ombi langu.

Siku za taabu nakuita, *
maana wewe wanisikiliza.

Ee Bwana, hakuna Mungu aliye kama wewe; *
hakuna awezaye kufanya unayofanya wewe.

Mataifa yote uliyoyaumba yatakuja na kukuabudu; *
yatatangaza ukuu wa jina lako.

Wewe ni mwenye enzi kuu, wafanya miujiza; *
wewe ndiwe Mungu peke yako.

Unifundishe, Ee Mungu, mwongozo wako, /
nami nitaufuata kwa uaminifu; *
uongoze moyo wangu nikuheshimu.

Nitakusifu, Ee Bwana, Mungu wangu, kwa moyo wote; *
nitatangaza ukuu wa jina lako hata milele.

Upendo wako ni mkuu mno! *
Umeniokoa kutoka chini kuzimu.

Ee Mungu, wenye kiburi wamenikabili; /
kundi la watu wakatili wanataka kuniua, *
watu ambao hawakujali wewe hata kidogo.

Lakini wewe Bwana, ni Mungu wa huruma na mapendo; *
wewe ni mvumilivu, mpole na mwaminifu.

Unigeukie, unihurumie; /
unijalie nguvu yako, unisalimisha, *
mimi niliye mtumishi wako kama mama yangu.

Unionyeshe ishara ya wema wako, Ee Mungu, /
ili wale wanaonichukia waaibike, *
wakiona wewe umenisaidia na kunifariji.

Ant. ya Kawaida:

Uifurahishe nafsi ya mtumishi wako, Ee Bwana, maana nafsi yangu na-
kuinulia wewe.

Ant. ya Desemba 17-23:

Bwana aliye na uwezo wote, atakuja kutoka Sion, kuwaokoa watu wake.

Ant. ya Kipindi cha Pasaka:

Mataifa yote yatakuja kukusujudia, Ee Bwana, aleluya.

ANT. II

Ant. ya Kawaida:

Ana heri mtu anayetenda haki na kusema ukweli.

Ant. ya Desemba 17-23:

Sitaacha kusema juu ya Sion, mpaka hapo Mtakatifu wake atakapong'aa
kama nuru.

Ant. ya Kipindi cha Pasaka:

Macho yetu yatamwona mfalme katika utukufu wake, aleluya.

WIMBO: Isa. 33:13-16

Mungu atatawala kwa haki

*Ahadi ile ilikuwa kwa ajili yenu, kwa ajili ya watoto wenu,
kwa ajili ya wote wanaokaa mbali, na kwa ajili ya wote
wale ambao Bwana Mungu wetu atawaita kwake (Mate. 2:39)*

Sikieni ninyi mlio mbali, niliyoyatenda; /

na ninyi mlio karibu, *

kirini uweza wangu.

Wenye dhambi walio katika Sion wanaogopa; *

tetemeko limewashika wasiomcha Mungu;

Ni nani kwetu sisi awezaye kukaa na moto ulao; *

ni nani kwetu sisi awezaye kukaa na moto uteketezao milele?

Ni yeye aendaye kwa haki, *

anenaye maneno ya adili;

ni yeye anayedharau faida *

ipatikanayo kwa dhuluma;

akung'utaye mikono yake *
asipokee rushwa;
azibaye masikio yake *
asisikie habari za damu;
afumbaye macho yake *
asitazame uovu.

Huyu ndiye atakayekaa juu; *
majabali ni ngome yake;
atapewa chakula chake; *
maji yake hayatakoma.

Ant. ya Kawaida:

Ana heri mtu anayetenda haki na kusema ukweli.

Ant. ya Desemba 17-23:

Sitaacha kusema juu ya Sion, mpaka hapo Mtakatifu wake atakapong'aa kama nuru.

Ant. ya Kipindi cha Pasaka:

Macho yetu yatamwona mfalme katika utukufu wake, aleluya.

ANT. III

Ant. ya Kawaida:

Mshangilieni Bwana, Mfalme.

Ant. ya Desemba 17-23:

Roho wa Bwana yu juu yangu, amenituma kuwatangazia maskini
Habari Njema.

Ant. ya Kipindi cha Pasaka:

Watu wote watauona wokovu wa Mungu wetu, aleluya.

Zab. 98

Mungu mtawala dunia yote

*Zaburi hii yaeleza ujio wa kwanza wa Bwana,
na imani ya mataifa yote (Mt. Athanasius)*

Mwimbieni Mungu, wimbo mpya, *
kwa maana ametenda mambo ya ajabu!

Kwa nguvu na enzi yake takatifu *
amejipatia ushindi.

Mungu ameonyesha ushindi wake; *
ameyadhihirishia mataifa uwezo wake wa kuokoa.

Ameshika ahadi aliyowapa watu wa Israeli, *
kwa upendo mkuu na uaminifu kwao.

Pande zote za dunia *
zimeuona ushindi wa Mungu wetu.

Dunia yote imshangilie Mungu; *
imsifu kwa nyimbo na vigelegele.

Msifuni Mungu kwa shangwe, *
kwa sauti za kinubi na zeze.

Mpigieni vigelegele Mungu mfalme wetu, *
mshangilieni kwa tarumbeta na sauti ya baragumu.

Bahari ivume na vyote vilivyomo; *
dunia na wote waishio ndani yake.

Enyi mito, pigeni makofi; *
enyi vilima, imbeni pamoja kwa shangwe.

Shangilieni mbele ya Mungu, *
maana anakuja kutawala dunia.

Atauhukumu ulimwengu kwa haki, *
na watu atawatawala kwa uadilifu.

Ant. ya Kawaida:

Mshangilieni Bwana, Mfalme.

Ant. ya Desemba 17-23:

Roho wa Bwana yu juu yangu, amenituma kuwatangazia maskini
Habari Njema.

Ant. ya Kipindi cha Pasaka:

Watu wote watauona wokovu wa Mungu wetu, aleluya.

Mimi nilitoka tumboni mwa mama yangu nili uchi, nami nitarudi tena huko uchi vile vile; BWANA alitoa, na BWANA ametwaa; jina la BWANA na libarikiwe. Je! tupate mema mkononi mwa Mungu, nasi tusipate na mabaya?

KIITIKIZANO

K. Uelekeze moyo wangu kwenye utashi wako, Ee Mungu. (*W. warudie*)

K. Unihuishe kwa neno lako.

W. Ee Mungu.

K. Atukuzwe Baba na Mwana na Roho Mtakatifu.

W. Uelekeze ...

Ant. ya Wimbo wa Zakaria:

Utuonyeshe huruma yako, Ee Bwana; ulikumbuke agano lako takatifu.

MAOMBI

Mungu ni upendo: anayekaa katika pendo huishi ndani ya Mungu, na Mungu huwa ndani yake. Katika Yesu Kristo twaona jinsi Mungu anavyotupenda. Na tuiamshe imani yetu katika pendo lake Kristo.

W. Bwana Yesu umetupenda, ukajitoa sadaka kwa ajili yetu.

Umetujalia uzima na mwanga asubuhi hii:

— tunakushukuru kwa mapaji hayo. (*W.*)

Wewe ndiwe peke uliye Bwana wa wakati ujao:

— utujalie tusikate tamaa, na wala tusiogope mambo yajayo. (*W.*)

Upendo haujitafutii mambo yake:

— imarisha utashi wetu, ili tuachane na ubinafsi wetu leo. (*W.*)

Uwezeshe upendo wako ulio ndani yetu kushinda uovu wote;

— tuzidishie imani, matumaini na uvumilivu. (*W.*)

Baba Yetu

SALA

Bwana Mungu, kwa hekima yako ulituumba, na kwa busara yako unatutawala: iangaze mioyo yetu kwa nuru yako takatifu, ili tukutumikie kiaminifu katika maisha yetu yote. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

ALHAMISI – JUMA III

MASIFU YA ASUBUHI

UTENZI wa Kawaida

Fahari yake ye Baba
Kristo nuru yetu,
Kwa upendo na huruma
Aja kufanya kivuko
Cha shimo kubwa ajabu,
Shimo kubwa la madhambi
Baina ya wanadamu
Na Mungu Mtakatifu.

Kristo siku ya jana,
Na leo pia Kristo,
Ana hali ile ile,
Habadiliki milele,
Mfano wa Mungu wetu,
Mungu aliyefichika;
Na 'Hekima ya Milele'
Ndilo hasa jina lake.

Neno lako hulishika
Karne hata karne,
Yupo pamoja na sisi
Hadi mwisho wa nyakati;
Mchana Yeye ni wingu,
Usiku mwali wa moto,
Hivyo hututangulia
Katika zakeye njia.

Tunakutukuza Baba,
Chanzo halisi cha mwanga,
Kadhalika na Kristo,
Yeye Mwanao mpendwa,
Akaaye ndani yetu

Pamoja na Roho wako:
Ndo Utatu wa milele
Katika Mungu Mmoja.

ANT. I

Ant. ya Kawaida:

Matukufu yasemwa juu yako, Ee Mji wa Mungu.

Ant. ya Desemba 17-23:

Natazamia msaada wako, Ee Bwana; uje uniokoe, Bwana, kwani nakimbilia kwako.

Ant. ya Kipindi cha Pasaka:

Tutacheza na kuimba; wewe ndiwe asili ya uzima wetu, na chanzo cha furaha yetu, Ee mji wa Mungu, aleluya.

Zab. 87

Sifa ya Yerusalemu

Yerusalemu ya juu mbinguni ni mji ulio huru, nao ni mama yetu (Gal. 4:26)

Mungu amejenga mji Sion, *
juu ya milima mitakatifu.

Mungu anaupenda Sion, *
kuliko makao mengine ya Yakobo.

Sikiliza, Ee mji wa Mungu, *
mambo ya fahari yasemwayo juu yako:

“Katika orodha ya wanijuao, *
Wapo watu wa Misri na Babuloni.

Watu wa Filistia, Turo na Ethiopia *
watakuwa miongoni mwao.”

Lakini juu ya Sion itasemwa kwamba /
watu wote wamezaliwa huko, *
na Mungu Mkuu ndiye aliyeuthibitisha.

Mungu atakapoorodhesha mataifa, /
ataandika juu ya kila mmoja: *
'Huyu amezaliwa mjini Sion!'

Wanaimba na kucheza ngoma: *

“Limbuko letu ni kwako Sion.”

Ant. ya Kawaida:

Matukufu yasemwa juu yako, Ee Mji wa Mungu.

Ant. ya Desemba 17-23:

Natazamia msaada wako, Ee Bwana; uje uniokoe, Bwana, kwani nakimbilia kwako.

Ant. ya Kipindi cha Pasaka:

Tutacheza na kuimba; wewe ndiwe asili ya uzima wetu, na chanzo cha furaha yetu, Ee mji wa Mungu, aleluya.

ANT. II

Ant. ya Kawaida:

Bwana anakuja akiwa na uwezo; amepata tuzo kwa ushindi wake.

Ant. ya Desemba 17-23:

Bwana, uwape wanaokungoja thawabu yao, na manabii wako waonekane wa kuaminika.

Ant. ya Kipindi cha Pasaka:

Atalilisha kundi lake kama afanyavyo mchungaji, na atawachukua wana-kondoo mikononi mwake, aleluya.

*WIMBO: Isa. 40:10-17 Mchungaji Mwema: Mungu mkuu na mwenye hekima yote
Naja upesi, pamoja na huzo (Ufu. 22:12)*

Tazameni, Bwana MUNGU atakuja kama shujaa, *

Na mkono wake ndio utakaomtawalia;

Tazameni, thawabu yake i pamoja naye, *

Naijara yake i mbele zake.

Atalilisha kundi lake kama mchungaji, *

Atawakusanya wana-kondoo mikononi mwake,

Na kuwachukua kifuani mwake, *

Nao wanyonyeshao atawaongoza polepole.

Ni nani aliyeyapima maji *

Kwa konzi ya mkono wake,

Na kuzikadiri mbingu kwa shubiri, *
Na kuyashika mavumbi ya dunia katika pishi,

Na kuipima milima kwa uzani, *
Na vilima kama kwa mizani?

Ni nani aliyemwongoza roho ya BWANA, *
Na kumfundisha kwa kuwa mshauri wake?

Alifanya shauri na nani, /
Ni nani aliyemwelimisha *
Na kumfunza njia ya hukumu,

Na kumfunza maarifa, *
Na kumwonyesha njia ya fahamu?

Tazama, mataifa ni kama tone la maji katika ndoo, *
Huhesabiwa kuwa kama mavumbi membamba katika mizani;

Tazama, yeye huvinyanyua visiwa *
Kama ni kitu kidogo sana.

Lebanoni nayo hautoshi kwa kuni, *
Wala wanyama wake hawatoshi kwa kafara.

Mataifa yote huwa kama si kitu mbele zake; /
Huhesabiwa kwake kuwa duni *
Na si kitu, na ubatili.

Ant. ya Kawaida:

Bwana anakuja akiwa na uwezo; amepata tuzo kwa ushindi wake.

Ant. ya Desemba 17-23:

Bwana, uwape wanaokungoja thawabu yao, na manabii wako
waonekane wa kuaminika.

Ant. ya Kipindi cha Pasaka:

Atalilisha kundi lake kama afanyavyo mchungaji, na atawachukua
wana-kondoo mikononi mwake, aleluya.

ANT. III

Ant. ya Kawaida:

Mtukuzeni Bwana Mungu wetu, mkasujudu mbele ya mlima wake mtakatifu.

Ant. ya Desemba 17-23:

Utuelekee, Bwana, na wala usikawie kuja kwa watumishi wako.

Ant. ya Kipindi cha Pasaka:

Bwana ni Mkuu huko Sion; ni mkuu kabisa juu ya mataifa yote, aleluya.

Zab. 99

Mungu mfalme mkuu

*Wewe u mkuu zaidi kuliko Makerubi; ulibadilisha hali ya ulimwengu,
pale ulipojichukulia hali yetu ya kibinadamu (Mt. Athanasius)*

Mungu anatawala, *
mataifa yanatetemeka!

Ameketi juu ya viumbe vyenye mabawa, *
nayo dunia inatikisika!

Mungu ni mkuu katika Sion; *
ametukuka juu ya mataifa yote.

Wote na walisifu jina lake kuu la kutisha. *
Mtakatifu ndiye yeye!

Ee Mfalme mkuu, mpenda uadilifu! /
Umethibitisha haki katika Israeli; *
umeleta uadilifu na haki.

Msifuni Mungu, Mungu wetu; /
angukeni kifudifudi mbele yake. *
Mtakatifu ndiye yeye!

Musa na Aroni walikuwa makuhani wake; /
Samweli alikuwa miongoni mwa waliomlilia; *
walimlilia Mungu, naye akawasikiliza.

Alisema nao katika mnara wa wingu; *
walizitii sheria na amri alizowapa.

Ee Mungu, Mungu wetu, wewe uliwasikiliza; /
uliwaonyesha kuwa wewe ni Mungu anayesamehe, *
ingawa uliwaadhibu kwa makosa yao.

Msifuni Mungu, Mungu wetu; /
abuduni katika mlima wake mtakatifu! *
Mungu, Mungu wetu, ni mtakatifu.

Ant. ya Kawaida:

Mtukuzeni Bwana Mungu wetu, mkasujudu mbele ya mlima wake mtakatifu.

Ant. ya Desemba 17-23:

Utuelekee, Bwana, na wala usikawie kuja kwa watumishi wako.

Ant. ya Kipindi cha Pasaka:

Bwana ni Mkuu huko Sion; ni mkuu kabisa juu ya mataifa yote, aleluya.

SOMO la Kawaida

1 Pet. 4:10-11

Kila mmoja anapaswa kutumia kipaji alichojaliwa na Mungu kwa faida ya wengine, kama vile wakili mwema wa zawadi mbalimbali za Mungu. Anayesema kitu, maneno yake na yawe kama maneno ya Mungu; anayetumikia anapaswa kutumikia kwa nguvu anayojaliwa na Mungu, ili katika mambo yote Mungu atukuzwe kwa njia ya Yesu Kristo.

KIITIKIZANO

K. Niliita kwa moyo wangu wote: Bwana nisikie! (*W. warudie*)

K. Nitazitii amri zako.

W. Bwana nisikie!

K. Atukuzwe Baba na Mwana na Roho Mtakatifu.

W. Niliita . . .

Ant. ya Wimbo wa Zakaria:

Tumtumikie Bwana kwa uchaji, naye atatuopoa mikononi mwa adui zetu.

MAOMBI

Tunamwabudu na kumtukua Mungu wetu anayetawala juu mbinguni. Yeye ni Bwana wa vyote, na ulimwengu wote ni kama si kitu mbele yake.

W. Tunakuabudu, Bwana wetu na Mungu wetu.

Baba wa milele, kwa nguvu zako tu ndio tunaweza kukusifu:

— kuumbwa kwetu ni kwa ajabu, lakini fahari na furaha ya wokovu wetu katika Kristo ni kubwa zaidi. (*W.*)

Bwana, uwe nasi tunapoanza siku hii mpya:

— fanya mioyo yetu ikutafute, na utashi wetu ukutumikie. (*W.*)

Utujalie tuhisi zaidi uwepo wako:

— utuwezeshe kuwa na heshima na upendo kwa viumbe vyako. (*W.*)

Kukujua Wewe ni kuvipenda viumbe vyako:

— utujalie tuweze kuwahudumia ndugu zetu, kwa kazi na maisha yetu. (*W.*)

Baba Yetu

SALA

Mungu Mwenyezi, unayeishi milele, uwaangazie kwa nuru ya utukufu wako watu wanaoishi katika uvuli wa mauti, kama ulivyofanya zamani, pale Bwana wetu Yesu Kristo, Jua la Haki, alipotujia kutoka juu. (Tunaomba hayo) kwa njia ya Bwana Wetu. (Kwa njia ya Kristo Bwana wetu.)

IJUMAA – JUMA III

MASIFU YA ASUBUHI

UTENZI wa Kawaida

Tunakutukuza Baba
Ee Bwana wa uhai
Kila kiumbe kizima
Wewe chakuelekea
Chanzo cha utakatifu
Na kisima cha neema
Wewe ni asili yetu
Na pia kikomo chetu.

Tunakushukuru Wewe
Kristo Mkombozi
Mzigo wetu ulibeba
Wa dhambi na aibu;
Kwa ushindi wa fumbo
Uliangamiza dhambi
Na kwa kufa kwako
Uliyashinda mauti.

Njoo Roho Mtakatifu
Moto wenye kupekua
Mwali wake moto huo
Uovu huteketeza.
Shuka chini kwetu sisi

Leta mwanga wa upendo
Njoo ukakae kwetu
Kwa utulivu na amani.

Twakusifu, twakusifu
Utatu Mungu Mmoja
Utatu wenye kutisha
Kwa adhama na uweza
Ndiwe Bwana wa vyote
Utawalaye milele
Katika utukufu
Na mwanga wa milele.

ANT. I

Ant. ya Kawaida:

Nimekukosea wewe peke yako; Bwana, unihurumie.

Ant. ya Desemba 17-23:

Huyo atakayetawala atatoka Sion: 'Bwana, Emanueli' ndilo jina lake kuu.

Ant. ya Kipindi cha Pasaka:

Ee Bwana, unioshe kabisa na uovu wangu, aleluya.

Zab. 51

Kuomba msamaha

Jirekebisheni upya rohoni na katika fikra zenu.

Vaeni hali mpya ya utu (Ef 4:23-24)

Unihurumie, Ee Mungu, *
kwa sababu ya upendo wako mkuu;

ufutilie mbali uovu wangu, *
kwa sababu ya huruma yako kuu.

Unioshe kabisa kosa langu; *
unisafishe dhambi yangu.

Nakiri kabisa makosa yangu, *
daima naiona waziwazi dhambi yangu.

Nimekukosea wewe peke yako, *
nimetenda yaliyo mabaya mbele yako.

Hivyo wafanya sawa unaponihukumu, *
una haki kabisa unaponiadhibu.

Mimi ni mkosefu tangu kuzaliwa kwangu, *
mwenye dhambi tangu tumboni mwa mama yangu.

Wewe wataka unyofu wa ndani; *
hivyo nifundishe hekima moyoni.

Uniondolee dhambi, nitakate: *
unioshe, niwe mweupe pe.

Hapo nitaweza kufurahi tena; *
nitashangilia tena ingawa uliniponda.

Ugeuze uso wako, usiziangalie dhambi zangu; *
ukayafute makosa yangu yote.

Ee Mungu, uniumbie moyo safi, *
uweke ndani yanguroho mpya na thabiti.

Usinitupe mbali nawe; *
usiniondolee Roho wako mtakatifu.

Unifanye nifurahi tena kwa kuniokoa, *
unijalie moyo radhi wa utii.

Hapo nitawafundisha wakosefu mwongozo wako, *
nao wenye dhambi watarudi kwako.

Ee Mungu, Mungu mwokozi wangu, uniokoe na kifo, *
nami nitatangaza kwa furaha uadilifu wako.

Ifumbue midomo yangu, Ee Bwana, *
nipate kutangaza sifa zako.

Kwa kweli wewe hupendezwi na sadaka, /
ama sivyo mimi ningalikutolea. *
Wewe huna haja na sadaka za kuteketezwa.

Sadaka yangu kwako, Ee Mungu, ni moyo mnyofu; *
wewe, Ee Mungu, hukatai moyo mnyofu na mtiifu.

Ee Mungu, uutendee mji Sion mema: *
jenga tena upya kuta za Yerusalemu.

Hapo utapendezwa na sadaka za kweli; /
dhabihu na sadaka za kuteketezwa *
na fahali watatolewa sadaka madhabahuni pako.

Ant. ya Kawaida:

Nimekukosea wewe peke yako; Bwana, unihurumie.

Ant. ya Desemba 17-23:

Huyo atakayetawala atatoka Sion: 'Bwana, Emanueli' ndilo jina lake kuu.

Ant. ya Kipindi cha Pasaka:

Ee Bwana, unioshe kabisa na uovu wangu, aleluya.

ANT. II

Ant. ya Kawaida:

Bwana, twazijua dhambi zetu; tumekukosea wewe.

Ant. ya Desemba 17-23:

Simameni imara. Mtauona msaada wa Bwana kwenu.

Ant. ya Kipindi cha Pasaka:

Kristo alizichukua dhambi zetu mwilini mwake akiwa msalabani, aleluya.

WIMBO: Yer. 14:17-21 *Maombolezo ya watu wakati wa njaa na vita*
Utawala wa Mungu umekaribia. Tubuni na
kuiamini Habari Njema (Mk. 1:15)

Macho yangu na yatiririke machozi, *
usiku na mchana, wala yasikome;

kwa maana bikira, binti ya watu wangu, /
amevunjika mavunjiko makuu, *
kwa jeraha isiyoponyeka.

Nikitoka kwenda shambani, *
tazama, wako huko waliouawa kwa upanga!

na nikiingia mjini,*
tazama, wamo humo wanaougua kwa sababu ya njaa!

maana nabii na kuhani, wote wawili, /
huenda huko na huko katika nchi, *
wala hawana maarifa.

Je! umemkataa Yuda kabisa? *
roho yako imeichukia Sion?

Mbona umetupiga, *
tusiwe na dawa ya kutuponya?

Tulitazamia amani, *
lakini hayakuja mema yo yote;
tulitazamia wakati wa kupona, *
na tazama, kufadhaika tu!

Ee BWANA, tunakiri uovu wetu, /
na ubaya wa baba zetu; *
maana tumekutenda dhambi.

Usituchukie, kwa ajili ya jina lako; /
usikifedheheshe kiti cha enzi cha utukufu wako; *
kumbuka, usilivunje agano ulilofanya nasi.

Ant. ya Kawaida:

Bwana, twazijua dhambi zetu; tumekukosea wewe.

Ant. ya Desemba 17-23:

Simameni imara. Mtauona msaada wa Bwana kwenu.

Ant. ya Kipindi cha Pasaka:

Kristo alizichukua dhambi zetu mwilini mwake akiwa msalabani, aleluya.

ANT. III

Ant. ya Kawaida:

Bwana ni Mungu; sisi tu watu wake, na kondoo wa malisho yake.

Ant. ya Desemba 17-20:

Namtumainia Bwana; nitamngoja Mungu, mwokozi wangu.

Ant. ya Kipindi cha Pasaka:

Njooni mbele ya Bwana, mkiimba kwa furaha, aleluya.

*Bwana awaita wote aliowakomboa waimbe
utenzi wa ushindi (Mt. Athanasius)*

Mwimbieni Mungu *
enyi walimwengu wote!

Mwabuduni Mungu kwa furaha, *
nendeni kwake mkiimba kwa shangwe!

Jueni kwamba Mwenyezi Mungu ni Mungu. /
Yeye ndiye aliyetuumba, nasi tu mali yake; *
sisi ni watu wake, na kondoo wa malisho yake.

Pitieni milango ya Hekalu lake kwa shukrani, /
ingieni katika makao yake kwa sifa. *
Mpeni shukrani, na kulisifu jina lake.

Ant. ya Kawaida:

Bwana ni Mungu; sisi tu watu wake, na kondoo wa malisho yake.

Ant. ya Desemba 17-20:

Namtumainia Bwana; nitamngoja Mungu, mwokozi wangu.

Ant. ya Kipindi cha Pasaka:

Njooni mbele ya Bwana, mkiimba kwa furaha, aleluya.

SOMO la Kawaida

2 Kor. 12:9b-10

Basi, ni radhi kabisa kujivunia udhaifu wangu, ili uwezo wake Kristo ukae juu yangu. Kwa hiyo nakubali kwa radhi udhaifu, madharau, taabu, udhalimu na mateso, kwa ajili ya Kristo; maana ninapokuwa dhaifu, ndipo ninapokuwa na nguvu.

KIITIKIZANO

K. Asubuhi unifanye, Ee Bwana, nitambue mapendo yako. (W. warudie)

K. Unijulishe njia gani nipite.

W. Nitambue mapendo yako.

K. Atukuzwe Baba na Mwana na Roho Mtakatifu.

W. Asubuhi ...

Ant. ya Wimbo wa Zakaria:

Bwana amewajia watu wake, na kuwakomboa.

MAOMBI

Tunaye kuhani mkuu, anayeweza kutuonea huruma katika unyonge wetu, ambaye, kwa kuwa amefanana nasi, alishawishiwa kwa kila namna, lakini hakutenda dhambi. Na tumwombe:

W. Utuonyeshe wema na huruma yako.

Bwana, kwa ajili ya furaha ambayo ungeipata baadaye, ulikubali kufa msalabani;

— utushirikishe kifo chako, ili tuweze pia kushiriki furaha yako. (*W.*)

Bwana ulisema, 'Kila aonaye kiu, na aje kwangu, anywe':

— uwape sasa Roho wako wale wanaokuonea kiu. (*W.*)

Uliwatuma wafuasi wako kuihubiri Habari Njema lwa kila taifa:

— uwabariki wanaume na wanawake, ambao wamatolea siku hizi maisha yao kuihubiri Injili. (*W.*)

Uwasaidie wale wanaotaabika, watambue kwamba Baba anawatunza,

— kwani Yeye huwapenda kama ampendavyo Mwanee wa pekee. (*W.*)

Baba Yetu

SALA

Baba Mwenyezi, ifanye nuru yako iangaze akili zetu hivi, hata tunapoishi kadiri ya amri zako, tuweze kukufuata wewe, kiongozi wetu. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAMOSI – JUMA III

MASIFU YA ASUBUHI

UTENZI wa Kawaida

Ilikuwa hamu ya moyo wangu

Kuuona uso wake Mungu;

Ilikuwa hamu ya moyo wangu

Makaoni mwake kupumzika.

Kidhi, Bwana, hamu ya moyo wangu,

Nikazanapo kujisafisha;

Kidhi, Bwana, hamu ya moyo wangu,

Kuachana na mambo ya dunia.

Ilikuwa hamu ya moyo wangu,
Mfalme wangu kumfuata;
Ilikuwa hamu ya moyo wangu,
Kwimba masifu yake ya milele.

Ilikuwa hamu ya moyo wangu,
Lango la mbingu kilifikia,
Nikute ninachokitamani,
Kinang'aa safi kama jua.

Hiyo ni bado hamu ya moyo wangu,
Ni nini kitakachonizuia
Kuipata haja ya moyo wangu
Kuuona uso wako, Ee Bwana!

ANT. I

Ant. ya Kawaida:

Ee Bwana, wewe u karibu nasi: njia zako ni ukweli.

Ant. ya Desemba 17-23:

Mungu atakuja kutoka Lebanoni, na utukufu wake ni kama nuru.

Ant. ya Kipindi cha Pasaka:

Maneno niliyowaambieni ni ya uzima, aleluya.

Zab. 119:145-152 XIX

Kuomba usalama

Nakulilia kwa moyo wangu wote; /
unisikilize, Ee Mungu, *
nami nitazishika kanuni zako.

Nakulilia, unisalimisha; *
nipate kuyashika mafundisho yako.

Asubuhi na mapema naamka niombe msaada; *
nitaitumainia kabisa ahadi yako.

Nakaa macho usiku kucha, *
ili niyatafakari maagizo yako.

Kwa upendo wako mkuu, Ee Mungu, unisikilize; *
uonyeshe huruma yako, ukanisalimisha.

Wadhalimu wangu wakatili wanakaribia, *
watu ambao hawaishiki kamwe sheria yako.

Lakini wewe u karibu nami, Ee Mungu, *
na maagizo yako yote ni ya kuaminika.

Tangu zamani nimejifunza maagizo yako; *
wewe umeyaweka yadumu hata milele.

Ant. ya Kawaida:

Ee Bwana, wewe u karibu nasi: njia zako ni ukweli.

Ant. ya Desemba 17-23:

Mungu atakuja kutoka Lebanoni, na utukufu wake ni kama nuru.

Ant. ya Kipindi cha Pasaka:

Maneno niliyowaambieni ni ya uzima, aleluya.

ANT. II

Ant. ya Kawaida:

Bwana, hekima yako iwe nami, ili inisaidie na ifanye kazi pamoja nami.

Ant. ya Desemba 17-23:

Nyesheni, enyi mbingu, kutoka juu, na mawingu yamshushe Mwenye Haki; na dunia ifunguke, ili Mwokozi achipuke.

Ant. ya Kipindi cha Pasaka:

Bwana, umejenga hekalu lako na altare yako katika mlima wako mtakatifu, aleluya.

WIMBO: Hek. 9:1-6,9-11

Ee Bwana, unijalie hekima

*Nitawapeni hekima na uwezo wa kusema hivyo kwamba maadui wenu
hawataweza kustahimili wala kupinga (Lk. 21:15)*

Ee Mungu wa baba zetu, /

BWANA, mwenye kuihifadhi rehema yako, *
umevifanya vitu vyote kwa neno lako;

na kwa hekima yako ukamwumba mwanadamu, *
ili avitawale viumbe vilivyoubwa nawe,

na kumiliki ulimwengu katika utakatifu na kwa haki, *
na kutoa hukumu kwa unyofu wa moyo.

Nakusihi unipe Hekima, /
 ambayo huketi karibu nawe *
 katika kiti chako cha enzi,
 wala usinikatae mimi *
 miongoni mwa watumishi wako.

Mimi niliye mtumwa wako, *
 na mwana wa mjakazi wako,
 mtu dhaifu asiye na siku nyingi, *
 wala sina nguvu kufahamu hukumu na sheria.

Kwa maana mtu ajapokuwa ni mkamilifu *
 miongoni mwa wanadamu,
 pasipo Hekima itokayo kwako *
 atahesabiwa kuwa si kitu.

Na pamoja nawe hukaa Hekima, *
 ijuayo matendo yako,
 ikawapo hapo ulipoumba ulimwengu, /
 ikayatambua yakupendezayo *
 na yaliyo mema sawasawa na amri zako.

Uipeleke kutoka mbingu takatifu, *
 na kutoka kwa kiti chako kitukufu,
 ili ikae nami na kutenda kazi pamoja nami, *
 nijifunze yale yakupendezayo.

Kwa maana huyajua mambo yote *
 na kuyafahamu;
 na katika kutenda kwangu /
 itaniongoza kwa njia za kiasi, *
 na kunilinda katika utukufu wake.

Ant. ya Kawaida:

Bwana, hekima yako iwe nami, ili inisaidie na ifanye kazi pamoja nami.

Ant. ya Desemba 17-23:

Nyesheni, enyi mbingu, kutoka juu, na mawingu yamshushe Mwenye

Haki; na dunia ifunguke, ili Mwokozi achipuke.

Ant. ya Kipindi cha Pasaka:

Bwana, umejenga hekalu lako na altare yako katika mlima wako mtakatifu, aleluya.

ANT. III

Ant. ya Kawaida:

Kweli ya Bwana itasimama imara milele.

Ant. ya Desemba 17-23:

Israeli, jiweke tayari kumpokea Bwana, kwani anakuja.

Ant. ya Kipindi cha Pasaka:

Mimi ndio Njia, Ukweli na Uzima, aleluya.

Zab. 117

Kumsifu Mungu

*Naomba watu wa mataifa mengine wamtukuze Mungu
kwa sababu ya huruma yake (Rej. Rom. 15:9)*

Enyi mataifa yote, msifuni Mungu! *

Enyi watu wote, msifuni!

Upendo wake mkuu kwetu ni thabiti; *
na uaminifu wake wadumu milele!

Ant. ya Kawaida:

Kweli ya Bwana itasimama imara milele.

Ant. ya Desemba 17-23:

Israeli, jiweke tayari kumpokea Bwana, kwani anakuja.

Ant. ya Kipindi cha Pasaka:

Mimi ndio Njia, Ukweli na Uzima, aleluya.

SOMO la Kawaida

Filp. 2:14-15

Fanyeni kila kitu bila kunung'unika na bila ubishi, ili mpate kuwa watu safi, wasio na lawama, kama watoto wanyofu wa Mungu wanaoishi katika ulimwengu mbaya na uliopotoka. Mtang'ara kati yao kama nyota zinavyoliangaza anga.

KIITIKIZANO

K. Nilikuita, Ee Bwana; wewe ndiwe kimbilio langu. (W. warudie)

K. Nimebakiwa na wewe peke yako, katika nchi ya walio hai.

W. Wewe ndiwe kimbilio langu.

K. Atukuzwe Baba na Mwana na Roho Mtakatifu,

W. Nilikuita . . .

Ant. ya Wimbo wa Zakaria:

Uwaangazie, Bwana, watu wakaa gizani na katika uvuli wa mauti.

MAOMBI

Tangu milele Mungu alimchagua Maria awe Mama ya Kristo. Kwa sababu hiyo Maria yu juu ya viumbe vingine vyote, vya mbinguni na duniani. Pamoja naye twasema:

W. Roho yangu yamtukuza Bwana.

Baba, Mwanao Yesu alilikabidhi Kanisa mamaye ambaye ni mfano kamili kwetu, jinsi ya kuwa na imani:

— utuwezeshe kulipokea neno lako kwa imani, kama Mama Maria alivyofanya. (*W.*)

Bikira Maria aliisikiliza sauti yako, akamleta Neno wako duniani:

— kwa kuitikia mwito wako, utuwezeshe nasi pia kumleta Mwanao kwa watu. (*W.*)

Ulimwimarisha Mama Maria hata akaweza kusimama karibu na msalaba, na ukamjaza furaha siku ya ufufuko wa Mwanao:

— kwa maombezi yake utufariji, na uliimarisha tumaini letu. (*W.*)

Baba Yetu

SALA

Bwana Mungu, uliye asili na chanzo cha wokovu wetu, ujalie maisha yetu ya sasa yautangaze utukufu wako hivi hata tupate kukusifu milele mbinguni. (Tunaomba hayo kwa njia ya Bwana wetu. (Kwa njia ya Kristo Bwana wetu.)

JUMA IV

JUMAPILI – JUMA IV

MASIFU YA ASUBUHI

UTENZI wa Kawaida— AU:

Leo ninalipokea
Jina tukufu la Utatu,
Kwa kulitaja hilo jina,
Nafsi tatu Mungu Mmoja,
Mungu Mmoja Nafsi tatu.

Leo najinyenyekeza,
Uweza wa Mungu uniongoze,
Jicho lake liniangalie,
Nguvu zake zidumu nami,
Sikio lake linisikilize.

Hekima ya Mungu wangu inifunze,
Mkono wake unionyeshe njia,
Yake ngao mimi na inikinge;
Linisemeshe neno la Mungu,
Majeshi yake ya mbinguni yanilinde.

Leo ninalipokea
Jina tukufu la Utatu,
Kwa kulitaja hilo jina,
Nafsi tatu Mungu Mmoja,
Mungu Mmoja Nafsi tatu.

U Muumba wa vitu vyote,
Ndiwe Mungu milele milele,

Baba, Roho, Mwana:
Usifiwe Bwana wa wokovu wangu,
Wokovu ulo katika Kristo Bwana.

AU:

Watu wote mwishio duniani,
Kwa shangwe kuu Bwana mwimbieni;
Na kwa furaha mtumikieni,
Sifa yake Bwana itangazeni,
Njoo mbele yake, furahini.

Bwana ni Mungu kweli, mnajua;
Bila ya sisi kumsaidia
Bwana Mungu sote ametuumba;
Sisi ni watu wake, atulisha;
Katufanya kuwa kondoo wake.

Kwani, Bwana Mungu wetu ni mwema;
Milele huruma yake yakini;
Kweli zake zimekuwa thabiti,
Na thabiti daima zitabaki,
Kweli zake zitadumu imara.

Sifa nao utukufu milele
Kutoka kwa watu na malaika
Zimwendee Baba na pia Mwana
Na Roho Mtakatifu pamoja,
Mungu anayeabudiwa pote.

ANT. I

Ant. ya Kawaida:

Mshukuruni Bwana, kwa kuwa fadhili zake kuu hazina mwisho, aleluya.

Ant. ya Majilio:

Huko Sion pigeni tarumbeta, kwa kuwa Bwana yu karibu: tazameni,
atakuja kutuokoa, aleluya.

Ant. ya Kwaresima:

Ndiwe Mungu wangu, nakushukuru. Nakutukuza, wewe Mungu wangu.

Ant. ya Kipindi cha Pasaka:

Sitakufa, bali nitaishi na kusimulia matendo ya Bwana, aleluya.

Zab. 118

Sala ya shukrani

*Huyu ndiye lile Jiwe mlilokataa ninyi waashi,
ambalo sasa limekuwa jiwe kuu la msingi (Rej. Mate, 4:11)*

Mshukuruni Mungu, kwa kuwa ni mwema, *
kwa maana upendo wake mkuu ni wa milele.

Watu wa Israeli waseme: *
“Upendo wake mkuu ni wa milele.”

Wazao wa Aroni waseme: *
“Upendo wake mkuu ni wa milele.”

Wote wamchao Mungu waseme: *
“Upendo wake mkuu ni wa milele.”

Katika taabu yangu nilimlilia Mungu, *
naye akanisikiliza na kuniokoa.

Mungu yuko nami, siogopi kitu; *
mwanadamu atanifanya nini?

Mungu yuko nami, ananisaidia; *
nami nitashuhudia kushindwa kwa adui zangu.

Ni afadhali kumtumainia Mungu, *
kuliko kumtegemea mwanadamu.

Ni afadhali kumtumainia Mungu, *
kuliko kuwategemea viongozi wa dunia.

Watu wote wasiomjua Mungu walinizingira, *
lakini kwa nguvu ya Mungu nikawapondaponda.

Walinizunguka kila upande, *
lakini kwa nguvu ya Mungu nikawapondaponda.

Walinivamia kwa wingi kama nyuki, /
lakini wakateketea kama kichaka motoni; *
kwa nguvu ya Mungu nikawapondaponda.

Nilishambuliwa mno karibu nishindwe, *
lakini Mungu alinisaidia.

Mungu hunijalia nguvu na uhodari; *
yeye mwenyewe ameniokoa,

Sikilizeni sauti za furaha na ushindi /
katika mahema ya watu waadilifu; *
“Mkono wa Mungu umetenda mambo ya ajabu!

Mkono wa Mungu umeleta ushindi! *
Mkono wa Mungu umetenda mambo ya ajabu!”

Sitakufa, bali nitaishi, *
na kutangaza matendo ya Mungu.

Mungu ameniadhivu sana, *
lakini hakuniacha nife.

Nifungulie milango ya Hekalu; *
nitaingia na kumshukuru Mungu!

Huu ndio mlango wa Mungu, *
ambao waadilifu waweza kuupitia.

Nakushukuru, Ee Mungu, kwa kunisikiliza; *
kwa sababu wewe umeniokoa.

Jiwe walilolikataa waashi, *
limekuwa jiwe kuu la msingi.

Jambo hili limefanywa na Mungu; *
nalo ni jambo la ajabu mno kwetu.

Hii ndiyo siku aliyoifanya Mungu; *
basi, tushangilie na kufurahi.

Utuokoe, Ee Mungu, utuokoe! *
Ee Mungu, tunakusihi, utupe fanaka!

Abarikiwe huyo ajaye kwa jina la Mungu! *
Twakubariki kutoka nyumbani mwa Mungu.

Mungu ni Mungu, naye ni mwema kwetu. /
Shikeni matawi mikononi, anzeni sherehe, *
mkiandamana mpaka madhabahuni.

Ndiwe Mungu wangu, ninakushukuru *
ninakutukuza, Ee Mungu wangu.

Mshukuruni Mungu kwa kuwa ni mwema, *
kwa maana upendo wake mkuu ni wa milele.

Ant. ya Kawaida:

Mshukuruni Bwana, kwa kuwa fadhili zake kuu hazina mwisho, aleluya.

Ant. ya Majilio:

Huko Sion pigeni tarumbeta, kwa kuwa Bwana yu karibu: tazameni,
atakuja kutuokoa, aleluya.

Ant. ya Kwaresima:

Ndiwe Mungu wangu, nakushukuru. Nakutukuza, wewe Mungu wangu.

Ant. ya Kipindi cha Pasaka:

Sitakufa, bali nitaishi na kusimulia matendo ya Bwana, aleluya.

ANT. III

Ant. ya Kawaida:

Aleluya, viumbe vyote vya Bwana, msifuni Bwana, aleluya.

Ant. ya Majilio:

Bwana anakuja! Nendeni kumlaki mkisema: Milki yake ni kuu, na ut-
awala wake hautakuwa na mwisho. Yeye ni Mungu, Mwenye Nguvu,
Mtawala wa ulimwengu, Mfalme wa amani, aleluya.

Ant. ya Kwaresima:

Bwana, wewe waweza kutuopoa mkononi mwa yule anayetushinda
nguvu; utuokoe, Bwana, Mungu wetu.

Ant. ya Kipindi cha Pasaka:

Litukuzwe jina lako tukufu na takatifu, aleluya.

WIMBO: Dan. 3:22-56

Kila kiumbe kimsifu Bwana

Mwumba astahili sifa milele (Rej. Rom. 1:25)

Umehimidiwa, Ee Bwana, MUNGU wa baba zetu; *

Wastahili kusifiwa na kuadhimishwa milele.

Limehimidiwa jina lako takatifu, tukufu; *
Lastahili kusifiwa na kuadhimishwa milele.

Umehimidiwa katika hekalu la fahari yako takatifu; *
Wastahili kusifiwa na kutukuzwa milele.

Umehimidiwa juu ya kiti cha ufalme wako, *
Wastahili kusifiwa na kuadhimishwa milele.

Umehimidiwa utazamaye vilindi, uketiye juu ya makerubi; *
Wastahili kusifiwa na kuadhimishwa milele.

Umehimidiwa katika anga la mbinguni; *
Wastahili kusifiwa na kutukuzwa milele.

Ant. ya Kawaida:

Aleluya, viumbe vyote vya Bwana, msifuni Bwana, aleluya.

Ant. ya Majilio:

Bwana anakuja! Nendeni kumlaki mkisema: Milki yake ni kuu, na ut-
awala wake hautakuwa na mwisho. Yeye ni Mungu, Mwenye Nguvu,
Mtawala wa ulimwengu, Mfalme wa amani, aleluya.

Ant. ya Kwaresima:

Bwana, wewe waweza kutuopoa mkononi mwa yule anayetushinda
nguvu; utuokoe, Bwana, Mungu wetu.

Ant. ya Kipindi cha Pasaka:

Litukuzwe jina lako tukufu na takatifu, aleluya.

ANT. III

Ant. ya Kawaida:

Kila kitu chenye uhai, na kimsifu Bwana, aleluya.

Ant. ya Majilio:

Neno wako mwenye uwezo wote, Bwana, atakuja kutoka kwenye kiti
chako cha enzi, aleluya.

Ant. ya Kwaresima:

Msifuni Mungu kwa matendo yake ya ajabu.

Ant. ya Kipindi cha Pasaka:

Tangazeni ukuu wa Mungu wetu. Kazi za Mungu ni kamilifu; njia zake zote ni za kweli na za haki, aleluya.

Zab. 150

Zaburi ya kumsifu Mungu

*Msifuni Mungu rohani mwenu, msifuni kwa mioyo yenu, yaani:
mtukuzeni Mungu kwa roho na kwa mwili (Hesychius)*

Msifuni Mungu Hekaluni mwake; *
msifuni kwa ajili ya enzi yake mbinguni.

Msifuni kwa ajili ya matendo yake makuu; *
msifuni kwa ajili ya utukufu wake mkuu.

Msifuni kwa mlio wa tarumbeta; *
msifuni kwa zeze na kinubi!

Msifuni kwa ngoma na michezo; *
msifuni kwa filimbi na bango!

Msifuni kwa kupiga matoazi; /
msifuni kwa kuvumisha matoazi. *
Kila kiumbe chenye uhai na kimsifu Mungu.

Ant. ya Kawaida:

Kila kitu chenye uhai, na kimsifu Bwana, aleluya.

Ant. ya Majilio:

Neno wako mwenye uwezo wote, Bwana, atakuja kutoka kwenye kiti chako cha enzi, aleluya.

Ant. ya Kwaresima:

Msifuni Mungu kwa matendo yake ya ajabu.

Ant. ya Kipindi cha Pasaka:

Tangazeni ukuu wa Mungu wetu. Kazi za Mungu ni kamilifu; njia zake zote ni za kweli na za haki, aleluya.

SOMO la Kawaida

2 Tim. 2:8,11-13

Mkumbuke Yesu Kristo aliyefufuliwa kutoka wafu, aliyekuwa wa ukoo wa Daudi, kama isemavyo Injili ninayoihubiri. Usemi huu ni wa kweli:

“Ikiwa tulikufa pamoja naye,

tutaishi pia pamoja naye.
Tukiendelea kuvumilia,
tutatawala pia pamoja naye.
Tukimkana,
naye pia atatukana.
Tukikosa kuwa waaminifu,
Yeye hubaki mwaminifu daima,
maana yeye hawezi kujikana mwenyewe.”

KIITIKIZANO

K. Tunakushukuru, Ee Mungu, na tunaomba msaada kwa jina lako. (*W. warudie*)

K. Tunasimulia matendo yako ya ajabu.

W. Tunaomba msaada kwa jina lako.

K. Atukuzwe Baba na Mwana na Roho Mtakatifu.

W. Tunakushukuru ...

Ant. ya Wimbo wa Zakaria, taz. Kipindi cha Mwaka, au Jumapili za Mwaka, uk. 195 nk.

MAOMBI

Utukufu, enzi, nguvu na uwezo viwe kwa Mungu Mmoja, Mwokozi wetu, kwa njia ya Yesu Kristo, Bwana wetu, daima na milele.

W. Tunakusifu, Ee Mungu: twakiri ya kuwa wewe ndiwe Bwana.

Tunakutukuza, Bwana, Mwumba wa ulimwengu. Sisi tulikuwa wakosefu tuliohitaji neema yako:

— hata hivyo, ulitupa mwito tukujue na tukutumikie katika maisha yetu. (*W.*)
Mwanao ametuonyesha njia.

— Tunapozifuata nyayo zake, utusaidie tusiiache njia hiyo iongozayo kwenye uzima. (*W.*)

Tunaadhimisha leo ufufuko wa Mwanao:

— katika mateso na starehe, tunaomba ufufuko huo utupatie furaha ya kweli. (*W.*)

Ee Bwana, utujalie moyo wa sala na shukrani:

- utuwezeshe kukushukuru daima na popote. (*W.*)

Baba Yetu

Sala, taz. Kipindi cha Mwaka, au Jumapili za Mwaka uk. 195 nk.

JUMA IV: JUMATATU

MASIFU YA ASUBUHI

UTENZI wa Kawaida

Njoo, Ewe Roho Mwumbaji, njoo,
Katika mioyo yetu fanya maskani yako;
Tupe hisani zako za daima,
Sisi tunaoishi na kumudu
Kwa nguvu zako na wako uweza.

Washa mi'li yetu kwa moto wako,
Elekeza tena yetu mioyo
Kwenye upendo wako wa Kimungu;
Mi'li yetu ilo dhaifu sana
Hiyo itie nguvu ya kudumu.

Umfukuzie mbali shetani
Alo adui yetu duniani,
Tupate ishi katika amani;
Baya au ovu halitatupata
Wewe ukiwa kiongozi wetu.

Kwa njia yako basi tujifunze,
Tukamjue Baba, pia Mwana,
Na tukakufahamu wewe Roho
Uliyetoka kwa hao wawili,
Ili twabudu kwa imani kweli.

ANT. I

Ant. ya Kawaida:

Asubuhi, Bwana, watushibisha kwa pendo lako.

Ant. ya Desemba 17-23:

Tazama, Bwana, mtawala wa wafalme wa dunia, atakuja. Heri yao walio tayari kumlaki.

Ant. ya Kipindi cha Pasaka:

Utukufu wa Bwana, Mungu wetu, uwe juu yetu, aleluya.

Ee Mungu, tangu awali, *
wewe umekuwa makao yetu.

Kabla ya kuwepo milima, *
kabla hujauumba ulimwengu;

wewe, ndiwe Mungu, *
tangu milele na hata milele.

Ukimwambia binadamu, “Siku zako zimekwisha,” *
binadamu hurudia mavumbini alikotoka!

Kwako miaka elfu ni kama siku moja tu, /
ni kama jana ambayo imekwisha pita; *
kwako ni kama mkesho mmoja tu wa usiku!

Wawafutulia mbali watu kama ndoto! *
Binadamu ni kama nyasi:

asubuhi huchipua na kuchanua, *
jioni zimekwisha nyauka na kukauka.

Hasira yako inatuangamiza; *
tunatishwa na ghadhabu yako.

Maana wewe wayajua maovu yetu; *
wayafichua madhambi yetu kwa mwanga wako.

Kwa hasira yako maisha yetu yatoweka, *
yanaisha kama pumzi.

Huenda tukaishi miaka sabini, *
au tukiwa wenye afya, themanini;

lakini yote ni shida na taabu! *
Siku zapita mbio, nasi twatoweka mara!

Nani anayetambua uzito wa hasira yako? *
Nani anayejali matokeo ya ghadhabu yako?

Utufundishe ufupi wa maisha yetu, *
ili tuweze kuwa na hekima.

Urudi, Ee Mungu! Utakasirika hata lini? *
Utuonee huruma sisi watumishi wako.

Utujaze upendo wako mkuu asubuhi, *
tushangilie na kufurahi maisha yetu yote.

Utujalie sasa miaka mingi ya furaha, *
kama ulivyotupa miaka mingi ya shida na taabu.

Utuonyeshe matendo yako sisi watumishi wako; *
uwaonyeshe wazao wetu uwezo wako mtukufu.

Ee Bwana, Mungu wetu, utufadhili; /
utegemeze kazi zetu, *
ufanikishe shughuli zetu.

Ant. ya Kawaida:

Asubuhi, Bwana, watushibisha kwa pendo lako.

Ant. ya Desemba 17-23:

Tazama, Bwana, mtawala wa wafalme wa dunia, atakuja. Heri yao walio tayari kumlaki.

Ant. ya Kipindi cha Pasaka:

Utukufu wa Bwana, Mungu wetu, uwe juu yetu, aleluya.

ANT. III

Ant. ya Kawaida:

Sifa za Bwana zisikike kutoka miisho ya dunia.

Ant. ya Desemba 17-23:

Mwimbieni Bwana wimbo mpya; msifuni kote ulimwenguni.

Ant. ya Kipindi cha Pasaka:

Nitageuza giza iwe mwanga machoni pao, aleluya.

*WIMBO: Isa. 42:10-16 Wimbo kwa Mungu aliye Mshindi na Mwokozi
Walikuwa wanaimba wimbo mpya mbele ya kiti cha enzi (Ufu. 14:3)*

Mwimbieni BWANA wimbo mpya, *
Na sifa zake tokea mwisho wa dunia;
Ninyi mshukao baharini, na vyote vilivyomo, *
Na visiwa, nao wakaao humo.

Jangwa na miji yake na ipaze sauti zao, *
Vijiji vinavyokaliwa na Kedari;
Na waimbe wenyeji wa Sela, *
Wapige kelele toka vilele vya milima.

Na wamtukuze BWANA, *
Na kutangaza sifa zake visiwani.

BWANA atatokea kama shujaa; *
Ataamsha wivu kama mtu wa vita;

Atalia, naam, atapiga kelele; *
Atawatenda adui zake mambo makuu.

Siku nyingi nimenyamaza kimya; *
Nimenyamaza, nikajizua;

Sasa nitapiga kelele /
Kama mwanamke aliye katika kuzaa; *
Nitaugua na kutweta pamoja.

Nitaharibu milima na vilima, *
Nitavikausha vyote vimeavyo;

Nitaifanya mito ya maji kuwa visiwa, *
Na kuyakausha maziwa ya maji.

Nitawaleta vipofu kwa njia wasiyoijsua; *
Katika mapito wasiyoyajua nitawaongoza;

Nitafanya giza kuwa nuru mbele yao, *
Na mahali palipopotoka kuwa pamenyoka.

Ant. ya Kawaida:

Sifa za Bwana zisikike kutoka miisho ya dunia.

Ant. ya Desemba 17-23:

Mwimbieni Bwana wimbo mpya; msifuni kote ulimwenguni.

Ant. ya Kipindi cha Pasaka:

Nitageuza giza iwe mwanga machoni pao, aleluya.

ANT. III

Ant. ya Kawaida:

Lisifuni jina la Bwana, ninyi mnaosimama nyumbani mwa Bwana.

Ant. ya Desemba 17-23:

Je, Mwana wa Mtu ajapo, ataikuta imani yo yote duniani?

Ant. ya Kipindi cha Pasaka:

Bwana anao uwezo wa kufanya cho chote atakacho, aleluya.

Zab. 135:1-12

Sifa kwa Mungu

Ninyi ni ukoo mteule, mlioteuliwa kutangaza matendo makuu ya Mungu aliye-waiteni kutoka gizani, akawaingizeni katika mwanga wake mkuu (Rej. 1 Pet. 2:9)

Lisifuni jina la Mungu, *

enyi watumishi wa Mungu,

mnaosimama nyumbani mwa Mungu, *

Hekaluni mwa Mungu wetu.

Msifuni Mungu kwa kuwa ni mwema; *

liimbieni jina lake sifa, maana inafaa.

Mungu amejichagulia Yakobo kuwa wake, *

watu wa Israeli kuwa mali yake mwenyewe.

Najua hakika kuwa Mungu ni mkuu; *

Bwana wetu ni mkuu juu ya miungu yote.

Mungu hufanya yote anayotaka, *

mbinguni, duniani, baharini na vilindini.

Huleta mawingu kutoka mipaka ya dunia; /

hufanya gharika kuu kwa umeme, *

na huvumisha upepo kutoka ghala zake.

Aliwaua wazaliwa wa kwanza kule Misri, *

wazaliwa wa watu na wanyama kadhalika.

Alifanya ishara na maajabu kwako, ee Misri, *

dhidi ya Farao na maofisa wake wote.

Aliyaangamiza mataifa mengi, *
akawaua wafalme wenye nguvu:

akina Sihoni, mfalme wa Waamori, *
na Ogu, mfalme wa Bashani, na wafalme wote wa Kanaani.

Alichukua nchi zao na kuwapa watu wake; *
aliwapa Waisraeli ziwe urithi wao.

Ant. ya Kawaida:

Lisifuni jina la Bwana, ninyi mnaosimama nyumbani mwa Bwana.

Ant. ya Desemba 17-23:

Je, Mwana wa Mtu ajapo, ataikuta imani yo yote duniani?

Ant. ya Kipindi cha Pasaka:

Bwana anao uwezo wa kufanya cho chote atakacho, aleluya.

SOMO la Kawaida:

Yud. 8:26

Yakumbukeni yote aliyomtendea Abrahamu, na majaribu yote aliyom-
jaribia Isaka, na yote yaliyompata Yakobo katika Mesopotamia ya
Shamu alipowachunga kondoo za mjomba wake Labani.

KIITIKIZANO

K. Eurahini katika Bwana, enyi waadilifu; kwa maana kusifu kunawa-
pasa wanyofu wa moyo. (*W. warudie*)

K. Mwimbieni wimbo mpya.

W. Kwa maana kusifu kunawapasa wanyofu wa moyo.

K. Atukuzwe Baba na Mwana na Roho Mtakatifu.

W. Furahini...

Ant. ya Wimbo wa Zakaria:

Atukuzwe Bwana kwa kuwa ametujia na kutukomboa.

MAOMBI

Baba Mwenyezi, mbingu haziwezi kuushika ukuu wako: hata hivyo,
kwa njia ya Mwanao tumejifunza kusema:

W. Baba, utawala wako ufike!

Sisi wanao tunakusifu;

— jina lako litukuzwe katika mioyo ya watu wote. (*W.*)

Utusaidie leo tuweze kuishi tukiwa na tumaini la kufika mbinguni:
— utufanye tuwe tayari kutekeleza matakwa yako hapa duniani. (W.)
Utupe leo moyo wa kuwasamehe wenzetu,
— kama unavyotusamehe makosa yetu. (W.)
Baba, uwe nasi katika majaribu yetu yote:
— usikubali tutengane nawe. (W.)

Baba Yetu

SALA

Bwana Mungu, uliyewakabidhi wanadamu dunia ili waitumie na kuitunza, na uliyelifanya jua, ili liwaangazie na kuwapa watu mahitaji yao: utujalie leo neema ili tukafanye kazi kiaminifu kwa ajili ya utukufu wako, na kwa ajili ya mahitaji ya jirani zetu. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMA IV: JUMANNE

MASIFU YA ASUBUHI

UTENZI wa Kawaida

Usiku umekwisha sasa,
Na sisi twakusifu Baba,
Tumesimama mbele yako,
Wakakamavu tupo macho;
Sala, fikara twatolea,
Twakuabudu kwa kuimba.

Ewe Mfalme wa vyote,
Kwa makao yako twandae;
Tuondolee udhaifu,
Tupe afya, ukamilifu;
Tuingize mbinguni kwako,
Watakatifu wafurahiko.

Ee Baba, Roho na Mwana,
Mtakatifu sana sana,

E Utatu Mtakatifu,
Tupatie wako wokovu;
Ni wako utukufu wote,
Ung'arao na kuvuma kote.

ANT. I

Ant. ya Kawaida:

Ee Bwana, nitakuimbia, na nitatembea katika njia ya ukamilifu.

Ant. ya Desemba 17-23:

Bwana atakuja kutoka patakatifu pake: atakuja kuwaokoa watu wake,

Ant. ya K. cha Pasaka:

Mtu anayetekeleza matakwa ya Baba yangu, ataingia katika ufalme wa mbinguni, aleluya.

Zab. 101

Mwongozo wa mfalme

Mkinipenda, mtazishika amri zangu (Yoh. 14:15)

Utenzi wangu kuhusu uaminifu na haki; *
ninauimba kwa heshima yako, Ee Mungu.

Mwenendo wangu utakuwa bila dosari. *
Je, utakuja kwangu lini?

Nyumbani mwangu nitaishi bila hatia; *
chochote kiovu, kamwe sitakivumilia.

Mienendo ya wale waliomwasi Mungu naichukia, *
mambo yao hayataambatana nami.

Upotovu wowote ule uwe mbali nami; *
nitaachana kabisa na kila baya.

Nitawakomesha wale wanaowasengenya watu; *
sitawavumilia wenye kiburi na majivuno.

Watu walio waaminifu ndio watakaokuwa wenzangu; *
na watumishi wangu watakuwa wasio na Uovu.

Mwongo yeyote hatakaa nyumbani mwangu; *
hakuna mnafiki atakayekaa kwangu.

Siku kwa siku nitawakomesha waovu wote; *
nitawaondoa wabaya wote katika jiji la Mungu.

Ant. ya Kawaida:

Ee Bwana, nitakuimbia, na nitatembea katika njia ya ukamilifu.

Ant. ya Desemba 17-23:

Bwana atakuja kutoka patakatifu pake: atakuja kuwaokoa watu wake,

Ant. ya K. cha Pasaka:

Mtu anayetekeleza matakwa ya Baba yangu, ataingia katika ufalme wa mbinguni, aleluya.

ANT. II

Ant. ya Kawaida:

Ee Bwana, usiziondoe kwetu fadhili zako.

Ant. ya Desemba 17-23:

Tunao mji imara, Sion. Mwokozi atauzungushia ngome kuulinda.
Fungueni milango, maana Mungu yu pamoja nasi, aleluya.

Ant. ya Kipindi cha Pasaka:

Ee Bwana, watu wote na washuhudie mapendo yako na huruma yako kwetu, aleluya.

WIMBO: Dan. 3:26,27,29,30,34-41

Sala ya Azaria katika tanuu

Basi, badilisheni mwenendo wenu mbaya, mkamrudie

Mungu ili yeye afute dhambi zenu (Mate. 3:19)

Umehimidiwa, Ee Bwana, *

MUNGU wa baba zetu,

na jina lako lastahili *

kusifiwa na kutukuzwa milele.

Wala usilitangue agano lako *

na kutuondolea rehema zako,

kwa ajili ya Abrahamu umpendaye, /

na kwa ajili ya Isaka mtumishi wako, *

na Israeli mtakatifu wako,

Ambao uliwaahidia ya kuwa *

utauzidisha uzao wao

kama nyota mbinguni *
na kama mchanga uliopo pwani.

Maana sisi, Ee BWANA, *
tumekuwa duni kuliko mataifa mengine yote,
na kudhulumiwa leo katika ulimwengu wote ?
kwa sababu ya dhambi zetu.

Sasa hakuna mfalme *
wala nabii wala kiongozi;

hakuna dhabihu wala kafara *
wala sadaka wala uvumba;

wala mahali pa kukutolea dhabihu *
na kuona rehema.

Lakini kwa moyo uliovunjika /
na kwa roho nyenyekevu *
tukubaliwe nawe,

na sadaka yetu iwe machoni pako leo /
kama dhabihu za kondoo waume na ng'ombe,*
na kama kondoo wanono elfu kumi.

Nasi tukufuate kwa unyofu, *
maana wanaokutumainia Wewe hawataaibika.

Na sasa tunakufuata kwa moyo wote; *
tunakucha, na kuutafuta uso wako.

Ant. ya Kawaida:

Ee Bwana, nitakuimbia, na nitatembea katika njia ya ukamilifu.

Ant. ya Desemba 17-23:

Bwana atakuja kutoka patakatifu pake: atakuja kuwaokoa watu wake,

Ant. ya K. cha Pasaka:

Mtu anayetekeleza matakwa ya Baba yangu, ataingia katika ufalme wa
mbinguni, aleluya.

ANT. III

Ant. ya Kawaida:

Nitakuimbia wimbo mpya, Ee Mungu.

Ant. ya Desemba 17-23:

Bwana, utujulishe njia zako; mataifa yote yaitambue nguvu yako ya kuokoa.

Ant. ya Kipindi cha Pasaka:

Bwana ni kimbilio langu na mwokozi wangu, aleluya.

Zab. 144:1-10

Shukrani kwa ushindi

Naweza kuikabili kila hali, kwani Kristo hunipa nguvu (Filp. 4:13)

Atukuzwe Mungu, mwamba wa usalama wangu, /
aipaye mikono yangu mazoezi ya vita, *
na kuvifunza vidole vyangu mapambano.

Yeye ndiye kinga yangu amini, *
ngome yangu, usalama wangu na mwokozi wangu.

Yeye ni ngao yangu ninayotegemea; *
huyashinda mataifa na kuyaweka chini yangu.

Ee Mungu, mtu ni nini hata umwangelie? *
Mwanadamu ni nini hata umkumbuke?

Binadamu ni kama pumzi tu; *
siku zake ni kama kivuli kipitacho.

Ee Mungu, pasua mbingu ushuke! *
Uiguse milima, nayo itoe moshi!

Lipusha umeme, uwatawanye adui; *
upige mishale yako, uwahangaishe!

Unyoshe mkono wako kutoka juu, *
uniokoe na kuniondoa katika maji haya mengi;

uniopoe katika makucha ya wageni, /
ambao maneno yao yote ni ya uwongo, *
na hushuhudia uwongo kwa kiapo.

Ee Mungu, nitakuimbia wimbo mpya; *
nitakupigia kinubi cha nyuzi kumi,

“wewe uwapaye wafalme ushindi, *
na kumwokoa Daudi, mtumishi wako!

Uniepushe na upanga wa adui katili; *
uniopoe katika makucha ya wageni,

ambao maneno yao yote ni ya uwongo, *
na hushuhudia uwongo kwa kiapo.

Naam, wana wetu katika ujana wao, *
wawe kama mimea inayokua vizuri.

Binti zetu wawe kama nguzo za pembeni, *
zilizochongwa vizuri ili kupamba Hekalu.

Ghala zetu zijae mazao ya kila aina. *
Kondoo wetu mashambani wazae maelfu na maelfu.

Mifugo yetu iwe na afya na nguvu; /
isitupe mimba wala kuzaa kabla ya wakati. *
Kusiwepo tena udhalimu katika mitaa yetu.

Heri taifa ambalo limejaliwa hayo! *
Heri taifa ambalo Mungu wao ni Mungu!

Ant. ya Kawaida:

Nitakuimbia wimbo mpya, Ee Mungu.

Ant. ya Desemba 17-23:

Bwana, utujulishe njia zako; mataifa yote yaitambue nguvu yako ya kuokoa.

Ant. ya Kipindi cha Pasaka:

Bwana ni kimbilio langu na mwokozi wangu, aleluya.

SOMO la Kawaida

Isa. 55:1

Haya, kila aonaye kiu, njoni majini,
Naye asiye na fedha; nunueni mle;
Naam, njoni, nunueni divai na maziwa,
Bila fedha na bila thamani.

KIITIKIZANO

K. Sikia kilio changu, Ee Bwana, maana nalitumainia neno lako. (*W. warudie*)

K. Naamka kabla ya alfajiri, na kuomba msaada.

W. Nalitumainia neno lako.

K. Atukuzwe Baba na Mwana na Roho Mtakatifu.

W. Sikia ...

Ant. ya Wimbo wa Zakaria:

Bwana, utuokoe na mikono ya wote wanaotuchukia.

MAOMBI

Mateso yetu yanatufanya tukubalike; kukubalika kwetu kunatuletea matumaini: na matumaini yetu hayatatudanganya, kwa kuwa tumejazwa Roho Mtakatifu mioyoni mwetu. Kwa njia ya Roho huyo, tuombe:

W. Bwana, uwe nasi katika safari yetu.

Utuwezeshe kutambua kuwa matatizo yetu ni mepesi na ya kupita;
— kwani hayo si kitu, yakilinganishwa na furaha tutakayopata tufikapo mbinguni. (*W.*)

Uwafariji walio pweke, wasiopendwa na wasio na marafiki;
— uwaonyeshe upendo wako, na uwasaidie waweze kuwatunza ndugu zao. (*W.*)

Utuondolee majivuno, itulize hasira yetu:

— ili tuweze kukufuata kwa upole na unyenyekevu wa moyo. (*W.*)

Utujalie utimilifu wa Roho wako, ili tuwe wana wako;

— uyafanye mapendo kati yetu yawe ya ukarimu na kweli. (*W.*)

Baba Yetu

SALA

Bwana, utuongeze imani, ili masifu haya tunayokutolea yazae daima matunda yake yatakayo mbinguni. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMA IV: JUMATANO

MASIFU YA ASUBUHI

UTENZI wa Kawaida

Kwa kuwa sasa jua laangaza,
Nyoyo zetu kwa Mungu twainua,
Atuepushe na maovu leo
Katika yote matendo, maneno.

Atwepushe na ubishi wa bure,
Atukinge na chuki na hasira;
Yasiyofaa tусiyatazame,
Na ya upuzi tусiyasikie.

Adumishe safi dhamiri zetu,
Ya kijinga na tусiyafuate;
Atuwezeshe kujikatalia,
Na majivuno yetu kuzuia.

Ili, siku hii itapokwisha,
Na usiku kuingia ukisha,
Kwa ushindi tusifu lake Jina,
Kwa dhamiri zisizo na mawaa.

ANT. I

Ant. ya Kawaida:

Moyo wangu u tayari, Ee Mungu, moyo wangu u tayari.

Ant. ya Desemba 17-23:

Bwana aliye na uwezo wote, atakuja kutoka Sion kuwaokoa watu wake.

Ant. ya Kipindi cha Pasaka:

Ee Mungu, utukuzwe juu ya mbingu, aleluya.

Zab. 108

Sala ya kujiunga na maadui

***Kwa kuwa Mwana wa Mungu ametukuzwa juu ya mbingu,
utukufu wake hutangazwa duniani kote (Arnobius)***

Niko imara, Ee Mungu, niko imara; /
nitaimba na kukushangilia! *
Amka, ee roho yangu!

Amkeni enyi zeze na kinubi; *
nitayaamsha mapambazuko!

Ee Mungu, nitakushukuru kati ya mataifa; *
nitakuimbia sifa kati ya watu.

Upendo wako mkuu wafika juu ya mbingu; *
uaminifu wako waenea hata mawinguni.

Utukuzwe, Ee Mungu, juu ya mbingu; *
utukufu wako uenee duniani kote.

Uwasalimishe hao watu uwapendao; *
utuokoe kwa mkono wako, na kutosikiliza.

Mungu amesema kutoka patakatifu pake; /
“Sasa nitakwenda kwa shangwe kuigawa Shekemu; *
bonde la Sukoti nitaligawa sehemu sehemu.

Gileadi ni yangu, na Manase ni yangu; /
Efraimu ni kofia yangu ya chuma, *
na Yuda ni fimbo yangu ya enzi.

Moabu ni kama bakuli langu la kunawia; /
kiatu changu nitaweka juu ya Edomu, kuimiliki, *
nitapiga kelele ya ushindi juu ya Filistia!”

Ni nani atakayenipeleka kwenye mji wenye ngome? *
Ni nani atakayeniongoza mpaka Edomu?

Je, umetuacha kabisa, Ee Mungu? *
Je, huendi tena na majeshi yetu?

Utupatie msaada dhidi ya maadui zetu, *
maana msaada wa binadamu haufai kitu.

Tutashinda, Mungu akiwa upande wetu, *
yeye atawaponda adui zetu.

Ant. ya Kawaida:

Moyo wangu u tayari, Ee Mungu, moyo wangu u tayari.

Ant. ya Desemba 17-23:

Bwana aliye na uwezo wote, atakuja kutoka Sion kuwaokoa watu wake.

Ant. ya Kipindi cha Pasaka:

Ee Mungu, utukuzwe juu ya mbingu, aleluya.

ANT. II

Ant. ya Kawaida:

Bwana amenivika vazi la haki na wokovu.

Ant. ya Desemba 17-23:

Sitaacha kusema juu ya Sion, mpaka hapo Mtakatifu wake atakapong'aa kama nuru.

Ant. ya Kipindi cha Pasaka;

Bwana atafanya haki na sifa zionekane mbele ya mataifa, aleluya.

WIMBO Isa. 61:10-62:5

Nabii hufurahia Yerusalemu mpya

*Nikaona mji mtakatifu, Yerusalemu mpya, ... umetayarishwa vizuri
kama bibi arusi aliyepambwa, tayari kukutana na mumewe (Ufu. 21:2)*

Nitafurahi sana katika BWANA, *
nafsi yangu itashangilia katika Mungu wangu;

maana amenivika mavazi ya wokovu, *
amenifunika vazi la haki,

kama bwana arusi ajipambavyo *
kwa kilemba cha maua,

na kama bibi arusi ajipambavyo *
kwa vyombo vya dhahabu.

Maana kama nchi itoavyo machipuko yake, /
na kama bustani iotesavyo vitu *
vilivyopandwa ndani yake,

ndivyo BWANA MUNGU atakavyootesha haki na sifa *
mbele ya mataifa yote.

Kwa ajili ya Sion sitanyamaza, *
na kwa ajili ya Yerusalemu sitatulua,

hata haki yake itakapotokea kama mwangaza, *
na wokovu wake kama taa iwakayo.

Na mataifa wataiona haki yao *
na wafalme wote watauona utukufu wako;
nawe utaitwa jina jipya, *
litakalotajwa na kinywa cha BWANA.

Nawe utakuwa taji ya uzuri *
katika mkono wa BWANA,

na kilemba cha kifalme *
mkononi mwa Mungu wako.

Hutaitwa tena Aliyeachwa, *
wala nchi yako haitaitwa tena, Ukiwa;

bali utaitwa "Namfurahia," *
na nchi yako "Aliyeolewa,"

kwa kuwa BWANA anakufurahia, *
na nchi yako itaolewa.

Maana kama vile kijana *
amwoavyo mwanamwali,

ndivyo wana wako *
watakavyokuoa wewe;

na kama vile bwana arusi *
amfurahiavyo bibi arusi,

ndivyo Mungu wako *
atakavyokufurahia wewe.

Ant. ya Kawaida:

Bwana amenivika vazi la haki na wokovu.

Ant. ya Desemba 17-23:

Sitaacha kusema juu ya Sion, mpaka hapo Mtakatifu wake atakapong'aa kama nuru.

Ant. ya Kipindi cha Pasaka:

Bwana atafanya haki na sifa zionekane mbele ya mataifa, aleluya.

ANT. III

Ant. ya Kawaida:

Nitamsifu Mungu wangu, siku zote za maisha yangu:

Ant. ya Desemba 17-23:

Roho wa Bwana yu juu yangu, amenituma kuwatangazia maskini Habari Njema.

Ant. ya Kipindi cha Pasaka:

Bwana atatawala milele; yeye ndiye Mungu wako, Ee Sion, aleluya.

Zab. 146

Sifa kwa Mungu Mkombozi

Na tumtukuze Bwana siku zetu zote, yaani katika matendo yetu yote (Arnobius)

Ee nafsi yangu, umsifu Mungu! /

Nitamsifu Mungu maisha yangu yote; *

nitamwambia Mungu wangu muda wote niishipo.

Msiwategemee wakuu wa dunia; *

hao ni binadamu tu, hawawezi kuokoa.

Binadamu akitoa pumzi yake ya mwisho, /

anarudi mavumbini alimotoka; *

na hapo mipango yake yote hutoweka.

Heri mtu anayesaidiwa na Mungu wa Yakobo, *

mtu ambaye anamtegemea Mungu, Mungu wake,

aliyeumba mbingu na dunia, /

bahari na vyote vilivyomo. *

Yeye hushika ahadi yake milele.

Huwapatia wanaoonewa haki zao, *

na kuwapa wenye njaa chakula.

Mungu huwapa wafungwa uhuru, *

huwatungua macho vipofu.

Mungu huwainua waliokandamizwa, *

huwapenda watu walio waadilifu.

Mungu huwalinda wageni, /

huwategemeza wajane na yatima; *

lakini huangamiza mwenendo wa waovu.

Mungu atawala milele, *

Mungu wako, ee Sion, ni mfalme kwa vizazi vyote.

Ant. ya Kawaida:

Nitamsifu Mungu wangu, siku zote za maisha yangu.

Ant. ya Desemba 17-23:

Roho wa Bwana yu juu yangu, amenituma kuwatangazia maskini Habari Njema.

Ant. ya Kipindi cha Pasaka:

Bwana atatawala milele; yeye ndiye Mungu wako, Ee Sion, aleluya.

SOMO la Kawaida

Kum. 4:39-40a

Ujue leo hivi, ukaweke moyoni mwako, ya kuwa BWANA ndiye Mungu katika mbingu juu na katika nchi chini; hapana mwingine. Basi, zishike sheria zake, na amri zake, ninazokuamuru leo.

KIITIKIZANO

K. Nitamtukuza Bwana nyakati zote. (*W. warudie*)

K. Sifa yake itakuwa sikuzote midomoni pangu.

W. Nyakati zote nitamtukuza.

K. Atukuzwe Baba na Mwana na Roho Mtakatifu.

W. Nitamtukuza ...

Ant. ya Wimbo wa Zakaria:

Tumtumikie Bwana kwa utakatifu, siku zote za maisha yetu.

MAOMBI

Atukuzwe Mungu na Baba ya Bwana wetu Yesu Kristo. Kwa huruma yake kuu, alitufanya tuzaliwe upya na akatujalia tumaini la uzima, kwa njia ya ufufuko wa Mwanae. Tuombe:

W. Baba, utujalie nguvu zako.

Yaelekeze macho yetu kwa Yesu Kristo, Mwanao.

— Atuongoze katika imani yetu, na aikamilishe imani hiyo. (*W.*)

Utujalie moyo wa furaha na ukarimu;

— ili tulete furaha majumbani mwetu, kazini na kwa wote tunaokutana nao. (*W.*)

Tunawaombea wakulima na wafanyakazi wote;

— uwe pamoja nao vijijini na mijini, mashambani, viwandani na Ofisini. (*W.*)

Twakuomba uwasaidie wote wasioajiriwa;

— pia uwasaidie walemavu, wagonjwa na wale waliostaafu. (*W.*)

Baba Yetu

SALA

Ee Bwana, ulikumbuke agano lako takatifu, ulilolifanya upya na kulibariki kwa damu ya Mwana-Kondoo, ili watu wako wapate msamaha wa dhambi zao, na wadumu katika neema zako. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMA IV: ALHAMISI

MASIFU YA ASUBUHI

UTENZI wa Kawaida

Peke yangu - wa pili wewe Mungu,
Nasafiri katika njia yangu;
Nihofu nini uwapo karibu,
Mtawala mchana na usiku?
Chini yako ni salama zaidi,
Kuliko kama 'ngelindwa na jeshi.

Saa ya kufa kwangu umepanga,
Mauti yaijua hiyo saa.
Hata 'ngezungukwa na jeshi kali
Halingeshinda nguvu za mauti;
Hazifai kitu kuta za mawe
Unapomtuma wako mjumbe.

Nitaishi kadiri ya amri,
Na kufuata yako maongozi,
Katika amani na utulivu,
Kwani duniani hapana nguvu
Iwezayo kuipokonya roho —
Yake aliye mkononi mwako.

Ovu lo lote hawezi ogopa,
Mtoto wa Mungu, mteuliwa;
Mambo yetu yote twakuachia,
Lini tuende twangoja sikia.

Watufariji, Mfalme Mkuu,
Wewe Bwana u tumaini letu,

ANT. I

Ant. ya Kawaida:

Ee Bwana, uniwezeshe kulitambua pendo lako asubuhi.

Ant. ya Desemba 17-23:

Natazamia msaada wako, Ee Bwana; uje uniokoe, Bwana, kwani nakim-bilia kwako.

Ant. ya Kipindi cha Pasaka:

Kwa ajili ya jina lako, Bwana, unijalie uzima, aleluya.

Zab. 143:1-11

Sala ya kuomba msaada

*Mtu hawezi kuwa na uhusiano mwema na Mungu kwa kutii Sheria,
bali tu kwa kumwamini Yesu Kristo (Gal. 2:16)*

Ee Mungu, usikie sala yangu! /

Kwa ajili ya uadilifu wako sikiliza ombi langu! *

Unijibu kwa ajili ya uaminifu wako.

Usinitie mimi mtumishi wako hukumuni, *
maana hakuna mtu aliye mwadilifu mbele yako.

Adui amenifuatia na kunisagasaga kabisa; *
ameniingiza gizani kama mtu aliyekufa zamani.

Nimevunjika moyo kabisa; *
nimekufa ganzi kwa ajili ya woga.

Nakumbuka siku zilizopita; /
natafakari juu ya yote uliyotenda, *
nawaza na kuwazua juu ya matendo yako.

Nanyosha mikono yangu kuomba; *
nina kiu nawe kama nchi kavu isiyo na maji.

Ee Mungu, unisikilize hima; *
nimekata tamaa kabisa!

Usijifiche mbali nami, *
nisije nikafanana na wale washukao shimoni.

Asubuhi unijulishe upendo wako mkuu, *
maana nakutumainia wewe.

Nakutolea moyo wangu; *
unionyeshe njia ya kwenda.

Uniopoe na adui zangu, Ee Mungu, *
maana nakimbilia kwako.

Unifundishe kutimiza matakwa yako, /
maana wewe ni Mungu wangu! *
Kwa wema wako uniongoze katika njia iliyo sawa.

Uniweke salama, Ee Mungu, /
kwa ajili ya jina lako; *
kwa uadilifu wako, uniokoe taabuni.

Ant. ya Kawaida:

Ee Bwana, uniwezeshe kulitambua pendo lako asubuhi.

Ant. ya Desemba 17-23:

Natazamia msaada wako, Ee Bwana; uje uniokoe, Bwana, kwani nakim-
bilia kwako.

Ant. ya Kipindi cha Pasaka:

Kwa ajili ya jina lako, Bwana, unijalie uzima, aleluya.

ANT. II

Ant. ya Kawaida:

Bwana ataleta amani Yerusalemu, amani ifurikayo kama kijito.

Ant. ya Desemba 17-23:

Bwana, uwape wakungojao thawabu yao, na manabii wako waonekane
wa kuaminika.

Ant. ya Kipindi cha Pasaka:

Nitakuja tena kwenu, ndipo mioyo yenu itajaa furaha, aleluya.

WIMBO Isa. 66:10-14a

Kitulizo na furaha katika mji mtakatifu

Yerusalemu ya juu mbinguni ni mji ulio huru, nao ni mama yetu (Gal. 4:26)

Furahini pamoja na Yerusalemu, /
Shangilieni kwa ajili yake, *
Ninyi nyote mmpendaye;

furahini pamoja naye kwa furaha, *
ninyi nyote mliao kwa ajili yake;

Mpate kunyonya, na kushibishwa *
kwa maziwa ya faraja zake,

mpate kukama, na kufurahiwa *
kwa wingi wa utukufu wake.

Maana BWANA asema hivi, /
Tazama, nitamwelekezea amani kama mto, *
na utukufu wa mataifa kama kijito kifurikacho,

nanyi mtapata kunyonya; *
mtabebwa; na juu ya magoti mtabembelezwa.

Mfano wa mtu ambaye mama yake amfariji, /
ndivyo nitakavyowafariji ninyi; *
nanyi mtafarijiwa katika Yerusalemu;

Nanyi mtaona, na mioyo yenu itafurahi, /
na mifupa yenu itasitawi *
kama majani mabichi.

Ant. ya Kawaida:

Bwana ataleta amani Yerusalemu, amani ifurikayo kama kijito.

Ant. ya Desemba 17-23:

Bwana, uwape wakungojao thawabu yao, na manabii wako waonekane
wa kuaminika.

Ant. ya Kipindi cha Pasaka:

Nitakuja tena kwenu, ndipo mioyo yenu itajaa furaha, aleluya.

ANT. III

Ant. ya Kawaida:

Sifa na shangwe kwa Mungu wetu.

Ant. ya Desemba 17-23:

Utuelekee, Bwana, na wala usikawie kuja kwa watumishi wako.

Ant. ya Kipindi cha Pasaka:

Bwana aujenga mji wa Yerusalemu, awaponya waliopondeka moyo, aleluya.

Zab. 147:1-11

Ni vizuri kumsifu Mungu

Tunakuabudu, Ee Mungu; Ee Bwana, tunakusujudia

Ni vema kumwimbia Mungu wetu sifa; *
ni vizuri na sawa kabisa kumsifu.

Mungu anaurekebisha mji wa Yerusalemu. *
Anawarudisha salama wakimbizi wake.

Anawaponya waliovunjika moyo; *
anawatibu majeraha yao.

Ameiweka idadi ya nyota, *
na kuzipa kila moja jina.

Bwana wetu ni mkuu, ana nguvu nyingi; *
maarifa yake hayana kipimo.

Mungu huwakweza wanyenyekevu, *
lakini huwatupa waovu mavumbini.

Mwimbieni Mungu nyimbo za shukrani, *
mpigieni kinubi Mungu wetu!

Yeye hulifunika anga kwa mawingu, /
huitengenezea dunia mvua, *
na kuchipusha nyasi vilimani.

Huwapa wanyama chakula chao, *
na kulisha makinda ya kunguru wanaolia.

Yeye hapendezwi na nguvu za farasi, *
wala hafarijiki kwa ushujaa wa askari;

lakini hupendezwa na watu wamchao, *
watu wanaotegemea upendo wake mkuu.

Ant. ya Kawaida:

Sifa na shangwe kwa Mungu wetu.

Ant. ya Desemba 17-23:

Utuelekee, Bwana, na wala usikawie kuja kwa watumishi wako.

Ant. ya Kipindi cha Pasaka:

Bwana aujenga mji wa Yerusalemu, awaponya waliopondeka moyo, aleluya.

SOMO la Kawaida

Rom. 8:18-21

Naona kuwa mateso ya wakati huu wa sasa si kitu kamwe kama tukiy-afananisha na ule utukufu utakaodhihirishwa kwetu. Viumbe vyote vinatazamia kwa hamu Mungu awadhihirishe watoto wake. Kwa maana, viumbe viliwekwa katika hali ya kutojiweza kabisa, si kwa hiari yao, ila vilifanywa hivyo kwa mapenzi ya Mungu. Hata hivyo, yapo matumaini, maana hivyo viumbe navyo vitaokolewa kutoka katika utumwa wa uharibifu, vishiriki uhuru mtukufu wa watoto wa Mungu.

KIITIKIZANO

K. Mapema asubuhi nitakutafakari wewe, Ee Bwana. (*W. warudie*)

K. Umekuwa msaada wangu.

W. Wewe, Ee Bwana.

K. Atukuzwe Baba na Mwana na Roho Mtakatifu.

W. Mapema asubuhi nitakutafakari wewe, Ee Bwana.

Ant. ya Wimbo wa Zakaria:

Bwana, uwajulishe watu wako wokovu, na utusamehe dhambi zetu.

MAOMBI

Ni kusudi lake Baba, kwamba binadamu wamwone yeye katika Mwanac mpenzi. Tumheshimu tukisema:

W. Jina lako litukuzwe.

Kristo ametuletea Habari Njema:

— dunia na ipate kusikia Habari hiyo kwa njia yetu, na hivyo kupata tumaini.

(*W.*)

Tunakusifu na kukushukuru, Bwana wa mbingu na nchi;

— wewe ndiwe tumaini na furaha ya watu, kizazi hata kizazi. (*W.*)

Ujio wa Kristo uliunde upya Kanisa;

— na ulijalie nguvu na ari katika kuwahudumia watu. (*W.*)

Tunawaomba Wakristo wanaoteseka kwa ajili ya imani yao:

— uwadumishe katika tumaini lao. (*W.*)

Baba Yetu

SALA

Bwana, utujulishe njia ya wokovu, ili, tukisha okolewa kutoka katika miko-no ya adui zetu, tukutumikie kiaminifu siku zote za maisha yetu. (Tuna-omba hayo) kwa njia ya Bwana wetu. (Kwa njia ya Kristo Bwana wetu.)

JUMA IV: IJUMAA

MASIFU YA ASUBUHI

UTENZI wa Kawaida

Mimi mzabibu mtakatifu,
Autunzao Babangu.
Kila tawi lisozaa matunda,
Baba yangu hulikata.
Kila tawi lizaalo lakini,
Hulichenga kwa makini;
Hulichenga ili lipate zaa
Mengi ajabu matunda.

Jueni mkikaa ndani yangu,
Nitakaa ndani yenu.
Lipate kuzaa matunda tawi,
Sheti liungane na mti.
Kwa hiyo basi ninyi mtashindwa
Kuzaa yenu matunda,
Ikiwa ninyi pamoja na mimi
Si mmoja mzabibu.

Mimi ndo uzaao mzabibu,
Ninyi mu matawi yangu.
Yeye ndani yangu anayekaa
Ndani yake nitakaa.
Na hapo ndipo mtakapozaa
Matunda mengi ajaa,
Lakini cho chote hamtazaa,
Mbali nami mkikaa.

ANT. I

Ant. ya Kawaida:

Uniumbie moyo safi, Ee Mungu; unitie roho thabiti.

Ant. ya Desemba 17-23:

Huyo atakayetawala atatoka Sion: 'Emanueli' ndilo jina lake kuu.

Ant. ya Kipindi cha Pasaka:

Kristo alijitoa mwenyewe kwa ajili yetu, awe dhabihu ya kupendeza na sadaka kwa Mungu, aleluya.

Zab. 51

Kuomba msamaha

Jirekebisheni upya rohani na katika fikra zenu.

Vaeni hali mpya ya utu (Ef 4:23-24)

Unihurumie, Ee Mungu, *
kwa sababu ya upendo wako mkuu;

ufutilie mbali uovu wangu, *
kwa sababu ya huruma yako kuu.

Unioshe kabisa kosa langu; *
unisafishe dhambi yangu.

Nakiri kabisa makosa yangu, *
daima naiona waziwazi dhambi yangu.

Nimekukosea wewe peke yako, *
nimetenda yaliyo mabaya mbele yako.

Hivyo wafanya sawa unaponihukumu, *
una haki kabisa unaponiadhibu.

Mimi ni mkosefu tangu kuzaliwa kwangu, *
mwenye dhambi tangu tumboni mwa mama yangu.

Wewe wataka unyofu wa ndani; *
hivyo nifundishe hekima moyoni.

Uniondolee dhambi, nitakate: *
unioshe, niwe mweupe pe.

Hapo nitaweza kufurahi tena; *
nitashangilia tena ingawa uliniponda.

Ugeuze uso wako, usiziangalie dhambi zangu; *
ukayafute makosa yangu yote.

Ee Mungu, uniumbie moyo safi, *
uweke ndani yanguroho mpya na thabiti.

Usinitupe mbali nawe; *
usiniondolee Roho wako mtakatifu.

Unifanye nifurahi tena kwa kuniokoa, *
unijalie moyo radhi wa utii.

Hapo nitawafundisha wakosefu mwongozo wako, *
nao wenye dhambi watarudi kwako.

Ee Mungu, Mungu mwokozi wangu, uniokoe na kifo, *
nami nitatangaza kwa furaha uadilifu wako.

Ifumbue midomo yangu, Ee Bwana, *
nipate kutangaza sifa zako.

Kwa kweli wewe hupendezwi na sadaka, /
ama sivyo mimi ningalikutolea. *
Wewe huna haja na sadaka za kuteketezwa.

Sadaka yangu kwako, Ee Mungu, ni moyo mnyofu; *
wewe, Ee Mungu, hukatai moyo mnyofu na mtiifu.

Ee Mungu, uutendee mji Sion mema: *
jenga tena upya kuta za Yerusalemu.

Hapo utapendezwa na sadaka za kweli; /
dhabihu na sadaka za kuteketezwa *
na fahali watatolewa sadaka madhabahuni pako.

Ant. ya Kawaida:

Uniumbie moyo safi, Ee Mungu; unitie roho thabiti.

Ant. ya Desemba 17-23:

Huyo atakayetawala atatoka Sion: 'Emanueli' ndilo jina lake kuu.

Ant. ya Kipindi cha Pasaka:

Kristo alijitoa mwenyewe kwa ajili yetu, awe dhabihu ya kupendeza na sadaka kwa Mungu, aleluya.

ANT. II

Ant. ya Kawaida:

Furahi, Ee Yerusalemu, maana kwa njia yako watu wote watakusanywa pamoja mbele ya Bwana.

Ant. ya Desemba 17-23:

Simameni imara. Mtauona msaada wa Bwana kwenu.

Ant. ya Kipindi cha Pasaka:

Yerusalemu, mji wa Mungu, utang'aa kwa mwanga, aleluya.

WIMBO: Tob. 13:8-11,13-15

Shukrani ya taifa lililokombolewa

Akanionyesha mji mtakatifu, yaani Yerusalemu,...

ukingaa kwa utukufu wa Mungu (Ufu. 21:10-11)

Naam, nitaushangilia ukuu wake. *

Watu wote wamtolee shukrani katika Yerusalemu.

Ee Yerusalemu! ulio Mji Mtakatifu! /

Atakurudi kwa ajili ya matendo ya wa nao; *

Tena atawarehemu watoto wa wenye haki.

Mshukuruni BWANA kwa utauwa; *

Mhimidini Mfalme wa milele.

Maskani yake ijengwe tena ndani yako kwa furaha, /

Ili awafurahishe ndani yako walio wafungwa, *

Na kuwapenda daima ndani yako walio na huzuni,

Mataifa mengi watakuja kutoka mbali, *

Hata kulijia jina la BWANA Mungu,

Wenye tunu mikononi mwao, *

Naam, tunu kwa Mfalme wa mbinguni.

Vizazi vya vizazi watakusifu, *

Na kukuimbia nyimbo za furaha.

Furahi, na kuwashangilia watoto wa wenye haki. /

Kwa maana watakusanywa pamoja, *

Na kumhimidi BWANA wa wenye haki.

Wa heri wote wakupendao; *
Watafurahiwa kwa ajili ya amani yako.

Wa heri walioyahuzunikia mapigo yako, ”
Kwa sababu watakufurahia;

Wakati watakapoiona fahari yako yote, /
Wakafurahishwa wenyewe hata milele. *
Roho yangu imhimidi Mungu, Mfalme mkuu.

Ant. ya Kawaida:

Uniumbie moyo safi, Ee Mungu; unitie roho thabiti.

Ant. ya Desemba 17-23:

Huyo atakayetawala atatoka Sion: 'Emanueli' ndilo jina lake kuu.

Ant. ya Kipindi cha Pasaka:

Kristo alijitoa mwenyewe kwa ajili yetu, awe dhabihu ya kupendeza na
sadaka kwa Mungu, aleluya.

ANT. III

Ant. ya Kawaida:

Sion, msifu Mungu wako, aliyelipeleka neno lake duniani.

Ant. ya Desemba 17-23:

Namtumainia Bwana; nitamngoja Mungu, mwokozi wangu.

Ant. ya Kipindi cha Pasaka:

Nikauona mji mpya, Yerusalemu, ukishuka kutoka mbinguni, aleluya.

Zab. 147:12-20

Ni vizuri kumsifu Mungu

Njoo! Mimi nitakuonyesha bibi arusi, mkewe Mwana-kondoo (Ufu. 21:9)

Ee Yerusalemu, umsifu Mungu! *

Umsifu Mungu wako, ee Sioni!

Maana ameiimarisha milango yako, *
amewabariki watu waliomo kwako.

Ameweka amani mipakani mwako; *
anakushibisha kwa ngano safi kabisa.

Yeye hupeleka amri yake duniani, *
na neno lake hutekelezwa upesi.

Hutandaza theluji kama pamba, *
hutawanya umande kama majivu.

Huleta mvua ya mawe /
— vipande vikubwa vikubwa kama mkate — *
na kwa ubaridi wake maji huganda.

Kisha hutoa amri, na maji hayo huyeyuka; *
huvumisha upepo wake, nayo hutiririka.

Humjulisha Yakobo ujumbe wake, *
na Israeli amri na maagizo yake.

Lakini watu wengine hakuwafanyia hayo; *
watu wengine hawayajui maagizo yake,

Ant. ya Kawaida:

Sion, msifu Mungu wako, aliyelipeleka neno lake duniani.

Ant. ya Desemba 17-23:

Namtumainia Bwana; nitamngoja Mungu, mwokozi wangu.

Ant. ya Kipindi cha Pasaka:

Nikauona mji mpya, Yerusalemu, ukishuka kutoka mbinguni, aleluya.

SOMO la Kawaida

Gal. 2:19b-20

Mimi nimeuawa pamoja na Kristo msalabani, na sasa naishi, lakini si mimi tena, bali Kristo anaishi ndani yangu. Maisha haya ninayoishi sasa naishi kwa imani, imani katika Mwana wa Mungu aliyenipenda hata akayatoa maisha yake kwa ajili yangu.

KIITIKIZANO

K. Namwita Bwana, aliye Mkuu kabisa, maana amenisaidia. (*W. warudie*)

K. Na anijie kutoka mbinguni, na kuniokoa.

W. Maana amenisaidia.

K. Atukuzwe Baba na Mwana na Roho Mtakatifu.

W. Namwita ...

Ant. ya Wimbo wa Zakaria:

Kwa njia ya rehema za Mungu wetu, Mwangaza utokao juu umetufikia.

MAOMBI

Kristo ni mfano wa Mungu asiyeonekana, mzaliwa wa kwanza wa viumbe vyote, na mzaliwa wa kwanza kutoka wafu. Vitu vyote hupatanishwa kwa njia yake, kwa kuwa yeye alileta amani kwa kifo chake msalabani. Tumwombe:

W. Bwana Yesu, njoo kwetu leo.

Kwa ubatizo tumeshirikishwa kifo chako:

— utuondolee uroho na wivu, na ututie nguvu na upole wa moyo wako. (*W.*)

Kwa njia ya Roho Mtakatifu tuliyepelele, sisi tumetiwa muhuri;

— utuimarisha katika utumishi wako, na utusaidie tukushuhudia katika jumuiya yetu. (*W.*)

Kabla ya kuteswa kwako, ulitamani kula karamu ya pasaka pamoja na wafuasi wako:

— kwa kushiriki Ekaristi Takatifu, utujalie tushiriki pia ufufuko wako. (*W.*)

Unaendelea kufanya kazi kwa njia ya waamini wako:

— kwa kuwatumia hao, ondoa dhuluma na uharibifu, ukajenge dunia mpya yenye ustawi, uhuru na matumaini. (*W.*)

Baba Yetu

SALA

Bwana Mungu, utujalie neema zako zote sisi ambao tumekusanyika hapa kusali. Kadiri unavyofanya kazi ndani yetu ili kutudumisha katika njia zako, tupatiwe kitulizo katika maisha haya, na furaha za milele katika maisha yajayo. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMA IV: JUMAMOSI

MASIFU YA ASUBUHI

UTENZI wa Kawaida

Imbeni enyi viumbe vyote,
Muimbieni Mungu kwa shangwe!
Kwa furaha mtumikieni,
Mkiimba za ibada tenzi!

Huku mkiimba sifa zake,
Njoooni! Njoni mbele zake!
Msifuni Mwenyezi!

Jueni ya kwamba Mungu wetu
Ni Bwana wa zote nyakati!
Yeye ndiye mwumba wetu sisi;
Sisi sote tu viumbe vyake!
Tu watu aliotuumba,
Tu kondoo anaotulisha!
Msifuni Mwenyezi!

Wa fadhili ni mwingi kabisa,
Tumwabuduye wetu Bwana;
Ni wa kudumu wake wema,
Upendo wake mwisho hauna
Neno lake Yeye ni amini,
La milele, halibadiliki!
Msifuni Mwenyezi!

ANT. I

Ant. ya Kawaida:

Ni vema kuliambia jina lako, Ee Uliye Juu, na kutangaza fadhili zako asubuhi.

Ant. ya Desemba 24:

Wewe, Betlehemu, hutakuwa wa mwisho kati ya miji ya Yuda: maana kiongozi atakayelitawala taifa langu Israeli, atakuja kutoka kwako.

Ant. ya Kipindi cha Pasaka:

Ee Bwana, jinsi yalivyo makuu matendo yako! Aleluya.

Zab. 92

Wimbo wa kumsifu Mungu

Matendo ya Mwana wa pekee wa Mungu yanasifiwa (Mt. Athanasius)

Ni vema kukushukuru, Ee Mungu, *
kuimba kwa heshima yako, Ee Mungu Mkuu.

Ni vema kutangaza upendo wako mkuu asubuhi, *
na uaminifu wako kila usiku,

kwa muziki wa zeze na kinanda, *
kwa sauti tamu ya kinubi.

Ee Mungu, matendo yako makuu yanifurahisha; *
nitashangilia kwa sababu ya mambo yote uliyotenda.

Matendo yako, Ee Mungu, ni makuu mno! *
Mawazo yako ni mazito mno!

Mtu mpumbavu hawezi kufahamu, *
wala mjinga hajui jambo hili:

kwamba waovu waweza kusitawi kama nyasi; *
watenda maovu waweza kupata fanaka,

lakini mwisho wao wote ni kuangamia milele; *
maana wewe, Ee Mungu, ni mkuu milele.

Maana tazama, Ee Mungu, /
adui zako hakika wataangamia; *
wote watendao maovu, watatawanyika!

Wewe umenipa nguvu kama nyati; *
umenimiminia mafuta ya furaha.

Kwa macho nimeona adui zangu wameshindwa; *
nimesikia kilio chao watendao maovu.

Waadilifu husitawi kama mtende; *
hukua kama mwerezi wa Lebanon!

Kama mti uliopandwa katika nyumba ya Mungu, *
wanasitawi katika nyua za Mungu wetu.

Ingawa wamezeeka, wataendelea kuwa na nguvu; *
wapate kuutangaza uadilifu wa Mungu,

na kwamba hamna uovu wowote, *
kwake yeye aliye ngome yangu.

Ant. ya Kawaida:

Ni vema kuliimbia jina lako, Ee Uliye Juu, na kutangaza fadhili zako asubuhi.

Ant. ya Desemba 24:

Wewe, Betlehemu, hutakuwa wa mwisho kati ya miji ya Yuda: maana kiongozi atakayelitawala taifa langu Israeli, atakuja kutoka kwako.

Ant. ya Kipindi cha Pasaka:

Ee Bwana, jinsi yalivyo makuu matendo yako! Aleluya.

ANT. II

Ant. ya Kawaida:

Nitawapeni moyo mpya, na kuwatia roho mpya.

Ant. ya Desemba 24:

Inueni vichwa vyenu, maana wokovu wenu umekaribia.

Ant. ya Kipindi cha Pasaka:

Nitawaosha kwa maji safi, aleluya.

WIMBO: Eze. 36:24-28

Bwana atawapa watu wake uzima mpya

Watakuwa watu wake, naye atakuwa Mungu wao;

jina lake ni Mungu-pamoja-nao (Rej. Ufu. 21:3)

Nitawatwaa kati ya mataifa, /

nami nitawakusanya na kuwatoa katika nchi zote, *

na kuwarudisha katika nchi yenu wenyewe.

Nami nitawanyunyizia maji safi, *

nanyi mtakuwa safi;

nitawatakaseni na uchafu wenu wote, *

na vinyago vyenu vyote.

Nami nitawapa ninyi moyo mpya, *

nami nitatia roho mpya ndani yenu,

nami nitatoa moyo wa jiwe /

uliomo ndani ya mwili wenu, *

nami nitawapa moyo wa nyama.

Nami nitatia roho yangu ndani yenu, *

na kuwaendesha katika sheria zangu,

nanyi mtazishika hukumu zangu, *

na kuzitenda.

Nanyi mtakaa katika nchi ile *
niliyowapa baba zenu,
nanyi mtakuwa watu wangu, *
nami nitakuwa Mungu wenu.

Ant. ya Kawaida:

Nitawapeni moyo mpya, na kuwatia roho mpya.

Ant. ya Desemba 24:

Inueni vichwa vyenu, maana wokovu wenu umekaribia.

Ant. ya Kipindi cha Pasaka:

Nitawaosha kwa maji safi, aleluya.

ANT. III

Ant. ya Kawaida:

Vinywa vya watoto vyakusifu, Bwana.

Ant. ya Desemba 24:

Bwana, Mungu Mwenyezi, asema: Kesho utapata wokovu wako.

Ant. ya K. cha Pasaka:

Vitu vyote ni vyenu, na ninyi ni mali ya Kristo, na Kristo ni wa Mungu, aleluya.

Zab. 8

Utukufu wa Mungu na cheo cha binadamu

Mungu ameweka vitu vyote chini ya miguu yake,

akamkabidhi kwa kanisa, akiwa ndio mkuu wa vitu vyote (Ef. 1:22)

Ee Mwenyezi, Bwana wetu, /
jina lako latukuka kote duniani! *
Utukufu wako wafika hata mbinguni;

wasifika na vinywa vya watoto wadogo na wachanga. /
Wewe uko imara mbele ya wapinzani wako; *
wawakomesha maadui na waasi.

Nikiangalia anga, /
kazi ya vidole vyako mwenyewe, *
mwezi na nyota ulivyoviumba:

mtu ni nini, Ee Mungu, hata umfikirie? *
Mwanadamu ni nini hata umjali?

Hata hivyo, ulimfanya mdogo kidogo tu, /
kuliko wewe mwenyewe, *
na umemvika taji ya utukufu na heshima,
Ulimpa mamlaka juu ya kazi zako zote; *
uliviweka viumbe vyote chini ya miguu yake;
kondoo, ng'ombe na wanyama wa porini; *
ndege, samaki na viumbe vyote vya baharini.

Ee Mwenyezi, Bwana wetu: *
Jina lako latukuka duniani kote!

Ant. ya Kawaida:

Vinywa vya watoto vyakusifu, Bwana.

Ant. ya Desemba 24:

Bwana, Mungu Mwenyezi, asema: Kesho utapata wokovu wako.

Ant. ya K. cha Pasaka:

Vitu vyote ni vyenu, na ninyi ni mali ya Kristo, na Kristo ni wa Mungu, aleluya.

SOMO la Kawaida

2 Pet. 3:13-14

Kufuatana na ahadi zake, twangojea mbingu mpya na dunia mpya ambayo imejaa uadilifu. Kwa hiyo, wapenzi wangu, mkiwa mnangojea Siku hiyo, fanyeni bidii kuwa safi kabisa, bila hatia mbele ya Mungu, na kuwa na amani naye.

KIITIKIZANO

K. Midomo yangu itafurahi nitakapokuimbia. (*W. warudie*)

K. Ulimi wangu utasimulia haki yako.

W. Nitakapokuimbia.

K. Atukuzwe Baba na Mwana na Roho Mtakatifu.

W. Midomo...

Ant. ya Wimbo wa Zakaria:

Bwana, iongoze miguu yetu katika njia ya amani.

MAOMBI

Karama ya Mungu haikuwa roho ya woga, bali Roho wa nguvu, upendo na kiasi. Kwa imani na matumaini, tunaomba:

W. Baba, umtume kwetu Roho wako.

Utukuzwe, Ee Mungu, Baba ya Bwana wetu Yesu Kristo:

— kwa njia ya Kristo umetujalia mema yote ya kiroho. (*W.*)

Kwa uwezo wa Roho Mtakatifu, Mama Maria alimleta Kristo duniani;

— kwa njia ya Kanisa Kristo na azaliwe tena leo katika mioyo ya watu. (*W.*)

Baba, Roho wako atuondoe katika upweke,

— na atuwezeshe kufungua macho ya vipofu, kumhubiri Neno wako ambaye ni nuru, na kunufaika pamoja maishani. (*W.*)

Jitihada zetu za kuutafuta utawala wako zisishindwe kwa sababu ya ubinafsi au woga;

— Roho Mtakatifu ahuishe ulimwengu, ili familia zetu zionyeshe kuwa kweli dunia imekombolewa: (*W.*)

Baba Yetu

SALA

Mungu Mwenyezi wa milele, Nuru ya kweli isiyo na mwisho, ulifukuze giza la dhambi asubuhi hii, na uzijaze akili zetu matumaini ya ujio wako. (Tunaomba hayo) kwa njia ya Bwana wetu.

SHEREHE ZA BWANA

Jumapili baada ya Pentekoste

UTATU MTAKATIFU

MASIFU YA ASUBUHI

Ant. ya Mwaliko:

Mungu wa kweli ni mmoja katika Utatu, na Utatu katika Mungu
Mmoja: njooni, tumwabudu.

UTENZI

Baba mtakatifu sana sana,
Mwingi wa fadhili na wa huruma,
Kristo uliyetukuzwa juu,
Bwana mkuu wa wokovu wetu,
Pia Roho wa ushauri mwema,
Ulishaye ulimwengu mzima;
Ndiwe Mungu uishiye milele.

Ni wewe Utatu Mtakatifu,
Umoja usotikisika kamwe,
Mungu wa kweli wewe peke yako,
Bahari ya ukarimu upeo,
Nuru ya malaika wa mbinguni,
Wasaidie wasio na wenzi,
Wahifadhi walioachwa pweke.

Vitu vyote wewe umeviumba,
Na kila kimoja chakutangaza,
Sikuzote kikikutumikia
Kulingana na kilivyopangiwa;
Nasi pia utenzi twakwimbia,
Masifu yetu ya dhati sikia,
Twakuomba sikio tutegee.

Bila mwisho usifiwe daima,
Wewe usiyefungwa na mipaka,
Ni Mungu katika Nafsi tatu,
Mungu ukaaye mbinguni juu,
Ambako waabudiwa daima,
Na po pote wafanyiwa heshima,
Na kupewa shukrani milele.

ZABURI

Zaburi na wimbo, taz. Jumapili, Juma 1, uk. 676 nk.

Ant. 1: Enzi yote na nguvu, utukufu na heshima, sifa na ibada ni mali yako, Ee Utatu Mtakatifu, daima na milele.

Ant. 2: Viumbe vyako vyote kwa haki vinakusifu, vinakuabudu na kukuheshimu, Ee Utatu Mtakatifu.

Ant. 3: Vitu vyote vimetoka kwake, vimeumbwa kwa njia yake, na vimo ndani yake: atukuzwe milele.

SOMO

1 Kor. 12:4-6

Vipaji vya kiroho ni vya namna nyingi, lakini Roho avitoaye hivyo ni mmoja. Kuna namna nyingi za kutumikia, lakini Bwana anayetumikiwa ni mmoja kuna namna mbalimbali za kufanya kazi ya huduma, lakini Mungu ni mmoja anayewezesha kazi zote katika wote.

KIITIKIZANO

K. Sifa na utukufu kwako, Ee Utatu Mtakatifu. (*W. warudie*)

K. Shukrani kwako daima na milele.

W. Ee Utatu Mtakatifu.

K. Atukuzwe Baba na Mwana na Roho Mtakatifu.

W. Sifa...

Ant. ya Wimbo wa Zakaria:

Atukuzwe mwumba na mtawala wa vitu vyote, Utatu Mtakatifu usiogawanyika, sasa na hata milele.

MAOMBI

Tukiwa tumejaa furaha asubuhi hii, tunamwabudu na kumtukuza Baba, Mwana na Roho Mtakatifu, tukisema:

W. Atukuzwe Baba na Mwana na Roho Mtakatifu.

Baba Mtakatifu, peke yetu sisi si kitu. Tunaomba utupatie Roho Mtakatifu,

— ili atuimarishe katika udhaifu wetu, na atuombee kwako. (*W.*)

Mwana wa Mungu, ulimwomba Baba aliletee Kanisa lako Mfariji:

— Roho huyo wa Ukweli adumu nasi daima. (*W.*)

Njoo, Roho Mtakatifu, na utupatie vipaji vyako kwa wingi. Utufanye tuwe na upendo, furaha, amani, saburi na wema;

— utupatie unyofu, uvumilivu, upole, imani, adabu, kiasi, na hali ya kutunza ubikira na kushika uaminifu katika ndoa. (*W.*)

Baba Mwenyezi, ulimtuma Roho wa Mwanao aje mjoyoni mwetu;

— utujaze Roho wako, ili pamoja na Kristo tuwe warithi wako. (*W.*)

Bwana Yesu Kristo, ulimshusha Roho Mtakatifu kutoka kwa Baba ili akushuhudia:

— utuwezeshe nasi pia kukushuhudia mbele ya watu. (*W.*)

Baba Yetu

SALA

Mungu Baba yetu, uliwafumbulia watu fumbo kuu la umungu wako pale ulipowatuma ulimwenguni Neno ambaye ni Ukweli, na Roho ambaye hututakatifuza. Utusaidie tuweze kukusadiki na kukuabudu, kama imani ya kweli inavyofundisha: Nafsi tatu, zenye utukufu milele, Mungu mmoja, mwenye enzi isiyopimika. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

Alhamisi (au Jumapili) baada ya Utatu Mtakatifu

MWILI NA DAMU YA KRISTO

MASIFU YA ASUBUHI

Ant. ya Mwaliko:

Kristo Bwana ni mkate wa uzima: njooni, tumwabudu.

UTENZI

Kutoka juu kabisa
Baba atuma Mwanae,
Ambaye licha ya kwenda
Hubaki naye Babae.
Neno alifanywa mtu
Kwa ajili yetu watu
Kaishi yake maisha
Hadi jioni ya mwisho.

Wakati Yuda apanga
Ya usaliti ishara
Iwe busu la dhihaka
Lisalitilo Upendo,
Yesu katika maumbo
Ya mkate na divai
Sadakaye aonyesha,
Sadaka ya kupendeza.

Mwenyewe anajitoa
Imani iweze ona
Chakula kile cha mbingu
Wakilacho wanadamu,
Kusudi mwili na damu -
Yaani mtu mzima —
Viweze kweli kulishwa
Na Mwili na damu yake.

Kwa kuzawa mwanadamu
Ajifanya ndugu yetu;
Na kama chakula yupo
Mbele ya wageni wake;
Achukua msalaba
Wa dhambi zetu na kufa;
Mbinguni anatawala,
Tuzo letu barikiwa.

E Kuhani na Kafara,
Ewe Bwana wa Uzima,
Ifungue kweli wazi
Milango ya Paradisi!
Twawakabili adui
Vita visivyo na mwisho;
Wewe ndiwe nguvu yetu!
Sikiza vilio vyetu!

Sifa sizizo na mwisho;
Kwake Baba na kwa Mwana
Na Roho Mtakatifu,
Bali Mungu Mmoja tu!
Kwa wema atupatie
Pumziko 'starehe
Huko mbinguni nyumbani
Daima hata milele!

ZABURI

Zaburi na wimbo, taz. Jumapili, Juma 1, uk. 676 nk.

Ant. 1: Watu wako wanakula chakula cha malaika, unawapa mkate utokao mbinguni, aleluya.

Ant. 2: Makuhani huwekwa wakf ili wamtotee Mungu ubani na mkate, aleluya.

Ant. 3: Atakayeshinda nitampa manna iliyofichika, na jina jipya, aleluya.

Tokea maawio ya jua hata machweo yake jina langu ni kuu katika Mataifa; na katika kila mahali unatolewa uvumba na dhabihu safi kwa jina langu; maana jina langu ni kuu katika Mataifa, asema BWANA wa majeshi.

KIITIKIZANO

K. Unatupatia mkate kutoka ardhini, aleluya, aleluya. (*W. warudie*)

K. Divai yako yauburudisha moyo wa binadamu.

W. Aleluya, aleluya.

K. Atukuzwe Baba na Mwana na Roho Mtakatifu.

W. Unatupatia ...

Ant. ya Wimbo wa Zakaria:

Mimi ndimi mkate wa uzima, ulioshuka kutoka mbinguni; ye yote aulaye mkate huu, ataishi milele, aleluya.

MAOMBI

Kwa furaha tunamwomba Yesu Kristo, aliye mkate wa uzima, tukisema:

W. Bwana, wana heri wale ambao wamealikwa kwenye karamu yako.

Bwana Yesu Kristo, kuhani mkuu wa agano jipya na la milele, pale msalabani ulitolea sadaka kamili kwa Baba:

— utufundishe namna ya kutolea sadaka hiyo pamoja nawe. (*W.*)

Bwana Yesu Kristo, mfalme wa amani na haki, ulifanya mkate na divai viwe ishara ya kujitoa kwako mhanga:

Upendo wa Bwana Mungu

Ulionyeshwa kwa watu

Katika moyo majeruhi

Wa Kristo wetu Mwokozi;

Atuomba tushiriki

Sasa Msalaba wake,

Katika matendo yake

Sehemu yetu tushike.

Sisi hapa ni zawadi

Ya Baba kwa Kristo

Aliyewapenda watu,

Kuwapenda hata mwisho;

Mzigo wake mwepesi

Kwa shangwe twauchukua,

Kwa furaha twainama

Tufungiwe yake nira.

Penye upendo wa kweli

Na palipo na fadhili,

Hapo Mungu wa upendo

Daima atakuwapo;

Bwana atufunga sisi

Kwa mnyororo mwepesi

Unaowaacha huru

Wafungwa walio radhi.

Asifiwe Baba, Mwana

SALA

Bwana Yesu Kristo, umeliachia Kanisa lako ukumbusho wa mateso yako katika sakramenti ya ajabu. Utufundishe kuabudu fumbo takatifu la mwili na damu yako hivi kwamba uwezo wake wa kuokoa ututakati-fuze daima. Unayeishi na kutawala na Baba na Roho Mtakatifu, Mungu, daima na milele. (Unayeishi na kutawala daima na milele.)

Ijumaa baada ya Jumapili ya Pili baada ya Pentekoste

MOYO MTAKATIFU WA YESU

MASIFU YA ASUBUHI

Ant. ya Mwaliko:

Moyo wa Yesu ulijeruhiwa kwa sababu alitupenda sisi; njooni, tumwabudu.

UTENZI

Upendo wa Bwana Mungu
Ulionyeshwa kwa watu
Katika moyo majeruhi
Wa Kristo wetu Mwokozi;
Atuomba tushiriki
Sasa Msalaba wake,
Katika matendo yake
Sehemu yetu tushike.

Sisi hapa ni zawadi
Ya Baba kwa Kristo
Aliyewapenda watu,
Kuwapenda hata mwisho;
Mzigo wake mwepesi
Kwa shangwe twauchukua,
Kwa furaha twainama
Tufungiwe yake nira.

Penye upendo wa kweli
Na palipo na fadhili,
Hapo Mungu wa upendo
Daima atakuwapo;
Bwana atufunga sisi
Kwa mnyororo mwepesi
Unaowaacha huru
Wafungwa walio radhi.

Asifiwe Baba, Mwana
Na Roho Mtakatifu,
Wa milele, wa daima
Utatu wa utukufu,
Maskani wafanyao
Na kubaki hata mwisho
Katika minyenyekevu
Mioyo yenye upendo.

ZABURI

Zaburi na wimbo, taz. Jumapili, Juma 1, uk. 676 nk.

Ant. 1: Yesu akasimama na kusema kwa sauti kubwa: 'Aonaye kiu, na aje kwangu anywe.'

Ant. 2: Njooi kwangu, ninyi nyote mnaosumbuka na kulemewa na mizigo, nami nitawapumzisha.

Ant. 3: Mwanangu, nipe moyo wako, uzingatie ushauri wangu.

SOMO

Yer. 31:32

Agano hili ndilo nitakalofanya na nyumba ya Israeli, baada ya siku zile, asema BWANA; Nitatia sheria yangu ndani yao, na katika mioyo yao nitaandika; nami nitakuwa Mungu wao, nao watakuwa watu wangu.

KIITIKIZANO

K. Jitwikeni nira yangu; jifunzeni kwangu. (*W. warudie*)

K. Mimi ni mpole na mnyenyekevu wa moyo.

W. Jifunzeni kwangu.

K. Atukuzwe Baba na Mwana na Roho Mtakatifu.

W. Jitwikeni ...

Ant. ya Wimbo wa Zakaria:

Katika upole na huruma yake, Mungu ametujia; amewakomboa watu wake, aleluya.

MAOMBI

Twamwomba Yesu, ambaye ni mpole na mnyenyekevu wa moyo, kwa kumwambia:

W. Bwana mpendwa, utuhurumie.

Yesu, umungu wote umo ndani yako:

— utuwezeshe kushiriki umungu wako. (*W.*)

Yesu, ndani yako zimo hazina zote za hekima na elimu:

— kwa njia ya Kanisa lako utuonyeshe hekima ya Mungu iliyo ya namna nyingi. (*W.*)

Yesu, Baba alipendezwa nawe sana:

— utuwezeshe kushikilia mafundisho yako (*W.*)

Yesu, sisi sote tumenufaishwa na utimilifu wako:

— utujalie kwa wingi neema na ukweli wa Baba. (*W.*)

Yesu, wewe ni chanzo cha uzima na utakatifu:
— ututakatifuze na kutukamilisha katika upendo. (*W.*)

Baba Yetu

SALA

Mungu Mwenyezi na Baba, twaona fahari juu ya Moyo Mtakatifu wa Yesu, Mwanao mpendwa, tunapokumbuka mambo makuu aliyotutendea kwa upendo wake. Utujaze neema zinazobubujika kwa wingi kutoka Moyo wa Yesu, chemchemi ya baraka za mbinguni. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI ZA MWAKA

JUMA LA 1 *(Sala za Zaburi: Juma 1)*

Badala ya Jumapili ya kwanza ya mwaka, huadhimishwa Sikukuu ya Ubatizo wa Bwana.

JUMAPILI LA 2 *(Sala za Zaburi: Juma 2)*

MASIFU YA ASUBUHI

Ant. ya Wimbo wa Zakaria:

Wale wanafunzi wakaenda, wakaona mahali ambapo Yesu alikuwa anakaa, wakashinda naye siku hiyo.

SALA

Mungu Mwenyezi, mtawala wa vyote, mbinguni na duniani, isikilize kwa wema sala ya taifa lako, na utujalie amani yako maishani mwetu. (Tunomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 3 *(Sala za Zaburi: Juma 3)*

MASIFU YA ASUBUHI

Ant. ya Wimbo wa Zakaria:

Njooni, nifuateni, alisema Bwana; nitawafanya muwe wavuvi wa watu.

SALA

Mungu Mwenyezi wa milele, uyaongoze matendo yetu yafuate mapenzi yako, ili maisha yetu yote yakolezwe na yote tufanyayo kwa jina la Yesu, Mwanao mpendwa, anayeishi na kutawala nawe na Roho Mtakatifu, Mungu, daima na milele. (Anayeishi na kutawala daima na milele.)

JUMAPILI LA 4 *(Sala za Zaburi: Juma 4)*

MASIFU YA ASUBUHI

Ant. ya Wimbo wa Zakaria:

Watu walishangazwa na mafundisho yake, maana wafundisha kama mtu mwenye mamlaka.

SALA

Bwana Mungu wetu, utuwezeshe kukupenda wewe kuliko vitu vyote, na ku-

wapenda binadamu wenzetu wote kwa upendo unaokubalika kwako. (Tunaomba hayo) kwa njia ya Bwana wetu. Kwa njia ya Kristo Bwana wetu.)

JUMAPILI LA 5 *(Sala za Zaburi: Juma 1)*

MASIFU YA ASUBUHI

Ant. ya Wimbo wa Zakaria:

Yesu aliamka mapema asubuhi, akaondoka hapo nyumbani. Alikwenda mahali pa faragha, akasali huko.

SALA

Bwana, uilinde familia yako kwa upendo wa daima, kwa kuwa tegemeo letu lote ni katika neema yako. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 6 *(Sala za Zaburi: Juma 2)*

MASIFU YA ASUBUHI

Ant. ya Wimbo wa Zakaria:

Bwana, ukitaka, waweza kunitakasa. Yesu akajibu: Nataka, takasika.

SALA

Bwana, wale wanaokupenda unawaahidi kuwaendea pamoja na Mwanao, na kufanya makao yako ndani yao. Basi, uje na neema yako ya utakaso, na uigeuze mioyo yetu iwe maskani yako. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 7 *(Sala za Zaburi: Juma 3)*

MASIFU YA ASUBUHI

Ant. ya Wimbo wa Zakaria:

Yule mtu aliyepooza akachukua kitanda chake alichokuwa analalia, akamtukuza Mungu. Watu walipoona hayo, nao wakamtukuza Mungu.

SALA

Mungu Mwenyezi, utujalie, tukiwa tunawazia daima mambo ya Roho, tuweze kukupendeza kwa maneno na matendo yetu yote. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 8 *(Sala za Zaburi: Juma 4)*

MASIFU YA ASUBUHI

Ant. ya Wimbo wa Zakaria:

Hakuna mtu atiaye divai mpya katika viriba kuukuu; divai mpya ni lazima iwekwe katika viriba vipya.

SALA

Bwana, kwa huruma yako, uyaongoze mambo ya wanadamu kwa amani hivi hata Kanisa lako liweze kukutumikia katika utulivu na furaha. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 9 *(Sala za Zaburi: Juma 1)*

MASIFU YA ASUBUHI

Ant. ya Wimbo wa Zakaria:

Sabato iliwekwa kwa manufaa ya binadamu; mwanadamu hakuumbwa kwa ajili ya Sabato.

SALA

Bwana Mungu, unayeongoza maisha yetu kwa hekima na upendo wa milele, utuondolee yote yanayoweza kutudhuru, na utujalie yote yatakayotufaa. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 10 *(Sala za Zaburi: Juma 2)*

MASIFU YA ASUBUHI

Ant. ya Wimbo wa Zakaria:

Ye yote anayetekeleza matakwa ya Mungu, huyo ni kaka yangu, na dada yangu, na mama yangu.

SALA

Bwana Mungu, uliye asili ya mema yote, ulisikie ombi letu: utuwezeshe kuwa na nia njema, na utusaidie kuzitimiza. (Tunaomba hayo) kwa njia ya Bwana wetu.

JUMAPILI LA 11 *(Sala za Zaburi: Juma 3)*

MASIFU YA ASUBUHI

Ant. ya Wimbo wa Zakaria:

Utawala wa mbinguni umefanana na punje ya haradali, ambayo ni ndogo kuliko mbegu zote; lakini ikiota, hukua na kuwa kichaka kikubwa kuliko vichaka vyote.

SALA

Bwana Mungu, nguvu ya wale wanaokutumainia, utujalie tuniyoomba: kwa kuwa sisi ni dhaifu, na bila wewe hatuwezi kufanya cho chote, utupatie daima neema zako ili, katika kutimiza amri zako, tukupendeze katika yote tunayotamani na kutenda. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 12 *(Sala za Zaburi: Juma 4)*

MASIFU YA ASUBUHI

Ant. ya Wimbo wa Zakaria:

Utuokoe, Bwana, tuko hatarini! Ee Mungu, amuru, na amani itakuwepo.

SALA

Bwana Mungu, utufundishe daima kuliheshimu na kulipenda jina lako takatifu, kwa maana huachi kamwe kuwaongoza wale unaowaimarisha katika upendo wako. (Tunaomba hayo) kwa njia ya Bwana wetu, (Kwa njia ya Kristo Bwana wetu.)

JUMAPILI LA 13 *(Sala za Zaburi: Juma 1)*

MASIFU YA ASUBUHI

Ant. ya Wimbo wa Zakaria:

Yesu akageuka, akamwona yule mwanamke, akamwambia, ‘Jipe moyo, binti: imani yako imekuponya,’ aleluya.

SALA

Bwana Mungu, kwa kuwa umetufanya tuwe watoto wa nuru kwa neema uliyotujalia: usiruhusu mafundisho ya uwongo yatutie giza akilini, ila ujalie nuru yako iangaze ndani mwetu, nasi tuishi daima katika mwanga wa ukweli. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 14 *(Sala za Zaburi: Juma 2)*

MASIFU YA ASUBUHI

Ant. ya Wimbo wa Zakaria:

Wengi waliposikia mafundisho ya Yesu, walishangaa wakasema, ‘Je, huyu ameyapata wapi hayo? Je, huyu si yule seremala, mwana wa Maria?’

SALA

Bwana Mungu, ulimwengu wetu ulipokuwa umeanguka na kuwa magofu, wewe uliujenga upya juu ya msingi wa mateso na kifo cha Mwanao; utupatie neema ya kufurahia kuondokana kwetu na dhambi, uhuru ambao Mwanao alijipatia kwa ajili yetu, na utufikishe kwenye furaha ya milele. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 15 *(Sala za Zaburi: Juma 3)*

MASIFU YA ASUBUHI

Ant. ya Wimbo wa Zakaria:

Wanafunzi wakaenda kuhubiri juu ya toba: na wakawaponya wagonjwa wengi kwa kuwapaka mfuta.

SALA

Mungu na Baba, wale wanaopotoka unawaonyesha mwanga wa ukweli wako, na unawawezesha kurudi kwenye njia inayotakiwa: uwajalie wote waliopokea neema ya ubatizo wajitahidi kuishi kadiri ya wito wao wa Ukristo, na wayakatae yote yanayopingana na wito huo. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 16 *(Sala za Zaburi: Juma 4)*

MASIFU YA ASUBUHI

Ant. ya Wimbo wa Zakaria:

Yesu aliwaona watu, makundi kwa makundi, akawaonea huruma kwa sababu walikuwa kama kondoo wasio na mchungaji.

SALA

Bwana, utufadhili sisi tunaokutumikia, na kwa wema wako, utuongeze neema zako: ili, tukiwa na moyo wa imani, matumaini na mapendo, tuweze daima kuwa macho, na kuendelea kuzishika amri zako. Tuna-

omba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 17 *(Sala za Zaburi: Juma 1)*

MASIFU YA ASUBUHI

Ant. ya Wimbo wa Zakaria:

Watu walipoiona ishara hiyo aliyoifanya Yesu, wakasema, ‘Hakika huyu ndiye Nabii ajaye ulimwenguni.’

SALA

Bwana Mungu, mlinzi wa wale wanaokutumainia, pasipo wewe hakuna lililo thabiti, hakuna lililo takatifu: ututegemeze daima kwa upendo wako. Utuelekeze jinsi ya kutumia vitu vya ulimwengu hata tuweze, kwa wakati huu, kuzingatia yale yanayodumu milele. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 18 *(Sala za Zaburi: Juma 2)*

MASIFU YA ASUBUHI

Ant. ya Wimbo wa Zakaria:

Msikishughulikie chakula kinachoharibika, bali kishughulikieni chakula kinachodumu kwa ajili ya uzima wa milele.

SALA

Kwa furaha tunatambua kwamba wewe, Bwana, ulituumba, na kwamba unatuongoza kwa hekima yako, Kwa wema wako wa daima, ulisikie ombi letu: ututie upya uzima wako, uulinde na kuufanya uzae matunda kwa ajili ya umilele. (Tunaomba hayo) Ka, njia ya Bwana wetu. (Kwa njia ya Kristo Bwana wetu.)

JUMAPILI LA 19 *(Sala za Zaburi: Juma 3)*

MASIFU YA ASUBUHI

Ant. ya Wimbo wa Zakaria:

Kweli, nawaambieni, ye yote aniaminiye, anao uzima wa milele, aleluya.

SALA

Mungu Mwenyezi wa milele, kwa imani na matumaini tunakuita wewe ‘Baba’ na pia ‘Bwana’. Ututie upya Roho wako mioyoni mwetu, utufanye tuwe watoto wako kwa ukamilifu zaidi na zaidi, ili tuweze

kuupata urithi uliotuahidia. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 20 *(Sala za Zaburi: Juma 4)*

MASIFU YA ASUBUHI

Ant. ya Wimbo wa Zakaria:

Mimi ni mkate hai ulioshuka kutoka mbinguni. Mtu ye yote akila mkate huu ataishi milele, aleluya.

SALA

Bwana Mungu, umewatayarishia watu wakupendao wale ambayo jicho halijapata kuona, wala sikio kusikia. Ijaze mioyo yetu upendo wako, ili kwa kukupenda wewe kuliko yote na katika yote, tutimiziwe ahadi zako ambazo moyo wa binadamu haujapata kuziwazia. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 21 *(Sala za Zaburi: Juma 1)*

MASIFU YA ASUBUHI

Ant. ya Wimbo wa Zakaria:

Bwana, tutakwenda kwa nani? Wewe unayo maneno yaletayo uzima wa milele. Sisi tunaamini, na tunajua kwamba wewe ndiwe Kristo, Mwana wa Mungu, aleluya.

SALA

Bwana, kwa neema yako tumefanywa tuwe na roho moja na moyo mmoja, Utujalie tupende unachotuamuru, na tutamani unachotuahidia, ili, katika mawimbi ya mabadiliko ya ulimwengu huu, mioyo yetu ielekezwe kwenye ulimwengu wa furaha zisizo na mwisho. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 22 *(Sala za Zaburi: Juma 2)*

MASIFU YA ASUBUHI

Ant. ya Wimbo wa Zakaria:

Sikilizeni na kuyaelewa mapokeo haya, ambayo Bwana amewapeni.

SALA

Mungu mwenye ezi na nguvu, kila jema ni zawadi tunayopata kutoka

kwako. Utie mioyoni mwetu upendo wa jina lako, utuongeze ari ya kukutumikia, uyakuze na kuyatunza yale yaliyo mema ndani yetu. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 23 *(Sala za Zaburi: Juma 3)*

MASIFU YA ASUBUHI

Ant. ya Wimbo wa Zakaria:

Amefanya yote vyema: amewajalia viziwi wasikie, na bubu waseme, aleluya.

SALA

Mungu baba yetu, kwa kuwa ukombozi watoka kwako na kutujia sisi tuliofanywa kuwa watoto wako: uitazame kwa wema familia uipendayo, utupatie uhuru wa kweli sisi na wote wanaomwamini Kristo, na utujalie sote kuupata urithi wetu wa miele (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 24 *(Sala za Zaburi: Juma 4)*

MASIFU YA ASUBUHI

Ant. ya Wimbo wa Zakaria:

Mtu atakayepoteza maisha yake kwa ajili yangu, na kwa ajili ya Habari Njema, huyo atakaokoa maisha yake, asema Bwana.

SALA

Ututazame, Bwana, mwumba na utawala wa ulimwengu mzima: utuwezeshe kukutumikia kwa moyo wetu wote, ili tupate kufaidi uwezo wa huruma na upendo wako. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 25 *(Sala za Zaburi: Juma 1)*

MASIFU YA ASUBUHI

Ant. ya Wimbo wa Zakaria:

Aliye mkuu kati yenu, ni lazima awe mtumishi wenu, asema Bwana. Ye yote anayejinyenyekeza atakwezwa, aleluya.

SALA

Baba, sheria yote ulijumlisha katika amri ya mapendo kwako na kwa

jirani zetu. Utujalie, kwa kuishika amri hiyo, tuweze kuupata uzima wa milele. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 26 *(Sala za Zaburi: Juma 2)*

MASIFU YA ASUBUHI

Ant. ya Wimbo wa Zakaria:

Ye yote atakayewapeni maji ya kunywa kwa sababu ya jina langu, kwa kuwa mwamfuata Kristo, hatakosa kupata tuzo, asema Bwana.

SALA

Bwana, unaonyesha enzi yako kuu hasa kwa kusamehe na kuhurumia: utujaze daima neema yako, wakati tunapotarajia kushiriki huko mbinguni furaha ulizotuahidia. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 27 *(Sala za Zaburi: Juma 3)*

MASIFU YA ASUBUHI

Ant. ya Wimbo wa Zakaria:

Waacheni watoto wadigo waje kwangu; kwa sababu utawala wa mbinguni ni kwa ajili ya watu walio kama watoto hawa.

SALA

Mungu Mwenyezi wa milele, ambaye kwa upendo wako unatupatia mema mengi zaidi kuliko yale tunayoomba na kustahili, utufungulie hazina za huruma yako, Utusamehe makosa yetu yote yanayotukera katika dhamiri, na utuongeze hata yale tusiyothumbu kuomba. (Tunaomba hayo) kwa njia ya Bwana. (Kwa njia ya Kristo Bwana wetu.)

JUMAPILI LA 28 *(Sala za Zaburi: Juma 4)*

MASIFU YA ASUBUHI

Ant. ya Wimbo wa Zakaria:

Ninyi, mliaoacha kila kitu na kunifuata mimi, mtapokea hayo mara mia, na kuurithi uzima wa milele.

SALA

Bwana Mungu, uifungue mioyo yetu, neema yako ipate kuingia. Tuna-

omba neema hiyo ituongoze na kuwa nasi, ili daima tutarajie kutekeleza matakwa yako. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 29 *(Sala za Zaburi: Juma 1)*

MASIFU YA ASUBUHI

Ant. ya Wimbo wa Zakaria:

Mwana wa Mtu alikuja, si kutumikiwa, ila kutumikia, na kutoa uhai wake kwa ajili ya fidia ya watu wengi.

SALA

Mungu Mwenyezi wa milele, utuwezeshe kukutii wewe daima kwa moyo radhi na bila kukawia. Utufundishe jinsi ya kukutumikia kwa uadilifu na unyofu wa moyo, katika kila kipengee cha maisha. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 30 *(Sala za Zaburi: Juma 2)*

MASIFU YA ASUBUHI

Ant. ya Wimbo wa Zakaria:

'Mwana wa Daudi, unihurumie.' 'Unataka nikufanyie nini?' 'Bwana, na-omba nipate kuona.'

SALA

Bwana Mungu, utuongeze imani, uyaimarishe matumaini yetu, uwashe mapendo yetu, na utujalie tupende kutekeleza unayotuamuru, ili tuyapate unayoahidi. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 31 *(Sala za Zaburi: Juma 3)*

MASIFU YA ASUBUHI

Ant. ya Wimbo wa Zakaria:

Mpende Bwana Mungu wako kwa moyo wako wote. Mpende binadamu mwenzako kama unavyojipenda mwenyewe. Hakuna amri nyingine iliyo kuu zaidi kuliko hizi.

SALA

wako huweza kutumikia ipasavyo utuondolee vikwazo njiani, ili tupate kuzifikia furaha ulizotuahidia. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 32 *(Sala za Zaburi: Juma 4)*

MASIFU YA ASUBUHI

Ant. ya Wimbo wa Zakaria:

Huyo mama mjane maskini, ametoa zaidi kuliko wengine wote, maana, katika umaskini wake, ametoa yote aliyokuwa nayo.

SALA

Bwana, utukinge na kila taabu na huzuni, ili, bila ya pingamizi za kimwili na za kiroho, tuweze kuzifanya huduma zako kwa uhuru na furaha. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 33 *(Sala za Zaburi: Juma 1)*

(Ikiwa hii ni Jumapili ya Mwaka ya Mwisho, sherehe ya Kristo Mfalme huadhimishwa.)

MASIFU YA ASUBUHI

Ant. ya Wimbo wa Zakaria:

Watamwona Mwana wa Mtu akija katika mawingu, kwa nguvu nyingi na utukufu.

SALA

Bwana Mungu wetu, utupatie neema ya kukutumikia kwa furaha daima, kwa maana kama wakati wote tunakutumikia wewe, Mwumba wa yote yaliyo mazuri, twapata haeri iliyo kamili siku zote. (Tunaomba hayo) kwa njia ya Bwana wetu. (Kwa njia ya Kristo Bwana wetu.)

JUMAPILI LA 34: KRISTO MFALME

MASIFU YA ASUBUHI

Ant. ya Mwaliko:

Yesu Kristo ni mfalme wa wafalme: njooni, tumwabudu.

UTENZI

Twamwambia Kristo
Bwana wa viumbe vyote,
Mfalme mtawala

Wa mataifa ndo yote.
Salamu Kristo mshinda,
Ambaye tunakukiri

Peke yako watawala
Mioyo na roho zetu.
Kristo ujulikanaye
U mkuu wa amani,
Amuru ghasia zote
Za maasi na zikome;
Uwarudishe nyumbani
Kondoo walopotea,
Na milele uwatunze
Katika kundi amini.
Kwa ajili yao hao,
Mlimani Kalvari,
Ulisulibiwa Bwana

Katika mti azizi,
Ule mkuki mkali
Ambao ulikuchoma
Uliufungua moyo
Uunguao kwa pendo.
Kwa ajili yao hao,
Wajificha ewe Mungu
Katika maumbo duni
Ya mkate na divai,
Na kutoka mwili wako,
Mwili ulojeruhiwa,
Yatoka mito ya ne'ma
Wanao kuwaendea.

ZABURI

Zaburi na wimbo, taz. Jumapili, Juma 1, uk. 676 nk.

Ant. 1: Tazameni, mtu ambaye jina lake ni 'Jua Lichomozaalo'; atakalia kiti cha enzi na kutawala vyote; atayatangazia mataifa amani.

Ant. 2: Atatukuzwa duniani kote, na yeye mwenyewe atakuwa amani.

Ant. 3: Bwana amempa mamlaka, heshima na ufalme; kila kabila na taifa, na watu wote watamwabudu.

SOMO

Ef. 4:15-16

Kama tukizingatia ukweli kwa moyo wa mapendo, tutazidi katika kila jambo kulingana na Kristo, ambaye ndiye kichwa; chini ya uongozi wake, viungo vyote vya mwili hushikamana pamoja, na mwili wote hutege-meza kwa msaada wa viungo vyake. Basi, kila kiungo kikitekeleza kazi yake ipasavyo, mwili wote hukua na kujijenga katika upendo.

KIITIKIZANO

K. Ee Bwana, watakatifu wako watasimulia utukufu wa utawala wako.

(W. warudie)

K. Watazungumzia uwezo wako.

W. Watasimulia utukufu wa utawala wako.

K. Atukuzwe Baba na Mwana na Roho Mtakatifu.

W. Ee Bwana, ...

Ant. ya Wimbo wa Zakaria:

Alitufanya tuwe ufalme kwa ajili ya Mungu Baba yake; yeye ni mzaliwa wa kwanza kutoka wafu, kiongozi wa wafalme wa dunia, aleluya.

MAOMBI

Kwa imani na matumaini, tumwombe Kristo Mfalme wetu, ambaye ni wa kwanza katika vitu vyote, na vitu vyote vimo ndani yake.

W. Bwana, utawala wako uje.

Bwana Yesu Kristo, Mungu na Mwokozi wetu, wewe ni mfalme na mchungaji wetu:

— uwaongoze watu wako wayashinde matatizo ya maisha. (*W.*)

Yesu, Mchungaji Mwema, uliutoa uhai wako kwa ajili ya kondoo wako:

— utuongoze tutumie vema fursa tuzipatazo ili tunufaike. (*W.*)

Yesu, Mkombozi wetu, wewe ni mfalme wa ulimwengu mzima:

— uvikamilishe vitu vyote ndani yako. (*W.*)

Yesu, mfalme wa wanadamu wote, ulifika ulimwenguni kuushuhudia ukweli:

— uwafanye binadamu watambue ukuu wako katika vitu vyote. (*W.*)

Yesu, mwalimu na mfano wetu, umetuweka chini ya utawala wako:

— utusaidie tuweze kutoa mfano wa maisha yasiyo na hatia, maisha matakatifu na yanayolingana na hadhi yako. (*W.*)

Baba Yetu

SALA

Mungu Mwenyezi wa milele, umependa kuunganisha ulimwengu mzima katika Mwanao mpendwa, Yesu Kristo, Mfalme wa mbingu na dunia. Uvijalie viumbe vyote uhuru, na uviwezeshe kutukuza na kutumikia enzi yako milele. (Tunaomba hayo) kwa njia ya Bwana wetu. (Kwa njia ya Kristo Bwana wetu.)